


~~Declaring~~

On the 1st. inst.



~~10-22-53~~
55-6-11-6-28
17
30

ANTONII ZENI
PATRICII VENETI

In Concionem Periclis & Lepidi

Ex libro primo historiarum

THUCYDIDIS

ET SALLUSTII,

COMMENTARIUS.



CUM PRIVILEGIO.

Venetijs, apud Bologninum Zalterium.

M D L X I X.

AT TOWNSHIP
In Concione Periculis & Periculis

Ex libro periculis & Periculis

THE CYCLOPEDIA

ET ALIIS

COMMENTARIIS



EX LIBRIS REGIIS

Genetis, apud Bologniam & aliam
M. D. LXX.

ANDREAE BADVARIO

CLARISSIMO VIRO,

ANTONIUS ZENVS S.



ETVS ea est constan-
ti doctorum hominum
testimonio iampridem
comprobata sententia,
Andrea Baduari vir
Clarissime, ex omni-
bus artibus, quæ ad uitam hominum in-
stituendam, excolendam, ac certo ad bea-
titudinem presidio muniendam pertinent,
nullam aut usu fructuosiore, aut di-
gnitate ampliore esse, quàm quæ ciui-
tatum instituendarum, ac regendorum
populorum laudem sibi assumit, Et vin-
dicat. Etenim cum primum ipsum uite
finem continet, qui est omnium prestan-
tissimus, tum ceteris, quemadmodum
A 2 facile

facile peruenire ad eum possint, ostendit;
Et habet prater ea eas artes sibi subiectas,
Et administras, quas omnes Et usu, Et ho-
nore ceteris facile consentientur antecede-
re: inter quas nescio quo pacto excellit, ac
prope dominatur ea, quae Eloquentia nomen
habet, quod ea uel ad sua de rep. consilia
suadenda, uel aliena dissuadenda, uel ad
innocentes homines in ciuitate retinendos,
uel ad nocentes inde pellendos totam se se
explicans una prope Et ciuitatum consi-
lia gubernet, Et iudicia dirigat, quorum
praecleara constitutione satis constat om-
nem bene constitutam constare rempub.
Huic igitur arti qui aut remp. habent,
aut de ea capeffenda cogitant, in primis
oportere studere iam inde ab ineunte etate
Et domesticis exemplis multis, Et eorum,
quos uerebar, auctoritate impulsus cum
intelligerem, ita mea adolescentia tempus
traduxi, ut cum rerum physicarum cogno-
scendarum

scendarum causa in nobilissimis Italia
gymnasijs Patavino, & Bononiensi uersa-
rer, nunquam tamen arerum ciuiliū &
oratoriarum studio oculos, mentem ue deij-
cerem. memineram enim, me praeipuo
Dei beneficio eius ciuitatis ciuem esse, in
qua, quod libertate optatissima frueretur,
& multorum consilio regeretur, fa-
cile mea, quacunque esset, excurrere indu-
stria, & meum elucere uel intelligendi, uel
dicendi studium posset. ut omittam pra-
mia, quae semper in nostra rep. bonis, ac be-
ne sentientibus, beneq; dicentibus homini-
bus proposita non mediocriter me ad omnes la-
bores excipiendos accendere cupiditate po-
tuerunt. Itaque ex gymnasio Bononiensi
post quinquennium tanquam ex frequen-
tissimo aliquo bonarum artium mercato sic
postulantibus rebus meis in patriam reuer-
surus, ne tandiu ibi inani opera, & studio
fuisse uiderer, cepi consilium, mecum ali-
quid

quid referre ex ijs, qua diligentiore cura
tractaueram. Fuerunt autem conciones
duae, una Thucydidis, altera Sallustij a me
accurata in primis explanatione, quoad
per me licuit, illustrata, qua, quod causas
ciuiles continerent, atque artificio dicendi
praecllerent, facile, quibus potissimum elab-
orasse in studijs, indicarent. Accedebat
etiam, quod nobilissima scriptorum inge-
nia, ac diuersa rerum publicarum, in qui-
bus illa uersata essent, instituta, ac studia,
sed tamen rei, ac tractationis ratione simi-
lia, plurimum Electores legendo delectare,
Et ad dicendi laudem parandam non me-
diocriter inuare posse intelligebam; praefer-
tim uero eos, qui se totos consultationibus de
rep. instituendis deditissent: qua praecipua
nostra hac tempore iuuentutis uidetur esse
cura. nam qua suasionem grauissimam, bel-
li nimirum continerent, ex magno prope
concionum aliarum corpore excerpti: quod

biup

id

id genus & usu, & dignitate praestantius,
& Patricij Veneti studijs convenientius
esset. quae eadem me caussa impulit, ut in
his explanandis non summum solum in ar-
tificio dicendi aperiendo studium collocar-
im, sed etiam in rebus civilibus aliqua se-
pe oportuna egressione tractandis elabora-
rim, ac locorum, euentuumq; similium un-
diq; conquesta collatione ornare tentaue-
rim. Haec autem quaecunque sint, tuo potissi-
mum dicanda nomini mihi putant. An-
drea vir Clarissime, ne omnino a recepta
consuetudine recederem eiusmodi genere in-
dustriae eius honorandi, cuius a plurimum
debere existimarem. Et enim si morita spe-
ctem tuam, tua uirtus est, iam inde a ma-
ioribus tuis nobilissimis hausta, quorum
gloria in hac rep. fuit maxima, ut iure am-
plissimus quisque ab omnibus tibi honos de-
beatur. huius locupletissimi testes sunt ea
ciuitates omnes, quas maxima sapientia,
atque

atque integritatis laude reuixisti, testisq; se-
natus noster, in quo tu propter uim elo-
quentia propè dominari uideris: ob qua
etiam longe ante, quam cuiquam alij eta-
tis nostra contigerit, amplissimos quosque
huius Reip. magistratus consecutus es. Sin
autem precipuam tui colendi causam ex-
quiram, amor tuus erga me, fratresq;
meos, qui ad affinitatem accedit, quati-
cum auunculo meo Vido Mauroceno. ui-
ro integerrimo intercedit, pro tua huma-
nitate est tantus, ut non solum hoc exi-
guum ingenij mei monumentum, non
sed me ipsum quoque totum ti-
bi, quemadmodum quidem
cupido, uelim dicatum esse Vale.

2

A N T O N I I Z E N I
IN PERICLIS CONCIONEM

P R A E F A T I O.



De Thucydide.

RECLARAM Periclis concionem à Thucydide historiis suis insertam exposituri, atque uarium eius, quoad consequi ingenio, ac diligentia poterimus, artificium expressuri, rem factu-

ros opportunissimam arbitramur, si pauca prius de Thucydide, atque ipsius dicendi ratione dicamus: siquidem tantum ad lectorum studia commouenda scriptorum laus, & gloria pondus, atque momentum habet, ut ipsorum saepe auctoritas apud plurimos pro ratione ualuerit: Quātus autem Thucydides, aut qualis fuerit, cum nobiles ab ipso in iudiciis superati oratores ostendunt, tum uero unus Demosthenes docere optime potest, qui tantum ei tribuit, ut, quemadmodum refert Plutarchus, ipsius historias octies manu sua descripserit: nam Dionysius Halicarnasensis in eo libello, quem de Thucydidis historiae iudicio scriptum ad Tiberonem misit, non Demosthenem solum quamplurima ex ipso obser-

CSO

B

uasse,

uasse, atque ad uerbum deprompsisse tradit, sed
alios etiam complures & historicos, & philosophos, atque oratores idem diligenter fecisse demonstrat. immo uero in tanto honore ipsius scripta fuisse commemorat, ut præclarissimi historici, & oratores illa ueluti regulam quandam scribendæ historiæ sibi proposuerint, & quasi terminum quandam statuerint, extra quem egredi nō liceret iis, qui in rep. uellent excellere. Qui tamē cum tot laudibus afficit, idem eundem labibus, ac maculis multis aspergit. siquidem ipse & diuisionem, & ordinem, amplificandi usum, concionumque multitudinem reprehendit; multa etiam corrigit, & emendat; sed in primis ipsum dicendi genus accusat; id quod etiam in altero ad Ammæum libello apertius declarat. Id quod mirabile uideri possit, cum Demetrius Phalereus multo quàm ipse ætate maior, & rhetor, & philosophus eximius miris ubique in suo de dicendi generibus aureo libello Thucydidem iam pridem laudibus exornasset; immo uero, cum magnificum ei dicendi genus, quod reliquorum omnium dignissimum esse uult, attribueret, eadem ferè omnia, quæ à Dionysio reprehenduntur, ipse laudasset; atq; ad hoc magnificum orationis genus maxime idonea, atque accommodata

data esse demonstrasset. Simile, atque par iudicium fuit etiam Dionysii Longini, qui, cum in sublimi illo suo dicendi genere hunc in primis nobis imitandum proponat, quæcunque uituperat Halicarnasseus, ipse mirabiliter commendat. Quamobrem etsi facilis Thucydidis defensio aduersus Halicarnasæum proponitur: tamen hoc in præsentî relinquemus: præsertim uero cū non in elocutione, sed in inuentione Thucydidi esse uelimus, in qua quidem, & in iis, quæ ad sententiarum grauitatem, enthymematum uim, & affectuum motum pertinent, mirifice ab ipso met Dionysio laudatur. id quod etiam repetit in epistola ad Cn. Pōpeium. atque Cicero eum ita crebrum esse rerum frequentia iudicauit, ut uerborum propè numerum sententiarum numero consequatur, ita porro uerbis aptum, & pressum, ut nescias utrum res oratione, an uerba sententiis illustrentur. Illud autem, quod ex Marcellino, Dionysio, ipsoq; met Thucydide colligitur, non prætermittendum esse duco, Thucydidem dedita opera, ac summo studio huiusmodi dicendi genus sequutum esse; cum uideret eos, qui ante se fuissent, scriptores nuda, tenuiq; oratione usos, atque proprietatem magis, quàm tropos adamasse, uerborumq; compositionem

simplicem consecratos; Herodotum uero ornamenta quidem, atque uerborum delectum adhibuisse, at neq; uires, neq; magniloquentiam attulisse. quamobrem propriam ipse dicendi formam, atque à reliquis historicis, & à uulgari consuetudine remotam delegit, magnificoq; , atq; sublimi hoc, quod uidemus, exquisitissimo dicendi modo usus est. itaq; Cicero in Orat. sic ait. *Quo magis sunt Herodotus, Thucydidesq; mirabiles, quorum ætas cum in eorum tempora, quos nominauimus, incidisset, longissime tamen ipsi à talibus delitiis, uel potius ineptiis abfuerunt: alter enim sine ullis salebris, quasi sedatus amnis fuit; alter incitator fertur, & de bellicis rebus canit quodammodo bellicum.* Imitatus autem hic esse iudicatus fuit Homërum in delectu uerborum, & in accurata compositione; & in firmitate, pulchritudine, celeritateq; orationis; Pindarum in magnificentia, & sublimitate characteris; Gorgiam in comparibus, & oppositis; & Perdiccam Chium in diligentia nominum. Historiam scribere aggressus est ab initio belli Peloponnesiaci, eam autem exornauit in Aegina insula, ubi, cum in exilium ab Atheniensibus ob res male gestas apud Amphipolim uigesimo belli anno missus esset, otio uacauit. Hic ueritati adeo studuisse fertur, ut apud Lacedæmonios, & apud Athenienses,

qui

qui uera sibi nuntiarent, summā mercede conductos habuerit. itaq; *ἀγανισματα* eius historiarū appellatā sunt, ac propterea etiam historia ei est consecrata. Non potuit tamen morte ante quingentesimum annum præreptus historiam perficere. nam etiam octauus historiarū liber ceteris incomptior est. quo factum fuit, ut illum nonnulli eius filiarū, aut Xenophonti adscriberent. itaq; Dionysius immerito in hoc Thucydidem reprehendit, quod non ubi promisit historiam finierit. Ac de ipsius quidem eloquentiarū laudibus, hætenus. Nunc, quoniam conciones eius à Cicerone in Orat. ob obscuras ipsarū, abditasq; sententias, id quod in oratione ciuili uitium esse uel maximum censet, à forensi, & publico usu remouentur; id quod etiam cum eo, quod ab Arist. Rhet. tert. præcipitur, consonum est, cum ait. *Concionum elocutio umbratilis utique picturæ similitudinem imitatur, quia quanto maior turba fuerit, tanto longius spectatur. quare summum studium in utraque inane, malumq; uidetur.* his de causis, ne meū his auctoritatibus iudicium condemnatur, illud opponendum uidetur. quod in dicendo uitium esset uel maximum, id in scribendo laudatissimū esse: est enim, ut ibidem docet Arist. longe diuersa elocutio eorum, qui dicunt, & qui scribunt.

bunt. Ceterum *scriptionum elocutio est, quæ accuratissima, contentionum uero; quæ maxime cum actione coniungitur.* quare paullo post addit. *Quin si inter se comparantur orationes, quæ quidem scriptorum sunt, in contentionibus angustæ, quæ uero oratorum quanquam bene habitæ, tamen inter manus uulgares habentur.* His adde, quòd Demosthenes ipse, qui dicere ex tempore putabatur, notatus est, quòd oratio eius lucernam oleret, idest, quòd ubique accuratissime, & quasi ex scripto diceret, quod etiam indicant ex partes orationum, quas ex una in alteram transtulit, ut Homerus uersus. Accedit etiam id, quòd in primis me mouet, quòd in nostro Senatu doctissimis, sapientissimisque tantum uiris referto, ad quorum iudicium, & uoluntatem, ut oratio nostra accommodata sit, nobis est omne studium, curaque ponenda, nihil non exquisitum, & elaboratum, quodque in primis grauitatis plenum sit, & omnino sententiis, rationibusque refertum, quales sunt huius omnes conciones, afferri oportet. Est etiam illud animaduertendum, quòd non eadem ornamenta, & eundem apparatus capiunt hæ conciones, quæ sunt historiis insertæ, & quasi castrenses sunt, atque illæ, de quibus tunc præcipit Cic. & Arist. quales sunt illæ, quæ uere à Cicerone, Demosthe-

stheneque recitatae sunt. Verum his in praesenti
 praetermissis, ego hanc potissimum concionem
 interpretandam suscepi, quod inter ceteras om-
 nes pulcherrima sit, dignissimaq;, in qua studiū,
 & obseruatio singularis adhibeatur, idque non
 meo, sed Dionysii Halicarnassei iudicio, qui de
 ea sic iudicat. *Ex concionibus uero illam magnopere
 sum admiratus in primo libro Athenis habitam à Pericle,
 in qua agitur, ne Lacedaemoniis Athenienses cedant; cuius
 hoc est initium. τὸς μὲν νόμος; &c. quae quidem oratio, &
 quod ad sententias attinet, diuine est enuntiata; &, quod
 ad compositionem partium, & figurarum non coheren-
 tium, & coarctarum mutationes spectat, minime auribus
 est molesta. in qua omnes eas uirtutes, quae in concionibus
 usurpantur, adhibitas uidemus. Quare cum adeo ad-
 miratione, studio, imitationeq; digna haec ora-
 tio sit, sequitur, ut ad ipsam explicandam no-
 stram merito operam, atque industriam confera-
 mus. Cum autem tria sint, ut docet Arist. ex
 quibus omnis constat oratio; is qui dicit, res, de qua
 dicit, & is, ad quem; quorum cum perfecta ab ora-
 tore cognitio tenenda, tum ratio in dicendo di-
 ligenter habenda est, quippe in quibus eloquen-
 tia uis omnis consumitur, & ex quorum uarie-
 tate diuersitas omnis praceptorum oritur, iccir-
 co, & nos his in praesenti Periclis oratione expli-
 catis,*

catis, deinceps artis præcepta indagemus; atque ab his, ueluti *πρὸς τοὺς ἀρχαίους* loco præpositis, expositionis initium ducamus. ac primum de ipso, qui loquitur, Pericle dicamus.

De Pericle. Magnus ergo uir Pericles, ac prope auctoritate, & gloria princeps ciuitatis Atheniensis fuit: siquidem multorum, & maximorum philosophorum consuetudine usus Pythoclidis, Anaxagoræ, qui ob diuinam sapientiam, & dicebatur, ac denique Damonis, ut ex Platone in libro de natura hominis apparet, uarias inde, excellentesq; sibi disciplinas compararat, & cum ad has ingenii acumen adiungeret, inde, ut censet Socrates in Phædro, & mentis sublimitatem, & in dicendo uim sibi peperit. ex quo deinceps Olympii cognomen inuenit: etenim fulgurare, tonare, & Græciam permiscere dicebatur, leposq; in illius labris habitasse à ueteribus comicis ferebatur. Verum cum adeo in dicendo ualeret, fiebat tamen, ut ob naturalem quandam in rebus omnibus grauitatem, summamq;, nec eam tamen inuidiosam, immo etiam popularem seueritatem rarius ad dicendum accederet, seq; ad res maximas tantum, ueluti Salaminiam triremem, reseruaret. Quin etiam ex ingenua, moderataq; hominis natura, siue ex incredibili eius in patriâ amore,

amore, & caritate eueniebat; ut, si quando in
suggestum ei esset ascendendum, animi timore,
metuq; semper aliquo perfunderetur: quare ab
initio uota Diis, ne uerbum sibi, quod minus e
rep. foret, in mentem ueniret, facere solitus erat.
eademque fortasse de causa accidit, ut nulla fe
re scripta præter decreta quædam, ut inquit Plu
tarchus, siue etiam oratiunculas quasdam, quas
uidetur significare Cicero se uidisse in Bruto,
etiamsi illas Quint. falso illi attribui existimarit,
ab eo in lucem edita fuerint. Sed ex eiusdem præ
terea probitatis, moderationisq; fonte ille etiã,
qui & Fabio Maximo est attributus, prouiden
tiæ, cautionisq; salutaris habitus emanauit: ob
quem etiamsi inter reliquos omnes Athenienses
duces fortissimus, peritissimusq; imperator ha
beretur, nunquam tamen totius certaminis aleã
experiri uoluit. Quare, cum ad omnia fere,
quæ tunc incidereht bella gerenda prætor sæ
pius, atque etiam *αὐτοκράτωρ* aliquando electus ef
set, ea omnia sine uulnere, atque etiam sine ullo
militum detrimento, quos etiam, quod ad se at
tineret, immortales fore prædicare solebat, feli
cissime confecit. His igitur tantis, tamq; præcla
ris uirtutibus Pericles præditus ad remp. acces
sit. cumq; dux in rep. Atheniensi partes essent,

locupletum una, altera tenuiorum, ipse populi partes amplexus est; tum ut præsidii se contra inuidiam, tyrannidis suspicionem, ostracismi; legem muniret, quæ ob diuitias, generis nobilitatem, amicitias multas, eximiasq; uirtutes, & in primis, quoniam, ut Plutarchus ait, Pisistrato similis esset, sibi uehementer timebat; tum uero maxime, ut uires inde contra Thucydidis, Cimonisque diuitum partis potentiam compararet, qua in re liberalitatis præcipue popularis auræ optimæ captatricis instrumento usus est: ex propriis enim facultatibus pauperes multos alere, senibus uestimenta præbere, petentibusq; nihil negare solebat, priorum etiam agrorum maceris ea de causa deturbatis cuicunque fructus permittebat. quin etiam non solum de suo, uerum etiam de publico, dum remp. administraret, liberalissimus, munificentissimusq; erat: spectacula enim, epulasq; plures sæpius instituit; ædificia multa, ueluti naualia, mœnia, portum, murumq; medium, ut refert Plato in Gorgia, aliaque multa, quæ à Plutarcho diligentius enumerantur, ut inde populus lucri occasionem haberet, facienda curauit; triremes etiam quam plurimas ædificauit, easq; sæpius, & multas, unde naualis turba, quæ plurima erat, aleretur, emi sit:


fit: quin etiam illi primus stipendia præbuit; idemq; etiam primus de peditum stipendio tulit, quod Plato in Gorgia, & Vlpianus ad orationem de syntaxi prodiderunt: similiterq; iudicibus mercedem idem constituisse, & Areopagi præterea consilium in populi gratiam imminuisse, eiusq; auctoritatem afflixisse, ab Aristotele secundo Politicorum dicitur: ut alia omittam plurima, quæ ad popularem gratiam captandam pertinentia à Plutarcho adiiciuntur. Quo factum est, ut quemadmodum testatur Plato in Alcibiade primo, non apud suos ciues solum, sed apud uniuersam prope Græciam, multasq; Barbarorum gentes omnia posse uideretur, ipsisq;, ut idem confirmat in Theage, uolentibus Atheniensibus dominaretur. unde in eum resp. Atheniensis statum deuenit, ut, quemadmodum censuit Thucydides in secunda historia, uerbo quidem status popularis, re autem præstantissimi uiri dominatus esset. quem quidem ut ab initio sibi compararet, etiamsi, ut existimauit Socrætes in Gorgia, insolentior, arrogantiorque populus Atheniensis ab eo redditus erat, posteaquam tamen Thucydidis, Cimonis, Demosthenisq; potentiam imminuit, non ita omnia populi libidini concessit, sed modeste, seuerè, laudabili-

terq; omnino se gessit: ita ut, cum per quadraginta annos, ut est apud Plutarchum, reip. princeps extiterit, incorruptus omnino fuerit: itaq; cum à Samiis, regisq; ministris pecuniæ sibi magna uis oblata esset, illas omnino repudiavit; relictumq; sibi patrimonium in tot administratioribus ne una quidem drachma cumulauit; populo autem Atheniensi, cum mansuete eum, liberaliterq; tractaret, & regeret, non modo non assestabatur, sed libere etiam, aperteq; sæpius accusabat, acerbissimeq;, ut Thucydides libro secundo, & Demosthenes tertia Olynthiaca proderunt, obiurgabat. Cum tot igitur, tamq; præclaris uirtutibus in unum collatis princeps Pericles reip. Atheniensis & in dicendo, & in agendo procul dubio haberetur, nactus occasionem, à qua eorum, quæ ad rem propositam pertinent, expositionis initium sumemus, hanc concionem habuit.

De iis, quæ ad rem pertinent.

Post bellum Persicum Xerxis Lacedæmonii, & Athenienses, qui in eo ceterorum duces, principesq; extiterant, se inuicem statim æmulari, atque inter se dissidere, & contendere incœperant: & per annos quinquaginta, etiamsi palam focii amiciq; esse uiderentur, quippe qui communia interim arma contra Asiæ reges ferrent, clam

clam tamē inuidia odioq; mutuo uehemēter ſi-
grabāt, & quoquo modo alterius inuicē magni-
tudinē, amplitudinēq; inminuere, & impe-
dire, quoad poterant, conabantur. ſæpius autem
inter eos fœdera & iſta, & renouata ſunt; ueluti
quæ inter ipſos, & utriuſque ſocios tricennalia
ultimo loco facta fuerant. quæ tamen non fue-
runt diuturna: nam Athenienſes Corcyræis, quī
in fœderibus nemini ſe ſocios addiderant; con-
tra Corinthios Lacedæmoniorum ſocios auxi-
lium tulere; itaque Corinthii Potidæatas, Bote-
tios, Chalcidenſesq; Athenienſibus ſubiectos
ad defectionem impulere, & cū his contra Athe-
niēſes pugnarunt; à quibus prælio ſuperati ad
Lacedæmonios ſtatim cum ceteris fere omnibus
ſociis confugerunt; Athenienſes, quod iniuſte
fœdera rupiſſent, accusantes, & ad bellum con-
tra illos ſuſcipiendum incitantes. Quare Lace-
dæmonii cum Corinthiorum querelis permoti,
cum etiam, idq; in primis Athenienſium poten-
tiæ metu compulſi, quorum opes, & auctoritas
hoc interim ſpatio mirum in modum creuerant,
decreuerunt fœdus eſſe uiolatum, & una cum re-
liquis ſociis eſſe illis arma mouēda; id quod de-
cretū fuit quartodecimo anno poſt fœderis ſan-
ctionem. Statim igitur mittunt legatos ad Athe-
niēſes



nientes petentes, ut piaculum Mineruæ diluât,
eo consilio, ut Pericles, quem eo quod statum
popularem foueret, & sibi semper aduersaretur;
oderant, Athenis pelleretur; erat enim Clis-
thenis, qui eo crimine primus obstrictus fuerat, pro-
genies. quibus Athenienses; ut & ipsi Neptuni,
atque Palladis pariter piaculum expiarent, re-
sponderunt. Secundo etiam per alios legatos pe-
tierunt Peloponnesii ab Atheniensibus, ut à Po-
tidææ obsessione recederent, dimitterent libe-
ros Aeginetas, & ut Megarensium decretum re-
scinderent, quibus multo minus paruerunt. Po-
stremo nisi liberos Græcos omnes dimitterent,
bellum denūtiarunt. Qua de re conuocata con-
cione apud Athenienses, cum multa, uariaq; ab
aliis dicta essent, hæc Pericles locutus est, in qui-
bus populum ne Lacedæmoniorū mandatis ob-
temperet, ipsisq; nullo pacto cedat, suadet, & ad
bellum suscipiendum hortatur. Atque ex his qui-
dem ea, quæ ad rem, de qua Pericli dicendum est,
pertinent, quæque uniuersæ huic orationi subii-
ciuntur, non difficile erit uidere. siquidem, ut in
unaquaque scientia subiectam rem eam esse iudi-
camus, quæ in ea præcipue consideratur, & ad
quam reliqua omnia referuntur: ita etiam in ora-
tionibus singulis id, cuius causa illæ suscipiun-
tur,

tur, & ad quod oratoris studium, eloquentiaq;
uis omnis dirigitur, ipsarum propositū esse exi-
stimamus. quare cum in præsentī concione hæc
omnia ad bellū Atheniensibus contra Lacedæ-
monios suadendum dirigantur, ob quod etiam
tota hæc oratio constituta est. quin hoc eiusdē
subiectum, materies, propositusq; finis sit, nemi-
ni dubium uideri debet. cuius cognitio quoniā
tantum ad cetera omnia intelligenda pondus à
principio habere solet, ut inde reliquæ omnes
cognitiones ortum trahere uideantur; de hoc
mihi in præsentī, antequam explicationem ag-
grederer, dicendum in primis, ac disputandum
necessarium esse existimaui. Quin etiam, quo-
niam in prioribus resolutoriis, cap. de abun-
dantia propositionum docet Aristoteles ratio-
nes, atque argumenta ad propositum omne pro-
bandum, ex conclusionis terminis hauriri; & de
terminis quoque propositæ in hac concione cō-
clusionis dicendum, explicandumq; à nobis ui-
detur: nam & in Rhetoricis quoque idem sæ-
pius hoc oratoribus præcipit esse faciendū. Qua-
re sequeretur, ut in præsentī de Atheniensibus,
id quod conclusionis propositæ τὸ ὑπὸ κρίματι est,
itemq; de bello, atque Lacedæmonios hostibus,
quæ τὰ κατὰ γοργεύς loco sunt, quæcunque ipsis in-
sunt,

sunt, exponeremus, & ea in primis, ex quibus Pericles uidetur argumenta sumpsisse. Verum de his, ubi ad suasionis tractationē peruenierimus, dicendi locus erit. Nunc, quoniam ad unamquamque rem percipiendam, & distinguendam, ipsius generis cognitio mirum in modum ualet, oratoris autem omnis subiecta materia ad tria genera deducta est, sub quibus etiam, ueluti tribus rhetoricæ formis, & partibus singula à rhetoricis præcepta traduntur; ideo & nos, ad quodnam horum generum hæc nostra oratio redigatur, aperiamus. neque uero hæc quæstio magnam habet difficultatem, si quis, quæ dicta sint, accurate meminerit: nam cum in belli suasionē, hæc uniuersa oratio posita sit, id quod unum est ex iis quinque, de quibus maxime consilia dantur, generi ipsam deliberatiuo adscribendam esse, manifestum est. Sed quia hæc nimis simplex cognitio, & admodum generalis consideratio uidetur, unde ab oratoribus alia distinctior, ac ætiorq; adhuc ad inueniendum ratio excogitata est; hæc cuiusmodi in præsentī oratione adhibita fuerit, à nobis exponendū est. Parata ab oratore materia de qua dicat, atque orationis genere reperto, considerandum est subito; quid sit id, quo referenda sit ei omnis oratio, id est in quo

con-

controuerſia conſiſtat, quo remoto non eſſet opus oratione: neque enim eſt ſatis cauſæ genus cognoscere, ſed uidendum eſt, in quo uerſetur quaſtio, ad quam ſint argumenta accom-
modanda; quod intelliget, ſi uiderit, quid ſibi conueniat cum aduerſario, quid non conueniat: in omni enim genere dicendi, ut eſt apud Ariſtotelem Rhetoricorum ſecundo, aut eſt, aut ponitur eſſe aduerſarius, qui diſſentiat: ac ex his quidem ſtatus ſubito, qui ea de cauſa *ῥαῖς* græce dicitur, quod in hoc cauſa conſiſtat, ibique ſit cauſæ congreſſus, colligitur. de his autem ſtatibus etiam ſi non adeo aperte Ariſt. ut Latini, tradiderit, at eos tamen ipſum cognouiſſe, pluribus eius Rhetoricæ locis confirmare poſſem, quos, ne uerboſior ſim, in præſenti prætermittam. Latini uero adeo inter ſe hac de re diuerſa præceperunt, ut, quemadmodum cenſuit Quintilianus, in hoc illi præcipue ſtudio poſuiſſe uideantur. itaque nec qui ſit numerus, nec quæ nomina, nec qui generales, qui ue ſpeciales ſint ſtatus, inter eos conuenit. quibus nos dummodo hos ſtatus non miuus in ſententiæ dictione, quàm in ceteris orationum generibus reperiri conceſſerint, & oratori ſemper eſſe huiusmodi conſtitutionem ad argumentorum in-

D

uen-

umentionem necessariam, facile hoc tempore, &
 absque ulla disputatione reliqua omnia con-
 dabimus. Cicero certe tantum abest, ut hoc ne-
 get, ut quonam modo iidem in ipsis delibera-
 tionibus existant status, pluribus in Topicis ex-
 plicuerit. & in secundo de Oratore nihil non
 aut in facti, futuri ue, aut in qualitatis, aut fini-
 tionis quæstionem cadere, Antonium aperte af-
 firmantem introduxerit. Sed & Arist. libro ter-
 tio artis rhetoricæ idem uidetur innuere his uer-
 bis. *In concionibus aut euentura non esse contendemus,*
aut euentura illa quidem, quæ ille censet, uerum iusta non
esse, aut non utilia, aut non tantopere. Qui nam igitur
 sunt ii status, qui in hac nostra causa reperiun-
 tur? Quemadmodum orator ex statuum inuen-
 tione argumenta deinceps ad illos accommo-
 dat, sic in scriptarum orationum examinatione
 status, qui nam in eis sint, ex argumentorum co-
 gnitione colliguntur. id quod nobis in præsen-
 ti eodem modo præstandum est. Argumenta
 igitur omnia, ut uidebimus, in hac oratione ad
 honestatem, necessitatem, siue utilitatem, & ad
 facilitatem ostendendam tendunt. duos igitur
 habet hæc oratio status, negotialem, & coniectu-
 ralem; negotialem, quatenus honestatis, & ne-
 cessitatis ratio assumitur; coniecturalem, quate-
 nus

nus facilitatis. *Negotialis est*, ut censet Hermogenes, *disputatio de re futura*, *ει δει γλοιβαυ τοδε, ε μὴ γλοιβαυ*, *an oporteat aliquid facere, uel non facere, dare, uel non dare: ueluti, utrum sepeliendi sint Barbari ad Marathonem interempti*. hunc autem pro specie quadam rationalis ponit, qui & ipse ad qualitatem ab eodem reducitur: differt autem negotialis hic status à iuridicali tempore solum, iuris enim utrique sunt: itaque non erit admodum diuersa Hermogenis sententia ab ea Ciceronis in Topicis, qui etiam si huiusmodi diuisionem non attulerit, in deliberationibus tamen, cum aliquid de utilitate, honestate, æquitateq; differitur, deq; iis, quæ his sunt contrariæ, status aut iuris, aut nominis docet incurrere. Coniecturalem autem statum in sententiis dicendis tunc oriri, cum aut futura, aut facilia persuadentur, aut negantur ea, quæ aut omnino fieri non possunt, aut non sine summa difficultate, admonet Cicero in Topicis ibidem. Sed de his, quæ ad rem subiectam pertinent, satis ferè diximus. illud autem nostræ institutæ descriptionis, & temporis uidetur esse, ut ad auditores sermonem nostrum conferamus.


Auditorem autem populum esse, concionis nomen declarat, concionis uero in Atheniensi republica tanta erat potestas, ut eius arbitrio uni

De auditore.

uersæ fere reipublicæ administratio permissa esse uideretur. huic enim & legum, & sacrorum, & magistratum, belli pariter, ac pacis, præmiorum etiam, & honorum, necnon & aliquorum iudiciorum ius fuit. cui tamen & Quingentumuirum, & Areopagitarum senatus præpositus erat, nimirum ut his duabus quasi anchoris ipsa fluctuans regeretur. quare ut etiam in aliis quam plurimis reip. institutionibus, sic & in hac similis Atheniensis resp. nostræ uidetur esse. siquidem illorum concio nostris comitiis, senatus Quingentumuirum senatui Rogatorum, atque Areopagita Decemuiris comparari optime possunt. quibus omnibus consiliis, ut etiam apud nos, sui singulis præfecti instituti erant. de horum autem republica pulcherrimus extat Xenophontis libellus, multa etiam reperiuntur apud Aristotelem libro secundo Politicorum, atque Plutarchum in Solone: at diligentius, exquisitiusque Carolus Sigonius Romanæ æque, atque Græcæ antiquitatis Pater quatuor libris eius iura persecutus est. nostræ uero diuina instituta uir diuinus Gaspar Contarenus Cardinalis diuinitus aperuit, & explicuit. Quod uero ad Atheniensis reip. populi conditionem spectat, ipsum quidem ingenio, doctrina, iudicio,

cio, atque eloquentia inter ceteros plurimum
ualuisse, Ciceronis, antiquorumq; omnium scri-
pta loquuntur. ut autem & ad iram, & ad miseri-
cordiam procliuis, natura suspicax, comitate ri-
diculorum, & iocorum delectatus fuerit, ac lau-
dis propriae studiosus, nec tamen obiurgatio-
nem indignatus sit, de humanitate item eius, &
clementia, plura sunt apud Plutarchum in Præ-
ceptis politicis, quorum etiam omnium, & plu-
ra exempla, testimoniaque afferuntur. ac de iis-
dem singulis illum & in Demosthenis, & in Thu-
cydidis, aliorumque græcorum oratorum con-
cionibus aliquando accusari, aliquando uero
laudari sæpiissime uidemus. Respublica uero
Atheniensis eo tempore, ut ex Thucydidis, Xe-
nophontis, Plutarchique horum temporum mo-
numentis perspicitur, populari statu regebatur.
Quare cum oratio omnis ad auditorem refe-
ratur, auditorum autem status, natura, inge-
niumque, ut ubique Aristoteles, Plutarchus eo-
dem loco, & sæpius Cicero præcipiunt, diligen-
ter cognoscenda, atque inspicienda sint, ad quæ
deinceps omnis nostra oratio accommodanda
est, iccirco hæc breuiter, strictimq; attigisse ab
huius nostri sermonis officio uisum est non ab-
horrere. Nunc quoniam similitudine res faci-
lius

lius percipiuntur, est intelligendum, huic ora-
 tioni similem magna ex parte illam Annibalis es-
 se ad Antiochum apud Liuium libro tri-
 gesimo quinto. simillima uero, uel
 si artem, uel si materiem spe-
 ctes, est concio Archi-
 dami Lacedæmo-
 niorum regis
 hoc eodem
 Thucydi-
 dis li-
 bro.



Q

ΔΗΜΗΓΟΡΙΑ

ΤΟΥ ΠΕΡΙΚΛΕΟΥΣ ΤΟΥ ΤΩΝ ΑΘΗΝΑΙΩΝ

ΣΤΡΗΤΗΓΩ ΕΚ ΤΗΣ ΠΡΩΤΗΣ ΤΗΣ ΒΑΚΧΥΛΙΔΑΣ ΕΥΓΓΡΑΦΗΣ

ΤΟ ΠΡΟΟΙΜΙΟΝ.



Ης μὲν γυνὴς ὡς ἀθηναῖοι αἰεὶ τῆς αἰτῆς ἔχουσι,
 μὴ εἴκειν πιλοποιήσας: καί περ εἰδὼς τὰς ἀνθρώπων
 πρὸς τῇ αὐτῇ ὀργῇ ἀναπειθεμένους τε πολιτεῖν,
 καὶ ἐν τῷ ἔργῳ πρᾶσσοντας, πρὸς δὲ τὰς εὐφορὰς
 καὶ τὰς γνώμας τρεπομένους. ὁρῶ δὲ καὶ νυνὶ ὁμοῖα,
 καὶ παραπλήσια συμβαλόντα μοι ὄντα. καὶ τὰς
 ἀναπειθεμένους ὑμῶν δίκαιον τοῖς κοινῇ δόξασιν, ἢ ἄρα τι καὶ σφαλῶμι-
 θαι, βουθεῖν, ἢ μὴ δὲ κατὰ βούλησιν τὰς τῆς ἐνείσσης μεταποιεῖσθαι: ἐνδύχ-
 ται γὰρ τὰς εὐφορὰς τῶν πραγμάτων ὅς τις αἰμαθῶς χαρῆται,
 καὶ τὰς διανοίας τῶν ἀνθρώπων: διόπερ καὶ τὴν τύχην, ὅσα ἂν πε-
 ραλόγως εὐμβῇ, εἰώθαμεν αἰτιάσθαι.

CONCIO

PERICLIS PRÆTORIS ATHENIENSIVM

ex libro primo historiarum Thucydidis.

PROOEMIUM.



IVSDEM adhuc sententia sum
 Athenienses Peloponnesijs ce-
 dendum non esse: quanquam
 non ignoro non eadem ira homi-
 nes ad bellum impelli, atque in ipso se negotio
 gerere, verum pro euentibus sententijs va-
 riari.

riari. video autem & nunc simile mihi, atq;
par consilium esse dandum. Postulo autem à
vobis, quicumque in meam sententiam vene-
ritis, communibus decretis, si qua in re lapsi
fuerimus, opem ferre, aut, si recte rem gesse-
rimus, prudentiam vobis non asciscere; ac-
cidit enim rerum euentus non minus temere,
quàm hominum consilia succedere; itaque
in ijs, quæ præter rationem ceciderunt, fortu-
nam accusare soliti sumus.

Quatuor sunt, quæ orator in conficienda
oratione præstare solet; primum rem ipsam, de
qua est illi dicendum; diligenter considerat, ad
quam etiam causæ genus, & statum, & sui, audi-
torisq; personam refert. deinde omnem in argu-
mentorum, affectuum, & morum copia paran-
da operam ponit. tertius est labor in inuentio-
ne, & selectione uerborum, ut ea aperte, orna-
teq; dicat. ad extremum, hæc omnia ordine, lo-
coque disponit. Quare si oratorum in struen-
dis orationibus consuetudinem nos in eisdem
obseruandis, explicandisq; imitari uellemus,
consequens esset, ut post ea, quæ de re, perso-
nisq; huic orationi subiectis diximus, de fide,
clo-

elocationeq; huius orationis exponeremus. id quod non ita tamen, ut illis, nobis faciendum est: nam cum hæc in perpetua oratione, sicuti sanguis in corpore, fusa sint, ut quæque ex arte adhibita fuerint, ita à nobis suis locis singula, præsertim uero, quæ inuentionis erunt, notabuntur. interim de partibus orationis loquamur. Quemadmodum igitur nihil est, quod ordine, & dispositione oratori utilius, magisque necessarium sit, sic nulla est res in tota oratoria facultate, de qua difficilius certa, & definita præcepta tradantur. nam cum oratoris finis, animusque ad unum oratorem referatur, mirum est, quàm multis, & diuersis modis ipsius gratia dispositio sæpius uarianda sit. Vnde non solum de numero, sed etiam de ordine harum inter se orationis partium magna inter rhetores dissensio orta est, qui cum in reliquis ferè omnibus discrepent, in hoc tamen omnes consentiunt, ut duæ præcipuæ, & cuius orationi in primis necessariae partes sint; una, qua res, de qua dicendum est, proponatur; altera, qua res illa demonstretur, quarum illa propositio, hæc uero fides ab Aristotele appellatur; reliquæ uero, quæ, quot, qualesque sint, omnes, pro ut tempus, locus, occasioque postulat, oratoris ar-

bitrio permittuntur. Atque his etiam duabus tantum partibus præfens hæc nostra oratio continetur; idque iure; nam cum reliquæ orationis partes ad corruptelam auditoris referantur, in genere quidem deliberatiuo eò quòd auditor, ut tradit Aristoteles in proœmio Rhetoricorū, propriis de rebus iudicat, minus suppetit extrarem dicere, uerū nihil aliud fere opus est, quàm demonstrare ita rē se habere, ut ait ille, qui consulit. Quin etiam eiusdem exordium non nimis apparatus, exornatumq; est, quale est in suasionibus Demosthenis, & Ciceronis. huius rei duæ sunt causæ: una, quòd ex Aristotelis sententia, Ciceronis, & Quintiliani deliberationes, fere exordio carent, aut non admodum magno instructæ sunt; altera, quòd diuersa est ratio concionum earum, quæ in historiis interpositæ sunt, atque illarum, quas scriptas nobis uel Demosthenes, uel Cicero reliquerunt: in his enim omnia orationis ornamenta se effundunt, in illis parcius omnia attinguntur. sed tamen quoniam abrupto initio non esse utendum docet Quintilianus, atque Aristoteles, quia quæ eo prædicta non sunt, abrupta uideantur; propterea ratio quædam tenenda est, ne undelibet incipiamus. Aristoteli autem placet, *rationem exordiorum*

in suasionibus peti debere à iudicialibus causis, ut aut à nòstra, aut ab eius, qui dissentiat persona ordiamur, nisi ipsi rem tantam iudicent, quantam uelis, aut maiorem, uel minorem, quàm uelis, ut aut crimen inferendum sit, aut diluendum, aut res augenda, aut minuenda. id quod in præsentì parte optime præstat Pericles. præter enim id, quod omnium procemiorum proprium, ac necessarium munus est, uidelicet consilii sui explicationem, nil aliud agit, quàm quòd objectiones, quæ forte afferri potuissent, depellit. in quibus etiam simul apparet, quomodo & ex moribus, cum prudentiæ, caritatis, fidelitatisque in suos ciues opinionem excitat, itemq; ex affectibus, cum iram mouet, fidem orationi suæ faciat. quibus omnibus attentionem, docilitatem, beneuolentiamq; sibi comparat apud auditores.

ΕΙΥΣΔΕΜ ΑΔΗΥC ΣΕΝΤΕΝΤΙΑΕ ΣΥΜ ΑΘΗΝΙΕΝΣΕΣ ΠΕΛΟΠΟΝΝΗΣΙΙΣ CΕΔΕΝ ΔΥΜ ΝΟΝ ΕΣΣΕ. Breuissimè, ac paucis uerbis statim à principio sententiam suam, ut rhetores omnes docent esse faciendum, explicat, quæ sanè hæc est. Cum Lacedæmonii partim, ut diximus, Corinthiorum, reliquorumq; Peloponnesiorum, atque sociorum precibus fatigati, partim uero, idque in primis metu, atque inuidia adducti, quod adeo cresceret Atheniensium po-

tentia, tres ad Athenienses legationes misissent, ea, quæ in argumento commemorauimus, impetrantes, aliter bellum illis denuntiantes, Pericles illorum mandatis non obediendum, neque Peloponnesiis cedendum, uerum bellum potius suscipiendum esse censet. His autem uerbis, dum de bello suscipiendo proponit, quod inter cetera, de quibus consulitur, maximum, grauissimumque est, attentionem fortasse parere dicendum est. *Attenti enim, inquit Aristoteles, auditores rebus magnis, propriis, admirabilibus, iucundis sunt.* Vnde Isocrates in oratione de pace, ex huius materiæ magnitudine aperte attentionem parat pluribus uerbis, & rationibus. Dum autem, de quo dicturus est, proponit, docilitatem etiam facit; quæcunque enim ad doctrinæ facilitatem spectant, ea omnia docilitatis propria sunt, ut *τὸς ἐμὲ θεός* nomen declarat. est autem ualde coniuncta docilitas cum attentione, id quod etiam admonet Cicero in primo de inuentione. *Et cum docilem facere uelis, simul attentum facias oportet, nam is maxime docilis est, qui attentissime est paratus audire.*

EIVSDEM ADHVC SENTENTIÆ. Prudentiæ simul cum sententiæ expositione opinionem excitat, id quod, ut præcipit Aristoteles initio secundi libri Rhetoricorum, maxime ualet

ad

ad fidem oratori comparandam, cum ab ipso inter ea, quæ moratam efficiunt orationem, primum numeretur. *Tres enim causæ, inquit, existunt, propter quas præter demonstrationes oratori fides adhibetur, prudentia, uirtus, & beneuolentia: siquidem fallunt in iis, de quibus dicunt, uel consiliū dant, aut his rebus omnibus, aut aliqua harum, quia aut propter imprudentiam non recte id opinantur, aut recte opinantes propter improbitatem ea silent, quæ opinantur, aut prudentes, & probi sunt illi quidem, uerum parum beneuoli. quare, &c.* Est autem quemadmodum perturbationū motus iudiciali, sic morata oratio deliberatiuo generi in primis accommodata. atq; ille quidem perorationis, hæc uero proœmii magis propria. itemque ille ad auditores, hæc autem ad oratorem refertur; quemadmodum & argumenta etiam ad ipsam præcipue rem accommodantur. quare hæc sola artificiosa, illa uero duo additamenta ab Aristotele esse iudicata sunt. De hac autem per mores fidei pariendæ ratione uarie, atque imperfecte fere ab omnibus traditum est. Cicero quidem in secundo de Oratore cum tres in dicendo rationes statuisset, unam conciliandorum hominum, alteram docendorum, tertiam concitandorum, per primam illam eā, quæ ad mores oratoris, & eius, pro quo, & in quem dicit

dicit orator, pertinent, intellexit: de qua tamen eo in loco pauca sane præcipit, neque alibi, etiam si eam quodammodo in Perfecto Oratore, atque in Partitionibus attingat, ipsius tractationem instituit. Hermogenes uero, quanuis de hac satis abunde tradiderit, ad elocutionem tamen eam solum totam accommodauit. Aristoteles autem de moribus tribus in locis in Rhetoricis præcepta dedit. nam & ab oratoris persona iis, quos dixi, modis, sermonem ducendo, & ad auditorum conditionem, naturam, ætatemque apte loquendo, fidem fieri; itemque ex dicendi quodam suo genere orationem, quæ morata dicitur, formari, demonstrauit. Inter ea uero, quæ ad proprios oratoris mores fingendos, fidemque ei hoc pacto conciliandam pertinent, prudentia semper plurimum ualeat, ac præcipue in consilio dando; cum enim consultatio in prudentia maxime, quæ humanarum actionum regula est, uersetur, iis fere, quos huiusmodi esse existimamus, assentimur, quos autem imprudentes, imperitosque ducimus, ne rationibus quidem eorum firmissimis credimus. Prudentiam autem Periclem his uerbis præferre ea ratione dico; nam si præcipuum, ut docet in Ethicis Aristoteles, prudentis munus est, recte

con-

consulere, unde omnino prudens est ὁ βέλουςτικός,
recta autem consultatio eo quod circa singula-
ria uersetur, experientia tantum fiat, sitque re-
ctitudo, quæ secundum utilitatem ad quendam
finem spectet, non ne summam ille prudentiam
aliqua in re demonstrarit, qui de ea se iam recte
consultasse ostendens, cum eam utilem, bo-
namque ratiocinando prius esse cognouerit, de
eadem se iterum eodem pacto iudicare confir-
met? præter constantiam enim, consilii firmita-
tem, & maturitatem, quæ præcipue in delibera-
tionibus, ut in actionibus celeritas, ab Aristote-
le commendantur, ea de re in primis cognitio,
& experientia summa declaratur. Quod si quis
huic rationi celeberrimam illam sententiam op-
ponat, *Sapientis esse mutare propositum*; ex ea in pri-
mis nostram sententiam confirmari respōdebi-
mus. cum enim constantia, & firmitas in consi-
liis prudentiæ præcipua pars sit, aliquando ta-
men, quia circa ea, quæ euenire, & non euenire
possunt, uersatur prudens (est enim hæc uirtus
eius animi partis, quæ ἀλογιστικὴ dicitur, perfectio)
necesse sit pro rerum mutatione ita & sententias
uariare, ideo, inquam, fuit hæc ratio in excusa-
tionem, & defensionem huius mobilitatis exco-
gitata, ne forte inconstantia, leuitas, impruden-
tiaq;

tiaq; uideretur: ita ut exceptio quædam magis, quam regula prudentiæ existimanda esse uideatur. Quare in secundo etiam harum historiarum libro cum ciuitatem pestilentia inuasisset, idem Pericles se eiusdem adhuc sententiæ de nō cedendo Peloponnesiis, belloque continuando esse repetit, populum autem ob leuitatem immutari. Et Annibal in ea concione, quam huic Periclis comparauimus, idem fere de se statim à principio significat. Sed quando, & quomodo aliàs hac eadem de re similis à Pericle sententia dicta est? non multis ante diebus, ut refert Thucydides hoc eodem libro. idem enim, cum primi Lacedæmoniorum legati, ut piaculum Minervæ dilueretur, petentes Athenas uenissent, cum esset, inquit, *omnium potentissimus, ac reipublicæ princeps contradicebat in omnibus Lacedæmoniis, neque illis ut obediretur, permittebat, uerum ad arma excitabat Athenienses.* idem etiam, ut censet Plutarchus hac solum de causa Corcyræis auxilium decernendum suasisit. & Græcos omnes iam multis temporibus antea cum decreto quodam, tum uero per legatos sollicitans ad suas partes uariis simulandis consiliis traducere conatus est. atque interim Lacedæmonia quotannis decem talenta ad principes ciuitatis demulcendos mittere consue-

sueuerat, à quibus non quidem pacem, sed tempus, & commoditatem solum ad bellum apparatus impetraret.

PELOPONNESIIS CEDENDVM NON ESSE. Tacuit illud, *bellum esse suscipiendum*, eo quod belli nomen odium, metumq; contineat, eius autem loco dixit. *cedendum non esse Peloponnesiis*. id quod modestia, honestatisque plenum est. simulque uidetur & Athenienses ad iram impellere, cum enim inter reliquas contumelias contemptus præcipue iræ concitatio sit, apud eos præsertim, qui se magni faciendos esse existiment, & cum iis in primis, apud quos in præstigio, honoreq; esse uel soleant, uel deberent, nihil magis meo iudicio poterat in Peloponnesios Atheniensium animos commouere, quam si quis ipsis Græciæ tunc, & potentia, & gloria principibus Peloponnesiorum pauperum scilicet & tenuium mandatis obtemperandum esse diceret. Sed quando in hunc locum nos deduxit oratio, ut superius de moribus, sic in præsentia de affectibus pauca quædam explicemus. Atque affectus quidem uariæ traditæ sunt definitiones; nam Stoici uehementem incitationem, uel appetitionem rationis expertem uocant. Andronicus dicebat esse animi motum rationis exper-

tem ex opinione uel boni, uel mali cuiusdam excitatum. Aristotelis autem sententia, etsi nulli illi perfecte uidetur definisse, ex iis tamen, quæ secundo Rhetoricorum, & Ethicorum dicit, sic fortasse colligi potest. Affectum esse motum ab appetibili in appetituo excitatum ad persequendum, aut fugiendum aliquid, quem uoluptas, aut dolor consequitur. cum enim tres sint animæ particulæ, siue potentia, uegetatiua, sensitiua, ratiocinatiua, affectus de quibus nunc loquimur, non uidentur spectare ad uegetatiuam, cum proprium huius munus sit nutrire, augere, generare aliud sibi simile, & omnino agere, siue facere, affectus uero, ut & nomen πάθος declarat, sunt operationes passiuæ; item quia affectus habent uim cognoscendi, omnes autem operationes uegetatiuæ sunt sine cognitione. nec ad ratiocinatiuam, cum affectus sint operationes communes animæ, & corpori, ratiocinatio autem non sit. relinquitur igitur affectus spectare ad sensitiuam, non tamen simpliciter, sed ad eam, quæ nata est parere, & obedire rationi. à qua & in eo quoque ipsos differre existimauit Plutarchus in libro de uirtute, quòd illa quidem simplicem facultatem significet, at affectus ipsum actum, in quem iam erumpit

pit facultas. Recte igitur dictum, affectum esse motum ab appetibili in appetituo factum, quem uoluptas, aut dolor consequitur. hæc enim minime affectus ipsa quidem sunt, sed affectus consequuntur. uoluptas quidem ex iucundi, dolor uero ex molesti perceptione. Atque de his quidem affectibus tractatio in primis pertinet ad Naturalem, pro ut sunt accidentia potentiae animæ sensitiuæ; deinde ad Moralem, quatenus per uirtutem corriguntur; itemque ad Rhetorem, ut instrumentum fidei. Inscruiunt autem oratori, ut ait Aristoteles, quia diuersa faciunt iudicia, id quod euenit propter prauitatem rerum publicarum, atque auditorum, petunt enim eam animi partem, quæ rationis expers est. quare quemadmodum argumenta mentem persuadere, sic affectus appetitum cogere conantur: itaque Plutarchus argumenta amicis, affectus autem assentatoribus similes esse dixit. De his autem qui, quomodoque oratori inseruiant abunde Aristoteles secundum Rhetoricorum, quare ut ad argumentorum inuentionem excogitauit locos, & propositiones proprias, sic & de affectibus eadem tradidit.

— IN QVAVAM NON IGNORO, &c. Præoccupatio est autem hæc necessaria, immo ue-

ro, ut diximus, huius fere caussa utimur proxi-
mis in concionibus; cum aut res, aut auditor,
aut orator patitur obiectionem. His autem uer-
bis periculo illi medetur, quo fore prouidebat,
ut populus Atheniensis, etiamsi tunc alacriter
bellum suscepisset, non ita tamen fortiter, atq;
constanter in ipso se gereret, sed ad belli casus
opinionem immutaret, id quod certe populo,
& Atheniensi in primis, ut in praefatione docui-
mus, familiare erat: id quod in hoc ipso bello,
uel in primis Pericles expertus est: siquidem
Athenienses statim grauib; belli incommodis
afflictati in Periclem auctorem iram conuertere-
runt, eundemque mulctarunt. quod quidem
etiamsi prospiceret Pericles, se tamen in eadem
de bello, deq; non cedendo Atheniensibus sen-
tentia permanere affirmat. est enim sapientis,
de iisdem eadem semper censere, optimi autē,
atque amantissimi reip. suae ciuis, publicam uti-
litatem populi opinioni, estimationique prae-
ferre, qualem Periclem fuisse, cum de illo loque-
remur, multorum testimonio comprobauimus.
Ecce igitur quomodo his paucis uerbis, pruden-
tem, probum, fidelēq; ac reipublicae studiosissi-
mum, amantissimumq; se ostendat. quibus om-
nibus modis fides comparatur, in primisq; be-

neuo-

neuolentia conciliatur, quæ quidem pertinet ad mores, ad affectus, atque ad munus procemii; his enim omnibus modis beneuolentiam colligi ab Aristotele traditum est. Simulque etiam in his, dum & propriæ personæ conditio seruetur, & auditoris naturæ ratio habetur, alteris duobus modis, quos attuli, orationem moratam effici uidemus. Cum tot igitur bona hic occupationis modus contineat, factum est, ut is ab illustribus oratoribus sapissime usurpatus fuerit. nam Demosthenes ille, à quo plura ex Thucydide expressa fuisse Halicarnasseus scripsit, hoc idem in prima Olynthiaca præstitit. *Ego uero quanquam illud non ignoro, sæpe uos non iis, qui sunt in culpa, sed his, qui postremi sententiam dixerunt, irasci, ubi quid ex sententia non euenerit; non tamen arbitror priuati incolumitatis ita habendam esse rationem, ut quicquam dissimulem, quod è re uestra futurum esse ducam.* Similiterq; & in tertia Olynthiaca oratorem reipublicæ charitatem suauitati orationis, ac propriæ securitati antepondere debere ostendit, quæ ratione, atque instituto in republica gerenda uti solitos fuisse Aristidem, Niciam, Demosthenem, atque Periclem affirmat. Idem adhuc repetit in oratione de Cheroneſſo, ubi etiam, qualis bonus ciuis, fortis orator, optimusq; consultor esse

esse debeat, uberius demonstrat.

NON EADEM IRA HOMINES AD BEL-
LUM IMPELLI, ATQVE IN IPSO SE NE-
COTIO GERERE. Hac eadem ratione, atque
sententia usi sunt legati Atheniensium ad Lacedæmonios à bello deterrēdos hoc eodem Thucydidis libro. *At homines mouendis bellis præpostere faciunt, rem enim præcipiunt, quod erat posterius, ubi uero iam plectuntur, tum demum rationes attingunt.* Huius autem rei ratio reperitur in concione secundæ Corinthiorum apud Lacedæmonios, quæ huic ipsi Thucydidis historiæ inserta est. nempe *quia cum fiducia de futuris sentimus, cum timore autem in actione deficiamus.* Itaque Pindarus. *εὐκὺ δὲ πόλιμος ἀπειροῖσιν, ἔμπειροι δὲ τις τάξει προσίοντα ἴν' καρδίᾳ περισσῶς.* *Dulce bellum inexpertis, expertorum uero aliquis proximo accedens, id corde uehementer horret.* Quare apud eundem etiam Thucydidem in hoc primo libro Archidamus Lacedæmoniorum rex, cum bellum dissuaderet, ostendebat, se, ac reliquos senes, eo quòd multorum bellorum periti essent, minime esse huiusmodi, ut ob imperitiam essent belli appetentes, idque bonum, securumque existimarent. Est etiam huius mutationis illa cāussa, quæ in his uerbis à Pericle uidetur innui, quia uidelicet bella plerumque, maximeq; à populo ira iubentur; at quæ ira decernuntur, eadem

eadem cito deferuelcunt. *Ha* enim, ut inquit Horatius, *brenis furor est*. Quod autem nos iram expressimus, græce *ὀργή* legitur, sunt tamen, qui *ὀργή* legendum putent; atque ita impetu dicendum erit, quemadmodum etiam Liuius in concione Appii Claudii Tribuni militū libro quarto exponit, qui non impetu, sed perseuerantia bella geri oportere conatur suadere. Erit autem impetus subitus, acerq; animi affectus ab ea animi portione, qua irascimur, impulsus. Verum apud auctores & *ὁρμὴν ἀντὶ τῆς ὀργῆς, & ὀργὴν ἀντὶ τῆς ὁρμῆς* usurpari sæpius reperitur.

VERVM PRO EVENTIBVS SENTENTIIS VARIARI. Id iis euenire solet, qui non ratione sed casu reguntur, huiusmodi autem inconstantes, imprudentes, popularesq; homines esse consueuerunt. itaque Cicero pro Milone. *Hoc plerique facimus, ut consilia euentis ponderemus, & cui bene quid processerit, multum illum prouidisse, cui secus, nihil sensisse dicamus*. Et in Epistolis familiaribus. *Totius facti tui iudicium non tam ex consilio, quàm ex euentu homines sunt facturi*. Sed apud omnes ferè auctores, atque in sapientum omnium sermone vulgata hæc sententia est. vnde illud tritum. *Exitus acta probat*. Est autem hæc actionum iudicatio ab euentibus similis ei demonstrationi, quæ

quæ in rerum cognitione inquirenda à signis,
& effectibus, posterioribusque petitur; quare
ut hæc imperfecta, tenuis, atque sine caussa ra-
tio dicitur, ita & illud uulgare, imbecillumque
iudicium existimandum erit.

VIDEO AUTEM SIMILE MIHI, ATQUE
PAR CONSILIVM ESSE DANDVM. Expli-
cat adhuc magis sententiæ suæ perseuerantiam,
eamque magis ad ipsos auditores, & ad consul-
tationem accommodat.

POSTVLO AUTEM A VOBIS &c. Quem-
admodum superius statim sententia sua exposi-
ta, ad populum Atheniensem eius instabilitati
occurrendo se conuertit, sic etiam nunc consi-
lio suo explicato, ad illos, qui eius opinioni suf-
fragati fuerint, secumque de bello suscipiendo
senferint, se confert. atque ab his petit, ut aut
hanc communem sententiam quæcunque acci-
dant, seque simul, qui cum eis eiusdem de bel-
lo decreti auctor fuerit, defendant, aut neque
laudis, si recte res succedat, se participes faciant:
æquum est enim, ut & in mercium societatibus,
sic in iis omnibus; quæ in fortunæ potestate
sunt, & boni, & mali, & laudis, & probri pari-
ter omnes participes esse. quare cum humana-
rum rerum, bellique in primis euentus à fortu-
na,

na, ut & omnia hominum consilia, pendeant, ergo merito ex iis omnes, quicunque ab initio huius belli id secum probarint, eandem etiam usque ad illius finem iudicii sortem subire debebunt. Ad huiusmodi etiam difficultatem similiter & Diodotus apud eosdem Athenienses respondens harum historiarum libro tertio, liberam cuique ad consulendum facultatem oportere esse iudicat; ita ut is, cui res ex sententia euenerit, honore quidem afficiatur, neque is tamen, cui minus successerit, iccirco ignominiam patiatur. contra quod Athenienses facere solitos fuisse dicit, consulentium enim suasio legibus tenebatur, populi autem auditio libera erat; cum tamen eadem, qui suassent, atque ii, qui laudassent poena plectendi esse uiderentur. *Nihil enim, ut etiam in Antonium attulit Cicero, differt inter suasorem facti, & probatorem.* Quare etiam in secunda eiusdem scriptoris historia Pericles, immerito se, cui de suscipiendo bello omnes assensu fuerant, quia aduersi aliquid cecidisset, eius culpam sustinere conqueritur. haud enim id suo merito euenisse, ait, nisi, si quid etiam boni non ratione, sed casu euenisset, id sibi assignandum esse iudicassent. quare cum ipsum reprehenderent, non solum illos se eius belli auctorem, sed

& se ipsos quoque, qui ea de re assensu essent, accusare commemorat. Cum igitur hæc ita se habeant, prudentissime sanè Periclem hac in parte agere dicendum est. Siquidem etiam nihil magis ad prudentem spectat, quàm fortunæ temeritatem cognoscere. itaque uidemus his sententiis sapientum omnes orationes refertas esse. ueluti Fabius Maximus, qui in sapientiæ laude, ut etiam in ceteris, Pericli similis fuit, cum Scipio nem à traiectione in Africam dissuaderet, non solum, quàm uaria esset fortuna, sæpius admonet, sed etiam quæcunque aduersa euenire potuissent prospicit. Scipio etiam ad Annibalis petitionem pacis respondens, nihilominus de fortunæ temeritate plurima dicit, eaque sibi nota, atque perspecta esse demonstrat. Verum hæc oratio non solum in hac, sed in reliquis omnibus partibus, mirum est, quàm grauib. exquisitisque sententiis abundet. sententiæ uero prudentiam maxime præferunt, moratamque admodum efficiunt orationem, dummodo ab idonea persona pronuntientur, ueluti à senibus, prudentibusque uiris, qualis erat, & habebatur in primis Pericles. Est igitur etiam in hoc generis, habitusque oratoris, id quod Aristoteles ait moratam orationem reddere, ratio seruata.

Pruden

PRUDENTIAM VOBIS NON ASCISCERE. Videlicet tanquam auctores eius consilii, prudens enim, ut diximus, est, qui recte consulit, consulimus autem de futuris: quare hi prudentes, tanquam qui iam à principio recte de hoc bello consilium dederint.

ACCIDIT ENIM RERVM EVENTVS NON MINVS TEMERE, QVAM HOMINVM CONSILIA SVCCEDERE. Theognides hanc eandem exprelsit sententiam his uersibus.

πολλὰ κί, παρὰ δόξαν τῶν ἐλπίδων γίγνεται ἰσχυρὰ.
 Ἐργ' ἀνθρώπων; βουλαῖς δὲ ἐκ ἑπείρου τὸ πῆλος.

Cicero in Philippicis: Incertos exitus esse belli, martemque communem. Virgilius.

Hic magnus sedet Aeneas secumque uoluat.

Eventus belli uarios.

Demosthenes ad epistolam Philippi: Magna est uis infortuna ad omnes res mortalium, uel ea potius omnia sibi uendicat. Thucydides hoc eodem libro Athenienses admonentes Lacedaemonios facit; ut in bello, quam multa improuisa accidanť, priusquam id suscipiant, prospiciant. Similiterque de Annibal ad Scipionem sic loquitur: Cum tuas uires, tum uim fortune, martemque belli communem, propone animo, utrinque ferrum, corpora humana erunt,

nusquam minus, quàm in bello, euentus respondent. Quin etiam inquit Sallustius in epistola ad Caesarem. Saepè praua magis, quàm bona consilia prosperè eueniunt, quia pleraque res fortuna ex libidine sua agitat.

ITAQUE IN IIS, QVAE PRAETER RATIONEM CECIDERUNT, FORTVNAM ACCVSARE SOLITI SUMVS. Probatio hæc est sententiæ superioris, probat autem eam ab auctoritate, atque à communi hominum consensu. cum enim homines, quoties aliquid præter rationē, consiliumque suum accidit, eius rei causam fortunæ attribuant, illud ipsum quod dictum est, nempe consiliorum, rerumque euentus temere, casu, fortuitoque plerumque accidere, fatentur. Est autem hæc argumentatio à Signo; de quo & in principio Rhetoricorum, & in fine Priorum Analyticorum Aristoteles tradidit. Huiusmodi autem demonstrandi modus cum apud oratores saepe in usu reperiatur, Aristoteli tamen in primis familiaris est, quorum inter reliquos notissimi illi loci sunt à principio Ethicorum, Nicomachiorum. *Itaque bonum id esse opinantur, quod omnia appetunt.* & à principio Rhetoricorum. *Itaque omnes homines utriusque quodammodo participes sunt.* Quibus omnibus in locis animaduertendum est, illud (itaque) quod apud

Græcos

Græcos est *αὐτό* uel *αὐτοπία* aliquādo, & sapius cōclusionis, aliquando uero & probationis, idque à signo inditium esse . nos autem conuertimus (itaque) eo quòd hanc particulam in eodem apud Latinos auctores, Ciceronemq; præsertim usu ferè semper esse obseruauimus .

IN IIS, QUÆ PRAETER RATIONEM CECIDERUNT, FORTVNAM ACCVSARE . Hæc singula ab Aristotele confirmantur secundo Physicorum, *etenim dicere*, inquit, *fortunam esse quid præter rationem recte dicitur* . Nam si ratio est tantum in iis, quæ semper eodem modo fiunt, aut plerunque, cum fortuna non sit nec in iis, quæ semper, neque plerunque, sed in iis, quæ raro, ergo patet fortunam non esse cum ratione, sed præter rationem. Itemq; si fortuna est causa (ut philosophi dicunt) per accidens, cum causæ per accidens sint indeterminatæ, & causæ indeterminatæ sint præter rationem . ergo manifestum, fortunam esse præter rationem . præter rationem autem ibidem & *παράλογον* dicit Aristoteles, id quod græce per aduerbium *παράλογως* expressit Thucydides, superius autem in concione Atheniensium *παράλογον τὸ πολέμῳ* dixit . Cum autem inquit Pericles, quod fortunam accusare soliti sumus, utpote causam, intelligendum est . est enim

enim fortuna causa per accidens in iis, quæ secundum electionem, eorum (scilicet) quæ gratia alicuius.

FI S T I S.

Λακισαίμονιοι δὲ πρότερον τι δῖλοι ἦσαν ἐπιβελόντες ἡμῖν, καὶ τῷ δὲ χύκισα· εἰρημένον γὰρ δίκας μὴ τὴ διαφύον ἀλλήλοις ἀδικεῖν, καὶ δίκασθαι, ἔχειν δὲ ἑκατέρωθεν, ἀέχοντες, ἐπὶ αὐτοὶ δίκας πρὸς ἡτῆσαν, ἐπὶ ἡμῶν δὲ δισκόντων δίκαιται. βέλονται δὲ πολλοὶ μὲν μάλλον, ἢ λόγοις τὰ ἐγκλήματα διαλύσθαι, καὶ ἐπιτάσσοντες ἡμῖν, καὶ δὲ ἐπὶ αὐτῶν, παρῆσι· ποτιδαῖας τὴ γὰρ ἀπαρίσασθαι καλύνουσι, καὶ ἀγγίαν αὐτόνομον ἀφίηται, καὶ τὸ μεγαρίων ἀφίσμα καθαρεύειν, οἱ δὲ τολυτῶν οἱ οἰκοῦντες καὶ τὴς ἑλλήνας προσαγορεύουσι αὐτοὺς μὲν ἀφίηται.

F I D E S.

I Acedemonij igitur cum antea nobis infidias facere apparebant, tum uero nunc non minime: cum enim cauum sit, ut controuersiarum inter nos iudicia demus, atque accipiamus, teneamus autem utrique, quacunque tenemus; neque ipsi dum iudicia postularunt, neque nobis dantibus accipiunt. bello uero, quam uerbis crimina diluere malunt. iam uero imperantes, neque amplius accusantes adsunt, etenim a Potidea recedere

*re iubent, & Aeginam liberam dimittere;
 & Megarensium decretum tollere; hi vero,
 qui extremi huc venerunt, etiam Gracos de
 nuntiant suis legibus iui permittere.*

Proposita sententia sua, criminationibusque
 depullis, iam ad propositum probandum de-
 scendit. in quo reliqua omnis, ut in consultatio-
 nibus ea, quam dixi, de causa fieri plerunque
 solèt, oratio consumitur. Ad quam partem cū
 peruenerimus, quoniam fides, ut præcipit Ari-
 stoteles, ad demonstrandum aptas esse oportet,
 demonstrare autem opus est demonstratione
 ad id, de quo controuersia existit, afferenda,
 huius autem concionis controuersia omnis in
 honestate, necessitate, facilitateque posita est,
 propterea res postulare uidetur, ut qua ratione
 singulæ probationes inuentæ fuerint, demon-
 stremus. Primum igitur docet Aristoteles libro
 secundo Rhetoricorum *animaduertendum esse ora-*
tori, de quo dicere, aut concludere siue civili, siue quocun-
que syllogismo uelit; ut de eo teneat, quæ illi insunt, aut
omnia, aut certe nonnulla; quia ut tradidit Cicero in
libris de Oratore, nemo potest de ea re, quam non no-
uit, non turpissime dicere. Huiusmodi autem esse ea
 præcipit Aristoteles, quæcunque de ea re inci-
 dere

dere possunt, eiusque rei propria, proxima, & opportunissima sunt. itaque, de iis quidem, quibus persuadendum est, libro secundo, de iis uero, quæ suadere uolumus, & contra quos, libro primo de arte dicendi præcepta tradit. Et hic quidem primus, & præcipuus locus est, unde orator magnam sibi ad sententiam suam probandam copiam parare solitus est. Altera uero ratio argumentorum inueniendorum est ea, quæ oratoris propria esse dicitur. ut subiecti generis proprio sibi proposito fine, quid nam ille sit, quot eius partes, & qualibus propositionibus, rationibusq; & simpliciter, & comparate ostendatur, diligenter cognoscat. Et quoniam sæpe non minus is, qui causæ proprius est, finis, quàm ii, qui ceteris generibus attributi sunt, ad institutum demonstrandum profunt, sæpeque etiam de possibili, necessarioq; disputatur, itemq; aliquid futurum, factumue esse demonstrandum est, præterea uero magnitudinis ratio omnium est orationum communis; ideo & horum etiam cognitio, atque de his propositiones plurimas collegisse mirum in modum utile erit. de quibus quidem omnibus locis, quos formas, propriosque oratoris locos uocat, abunde ab Aristotele in Rhetoricis traditum est, de propriis quidem uniuscuiusque

cuiusq; generis libro primo, de cōmuniōribus uero libro secundo. Sed quoniam ex propriis his propositionibus non ita semper ad quæcunq; demonstranda rationes nobis subito suppetere possunt, estque præterea hoc tardi ingenii, ut censuit Antonius apud Ciceronem in secundo de Oratore, itemque parum experti oratoris riuulos hos semper consectari, propterea communissima alia adhuc quædam inueniendi ratio est ab oratoribus excogitata, locique quidam, ac ueluti fontes, domiciliaque argumentorum omnium reperta sunt; quæ quicumque recte tenuerit, usumque ipsorum diligenter perceperit, nulla res erit ex tota oratoria facultate ei proposita, de qua non facile ex ipsis argumenta, rationesq; depromere possit. & hi quidem ab Aristotele clementa, locique proprie nuncupantur, quorum non solum in Topicis, uerum etiam in Rhetoricis disciplinam tradit, atque his quidem oratorum omnis inueniendi ratio continetur. Hæc autem à me, quomodo ad eorum, de quibus in hac concione existit controuersia, demonstrationem adhibita fuerit, quantum efficere, & consequi potero, diligenter etiam, atque etiam explicabitur.

LACEDAEMONII IGITUR, &c. In hac pri-

H ma

ma suasionis parte. Lacedæmoniōrum actionibus consideratis, indeque plurimis insidiis, iniuriisque eorū repertis, ex his proposito sibi honestatis fine bellum ut honestum suscipiendū esse aggreditur suadere. Ratio igitur uidetur huiusmodi. Lacedæmonii sunt insidiatores, & inimici; contra insidiatores, & inimicos, honestum est bellum suscipere, honestum igitur bellum; quod contra illos suscipietur. Lacedæmonios insidiatores esse pluribus uerbis ab ipso demonstratur, & declaratur; altera propositio, ut in enthymematibus oratores facere solent; utpote nota auditori, qui eam per se ipse adiungat, prætermissa est. est autem uerissima, nam, ut ostendit Cicero pro Milone, *quod si in insidias incidimus, omnis honesta ratio est expediende salutis*. itaque & Archidamus rex apud Lacedæmonios, quibuscunque tenderentur insidiae, omni ratione salutis consulendum, ultionemque parandam esse censebat. inimicorū enim, atque insidiatorū iniurias persequi & honestum, & laudabile est. nam ut Aristotelis in Rhetoricis testimonio confirmare possumus, *retribuere quidem iustum est, iustum autem honestum*. itemque quoniam ut apud eundem scriptum legimus, *fortis est non cedere*. atque etiam in Ethicis libro septimo,

τὸς ὑπεβλαστῖτες ἀδικοτῖτες, hoc est; qui magis insi-
diantur iniustiores esse iudicat. quare cum iustis-
simum sit insidiari, iustissimum igitur, atque
honestissimum erit insidiatoribus obuiam ire.
Est autem hæc ratio primo quidem ex Lacedæ-
moniorum persona accepta; nam ut præceptum
est apud auctorem Rhetoricorum ad Alexan-
dram, ei, qui de bello consilium daturus est, ni-
hil est aliud ferè, quod ad sententiam suam pro-
bandam magis prodesse possit, quàm si inimi-
corum iniurias, insidiasque studiose, & diligen-
ter exposuerit. Deinde uero & ab honestatis fi-
ne colligitur. Honestatis autem finis, quanuis
proprie laudatoribus ab Aristotele proponen-
dus tribuatur, tamen & consultoribus eundem
accommodatissimum esse uult. Cicero autem
in secundo de Oratore, *In suadendo nihil est, inquit,
optabilius, quàm dignitas, nemo est enim, præsertim in
clara ciuitate, quin putes expetendam maxime dignitatem.*
quam sententiã sequutus Quintilianus, si unum
ex his duobus sequi oporteret, potioremi ho-
nestatem utilitate in deliberationibus esse iudi-
cauit, quid autem sit honestum, & quàm mul-
tis propositionibus id ostendatur, ab Aristote-
le copiose, atque diuinitus Rhetoricorum pri-
mo est demonstratum. Sed quæret fortasse quis-

piam, à quo nam communium locorum uniuersa hæc insidiarum demonstratio deprompta sit? nimirum ex eo, qui de communi omnium propriè rethorum sententia ab adiunctis appellatur. in quem locum ea omnia ferè, quæ de iis, quæ rebus, atque personis annexa sunt, adeo ut alterum ex altero plerunque consequi uideatur, incidere solent. itaque triplex hic à Cicerone in Topicis esse dicitur, quaritur enim, quid ante rem, quid cum re, quid post rem factum sit. ex quo patet ex hoc loco signa ea, quæ minime necessaria sunt, ueluti quæ in secunda figura concluduntur peti debere. nā necessaria, quæ *κατασκευαστικά* dicuntur, pertinent ad locos antecedentium, & consequentium. de quibus libro secundo Topicorum tradidit Aristoteles; hunc uero in Rhetoricis consequentis nomine signans tertio decimo, ac quartodecimo loco complexus est. quo etiam nomine & Cicero in secundo de Oratore eundem ornauit, in Partitionibus uero uocauit coniuncta. Hunc autem locum esse ualde oratorium Cicero docuit in Topicis. Aristoteles autē & ad adhortandum, aut dehortandum, laudandumque, aut uituperandum valere in Rhetoricis affirmavit; unde etiam Callipi ipsum artem paucis aliis adiunctis fuisse addit. Maxima
autem

autem huius loci auctore Boetho est. Adiuncta ex adiunctis perpendi. quare usurpari potest & ad confirmandum, & ad refellendum. Cum igitur hæc ita se habeant, hæc pars omnis in qua prauæ Lacedæmoniorum actiones, insidiæque ostenduntur, atque inde illis obuiam eundum esse suadetur, quæ omnia inter se coniuncta, & consequentia plerunque esse solent, ex hoc loco haurita esse manifestum est. Atque hi quidem loci sunt, quibus demonstrat Pericles. Ex huiusmodi autem locis suasionem belli peti apud omnes oratores tritum, & uulgare est. nam Demosthenes semper Philippi iniurias oratione persequitur. Corinthii hoc eodem libro de Atheniensibus conqueruntur, Stenelausque eos ulcisci iustissimum esse iudicat. Apud Liuium pulcherri-
mus est locus in concione Appii Claudii libro quinto contra Veios. *Septies repellarunt, in pace nūquam fidi fuerunt, agros nostros millies depopulati sunt, Fidenates à nobis deficere coegerunt, colonos nostros ibi interfecerunt, auctores fuere contra ius gentium cædis impie legatorum nostrorum. Etruriam omnem aduersus nos concitare uoluerunt, hodieque id moliantur, res repetentes legatos nostros, haud procul absuit, quin uiolarent.* In hac aut parte Pericles mirabiliter in Lacedæmonios odiū concitat, dū enim eorum insidias explicat, ipsos

ipſos non ſolum inimicos, ſed & iniuſtos, acerbiffimosque inimicos eſſe oſtendit. Hi autem maxime odio digni ſunt.

CVM ANTEA NOBIS INSIDIAS FACE
RE APPAREBANT. *Antea*. Tempora ſuperiora à bello Perſico Xerſis uſque ad tricennalia fœdera uidetur intelligere, quæ nouem Olympiades complexa ſunt, quo temporis ſpatio Lacedæmonii, ne Athenienſes muros urbis reficerent, pro uiribus aduerſati ſunt, eoſdemque, cum cōtra Meſſenios ſibi in auxilium ueniſſent, ſine cauſſa dimiſerunt; qua de re indignati Athenienſes cum Argiuis, atque Theſſalis Lacedæmoniorum hoſtibus amicitiam iunxerunt, & Ithomēſibus exulibus receptis Naupacti ſedes dederunt, Megarenſesque inſuper contra Corinthios, atque ipſos Lacedæmonios defenderunt, ac ruruſ Lacedæmonii Aeginetis Athenienſium rebellibus auxilium dederunt, & cum Thebanis etiam aduerſus illos ſocietatem iniierunt, & paullo poſt, etiamſi quinquennale fœdus feciſſent, deficientibus tamen Megarenſibus, deindeque etiam aliquibus Eubœæ ciuitatibus opem tulere. Et hæc quidem fuerunt inter illos ſuperioribus temporibus ſimilitates, atque inſidiæ, præcipueque à parte Lacedæmoniorum

rum, quæ quauis non nominet, intelligere uideatur his uerbis Pericles.

TVM VERO NVNC NON MINIME: CVM ENIM &c. Prætermiffa probatione, quòd antea infidias parauerint Lacedæmonii Athenienfibus, quomodo tunc, idelt poft fœderum tricennialium percuffionem infidientur, oftendit. nempe quia nihil eorum, quæ in fœderibus iſta ſunt, ſeruant, cum eorum tamen beneficio & periculis multis tunc liberati ſint, & oppida aliquot Athenienfibus ſint adempta, vnde cum ea modo non ſeruent, ipſos infidioſe, fallaciterque illa feciſſe exiſtimandum eſt. merito igitur hæc de cauſa infidiatores à Pericle dicuntur. *ἐπιβουλὴ* enim ex *βούλη*, quod conſilium, & *ἐν* præpoſitione, quæ contrarium, & inimicum quid ſignificat, compoſita eſt. Verum ut hæc clariora reddantur, de fœderibus tricennialibus pauca quædam explicanda ſunt. Cum Lacedæmonii Bœotiorum, Eubœenſiumque cauſa Atticam ingreſſi ualtaſſent, atque ad Coroneam una cum Bœotis prælio commiſſo Athenienſes cæſo etiam Tolmide ipſorum duce magna clade affeciſſent, Athenienſes autem Pericle duce Eubœam ſubegiſſent, utrique feſſi, at Lacedæmonii in primis, ut ciuitates quasdam bello amiſſas recuperarēt, fœdus

foedus in annos triginta per Andocidem, ut inquit Thucidides, siue per Calliam & Charetem, ut Diodorus prodidit, huiusmodi percusserunt. Nēpe ut pax esset per triginta annos inter Athenienses, atque Lacedæmonios, nec non & utriusque socios; redderent Athenienses Peloponnesiis Nisæam, Achæam, Pegas, & Troezenem, reliqua uero omnia, quæcunque utrique possiderent, iure, libereque tenerent, nec inter eos, eorumue socios pugnare ius esset, sed controuersiarum inter se iudicia darent, atque acciperent; si quæ græcarum ciuitatum ex socialibus non esset, licere eis ad utros libuerit accedere. Cum igitur sic se haberent hæc fœdera, duo in ipsis nō seruari à Lacedæmoniis accusat Pericles, quorum unum est ipsos iudicia nec postulare, nec accipere, alterum quod uelint ipsos liberas dimittere eas ciuitates, quas iis temporibus possidebant.

NEQVE IPSI IUDICIA POSTVLARVNT,
NEQVE NOBIS DANTIBVS ACCIPIVNT.
Hæc est una fœderum uiolatio, de qua Lacedæmonii à Pericle ut insidiatores accusantur, respondet autem hæc pars illis uerbis, *ut controuersiarum inter nos iudicia demus, atque accipiamus.* Postulauerant autem, atque promiserant, se daturos iudicia

cia Athenienses Lacedæmoniis iam à principio, nempe ii legati, qui Corinthiis querentibus de Atheniensium iniuriis apud Lacedæmonios responderunt hoc eodem Thucydidis libro; & alias semper dum de Corcyræorum auxilio dato, Potidææque obsessione accusarentur. Post hanc etiam Periclis concionem sic ex eius sententia Lacedæmoniorum legatis respondisse Athenienses scribit Thucydides, *se iudicio secundum fœdera promptos esse crimina diluere ex æquo, & pari.* Lacedæmonii autem ne uerbum quidem de iudicio fecerunt, neque illos postulantes audire uoluerunt, sed, nisi suis mandatis obedirent, bellum statim denuntiarunt.

BELLO VERO, QVAM VERBIS CRIMINA DILVERE MALVNT. Immoratio, siue per alia clariora uerba repetitio; & explicatio eius, quod dictum est; aperit enim adhuc magis animum, & consilium improbum, insidiosumque Lacedæmoniorum; cum enim sic insidientur, manifestum est ipsos bellum cupere. Simul autem & belli necessitatem his uerbis uidetur attingere, bellum enim est necessarium contra eos semper, qui, ut sæpe ait Demosthenes, non optionem faciunt, bellum ne, an pacem accipiamus. Sic necessitatem belli ostendebat Philip-

pus in oratione ad Senatum, quæ est apud Sallustium libro primo historiarum. *Nam bellum, atq; arma* quanquam uobis inuisa, tamen quia Lepido placent, sumenda sunt, nisi forte cui pacem præstare, & bellum patii consilium est. Similem habemus sententiam in hac eadem historia à Corcyræorum legatis expressam his uerbis. *Bello magis, quam equitate uoluerunt crimina persequi.* Et apud Liuium libro trigésimo quarto in concione Minionis legati Antiochi. *Si ex æquo disceptatur, & non belli causâ queritur.* Odium autem creat Lacedæmoniis, belli illos cupidos, atque studiosos esse demonstrans, quod quidem nemo, nisi sanguinarius prorsus, expetit, ut inquit Aristoteles libro decimo Ethicorum. Homerus autem in huiusmodi homines sic inuehitur.

Ἀργεῖοι, ἀδίκους, ἀίσιος ἔστιν ἑκάστος, ὅς πολεμὸν ἐργάζεται ἐπιθυμῶν ὄρεσιντος.

Verum huiusmodi semper fuit Lacedæmoniorum ingenium ad bellum propensum; ad quod etiâ præcipue instituta uidebatur esse eorum respublica, quæ quidem in re reprehenditur quoque ab Aristotele libro secundo Politicorum. *Lacedæmonii salui erant bellum gerentes, peribant autem, ubi rerum potiti essent, quoniam nec otium agere, nec quicquam aliud exercere sciebant præstabilius, quam rem militarem.*

Itaque

Itaque etiam Plutarchus in Lyncurgo bellum illi quietem esse solitam fuisse confirmat, id quod non mirum, siquidem, ut etiam Laches apud Platonem testatur, *Lacedæmonius nihil aliud in omni uita curare erat, quam ita se in omnibus comparare, ut bello ceteros omnes exuperarent.*

IAM VERO IMPERANTES, NEQUE AMPLIUS ACCUSANTES AD SUNT, ET TENIM A POTIDEA RECEDERE IUBENT &c. Altera hæc est fœderum uiolatio, quia petunt, ut liberas dimittant eas ciuitates, quas tempore fœderis possidebant, id quod diserte contra fœdus est. hæc autem referuntur ad ea uerba, *tenemus autem utrique, quæcunque tenemus.*

IMPERANTES NEQUE AMPLIUS ACCUSANTES. Contraria hæc inter se sunt, illudque superioris, ac quasi tyranni, hoc uero æqualis, iustique est. siquidem æquales legibus subiecti sunt, atque ex iis ex æquo inter se, iudiciisque certant, at superiores pro libidine imperant, estque eorū uoluntas pro rōne, atque iudicio, huiusmodi autem erant Lacedæmonii in Athenienses, qui non iudicia postulabant, nec accipiebant, uerum bello cōgebant. Est igitur odiū, iræ, inuidiæque plena oratio, odiū uidelicet, quia iniusti, est enim eorum peritio contra fœdus, iræ, quia cō-

temnunt, imperium enim, atque arrogantia maximus contemptus est; Postremo inuidia, dum Lacedæmonios pares, æmulosque ipsorum Atheniensem tantum sibi tribuere; & arrogare dicit, ut eis audeant uelle imperare.

A POTIDÆA RECEDERE, Potidæa Thraciæ ciuitas, ad Isthmum Pallenes sita, quæ iamdiu Atheniensium socia, uestigialisque erat. erat autem Corinthiorum colonia; qua de causa, ubi primum Athenienses Corinthios, eo quod contra ipsos Corcyræis auxilium tulissent, suspectos, inuisosque habuerunt, & de his quoque dubitarunt, ipsis statim, ut murum, qui est uersus Pallenem demolirentur, & obsides darent, atque τὴν ἐπὶ τοῦ ποταμοῦ Corinthiorum, (magistratus hoc nomen erat) quos ex consuetudine, iureque metro poleon quotannis accipiebant, dimitterent, imperarunt. Ob. quæ Potidæata Corinthiorum; Perdicæque in primis opera sollicitati, & Lacedæmoniorum promissis confisi ab Atheniensibus unâ cum Chalcidensibus, Bottiæisque defecerunt. Sed cum ab Atheniensibus in ipsos classis, exercitusque missus esset; prælio commissio simul cum Corinthiis, ac ceteris, qui sibi auxilio uenerant, fusi, fugatique sunt. unde ab Atheniensibus deinceps terra, marique eorum ciui-

tas uehementer obsideri; oppugnarique cœpta est. quæ res cum sollicitos haberet Corinthios, inter cetera, de quibus apud Lacedæmonios querebantur, hoc erat, utque ab Atheniensibus peteretur; ut ab obsessiōe recederent, summis præcibus contenderunt. id quod per secundam Peloponnesiorum legationem flagitatum etiam fuit. Sed cum post hæc bellum aperte tota Græcia exortum esset, Potidæatæ inter alios urbe, agrisque ab Atheniensibus spoliati sunt. cuius rei magna deinceps Athenienses infamia notatos fuisse refert Aristoteles secundo Rhetoricorum. at Isocrates in Panegyrico ipsos & ab hoc, & ab alijs etiā multis criminibus defendere conatur.

AN AEGINAM LIBERAM DIMITTERE. Aegina insula est non longe ab Athenis; hî à Cimonē anno primo septuagesimæ nonæ olympiadis subacti fuerant, deinde uero cum Corinthiorū opera defecissent, prælio maritimo à Leocrate superati sunt, & paulo post tributum pacti deditiōem fecerūt anno quarto octuagesimæ olympiadis, quæ septima fuit ante eam, qua hoc bellū cœptum est. hî autem, cum à Corinthiis Lacedæmonia sociorum omnium conuentus indictus esset Athenienses accusandi causa, & ipsi nō quidem palam, ut scribit Thucydides, legatos miserunt,

serunt, Athenienses ueriti, sed occulte, atque per alios bellum procurarunt, conquerentes quod non essent liberi secundum fœdera. Sed & ipsi, ubi bellum aperte susceptum est, Periclis decreto patria, bonisque omnibus exuti sunt, quorum ager ab eodem Pericle Atheniensi populo, ut eum in pestilentia consolaretur, diuisus est. quibus Lacedæmonii Thiream, eiusque agrum incolendum dederunt. Aristoteles, ubi de facetiis loquitur, Periclem Aeginam lippitudinem Piræci tollendam dixisse refert, idemque & ex hoc æque atque ex Potidæa infamiam ipsos reportasse libro secundo de arte dicēdi scriptū reliquit, in quo & à Cicetone etiam reprehenditur, qui in tertio de officiis sic ait. *Durius etiam Athenienses, qui sciuerunt, ut Aeginetis, qui classe ualebant, pollices præciderentur.* Defenduntur autem ab Isocrate.

MEGARENSIUM DECRETUM TOLLERE. Megara est ciuitas in Megarensi ora, quæ Atticæ contigua est. Hi primo cum Lacedæmoniorum socii essent ab ipsis ad Athenienses defecerunt, à quibus simul cum ciuitate recepti sunt; id quod in causa fuit, ut Athenienses in bellum Corinthium inciderent, & ut societas Græcorū tunc primum post bellum Persicum Xerxis dissolueretur.

solueretur. Deinde uero cum rursus ab Atheniensibus ad Lacedæmonios occisis eorum custodibus defecissent, causam iterum attulerunt, ut quinquennalia fœdera dissoluerentur. Quare & hac de causâ, & aliis compluribus, & in primis, quod sacrum solum Atticæ contiguum colerent, quodque exules Athenienses reciperent, in maximo semper odio deinceps fuerunt Megarenses apud Athenienses, qui etiam decretum quoddâ, quod ut nullo pacto deleri posset iuebatur, instituerunt, quò illos portubus omnibus Atheniensis imperii, atque Attico foro prohibebant: cuius rei gratia, cum se una cum Corinthiis, Aeginetis, aliisque Lacedæmoniorum sociis Lacedæmona cōquestum profecti essent, ut de ipsis in primis Lacedæmoniorum legati quererentur, impetrarunt: *ut ab eis liberos, penitus*

HI VEROPQVI EXTREMI VENERUNT. Idest tertio, tres enim, ut diximus legationes à Peloponensiis Athenas missæ sunt, hocque ultimi petierunt tantum, ut liberæ Græcæ omnes ciuitates essent: id quod fortasse eo consilio ab iis factū est, ut, quoniam ex superioribus legationibus minime sibi cessuros Athenienses cognouerant, quare bellum certum fore prouidebant, hoc pacto Græciæ sibi populorum omnium animos concilia-

conciliarent, ad suasque partes traherent, atque subiectas, tributariasque Atheniensium ciuitates ad defectionem impelleret, aque omnino ut causam suam honestarent, Atheniensiumque turpem redderent; id quod etiam ex iis, quæ ab initio secundi libri tradit Thucydides, confirmari potest, qui hac de causa Græcarum ciuitatum multo plures in Lacedæmonios, quàm in Athenienses propensas fuisse scribit. Hoc autem & ab aliis sæpius factum fuisse in historiis legitur. Nam & Athenienses bello contra Asiæ regem simulato, & per speciem tuendæ Græciæ, hoc pacto plures superioribus annis ciuitates subiecerant, atque Lacedæmonij deinceps idem, eodemque ferè pacto fecerunt. Quin etiam Romani etiam si ulciscendarum iniuriarum, sociorumque defendendorum causam bellorum prætenderent, tamen re uera nil aliud, quàm imperiû, dominatumque quærebant. Cuius rei aperte accusantur à Minione Antiochi legato apud Liuium libro trigesimo quarto. *Specioso titulo uti uos Romanos, Græcarum ciuitatum liberandarum, uideo, sed facta uestra orationi non conueniunt.* Nostrique præterea temporis huiusmodi generis exempla plurima, & quidem illustria possent afferri.

GRÆCOS SVIS LEGIBVS VTI PERMIT-

-TTERE.

TERE.

TERE. Etenim Athenienses post bellum Persicum Xerxis usque ad hoc tempus cum mari potirentur, multas sibi ciuitates Græcas tributarias, subiectasque fecerant uariis pretextibus, in primis autem, ut refert Thucydides, quia tributum communis libertatis tuendæ gratia omnibus impositum, cuius in Delo ærarium constitutum erat, non penderent, cum contra tamen Lacedæmonii facerent, qui se Græciæ liberatores profitentes, nihil aliud procurabant, nisi, ut Græciæ ciuitates à paucis gubernaretur. Hanc autem Atheniensium maculam Aristoteles quoque in Rhetoricis attingit; uituperabantur enim ab omnibus Athenienses, quod Græcos libertati natam gentem seruire sibi coegissent, eosque, qui cum ipsis in bello contra Barbaros steterant, & in eo strenue, fortiterque se gesserant, sedibus suis exturbassent.

Υμῶν δὲ πολλοὶς νομίσιν περιβραχίος αἱ πολίμειν, εἰ τὸ μέγα-
ρειν ἡφίστα μὴ καθύλαμιν, ὅπερ μάλιστα προχόνται, εἰ
καθαίρεθιν, μὴ αἱ γίνωσκει τὸν πόλεμον, μηδ' ἢν ὑμῶν
καὶ τοῖς αἰτίαν ὑπολίπυσθε, ὥς διὰ μικρὸν ἐπολεμήσατε. τὸ
γὰρ βραχὺ τότε πᾶσαν ὑμῶν ἔχει τὴν βραχίωσιν, καὶ πέραν τῆς
γνώμης οἷς εἰς ἐν γχωρίστει καὶ ἄλλο τι μέγαν ἰσθὺς ἐπισταθ-
σεσθε, ὥς φόβῳ καὶ τότε ὑπακούοντες, ἀπισχυρίσασθαι οὐ
σαφὲς ἀν' ἀκαταγόντες αὐτοῖς, ἀπὸ τῆς ἰσθ' ὑμῶν μάλ' ἄλλο προσφί-
εσθαι. αὐτόθεν δ' ἡ διακρίσις, ἢ ὑπακούειν πρὶν τὴν βλάβην, ἢ εἰ
πολε-

K

πολιτισμοί, ὥστε οἱ μὴ ἄμενον δοκεῖ εἶναι, καὶ ἐπὶ μεγά-
 λη, καὶ ἐπὶ βραχείᾳ ὁμοίως προφάσει μὴ εἶναι, μὴδ' ἐν φό-
 βῳ ἵκοντες, ὁ κερτμέθ. τὴν γὰρ αὐτὴν δύναται δολωσιν ὅτε
 μεγίστη, καὶ ἡ ἐσχίστη δικαιοσύνη ἀπὸ τῶν ὁμοίων πρὸ δίκης τοῖς
 πύλας ἐπιτασσομένη.

Nemo autem uestrum existimet parua de
 re bellum gesturos, si Megarensium de-
 cretum non sustulerimus, quod in primis præ-
 cendunt, si tollatur nullum bellum fore, neque
 in uobis ipsis culpam relicturos, quasi parua
 de re bellum gesseritis. etenim hoc paruum
 totam uestram continet confirmationem, &
 sententia tentationem; quibus si concesseritis,
 continuo maius quid etiam aliud imperabi-
 mini, quasi & hoc metu obedienter facturi:
 quòd si repugnaueritis, planum eis facietis,
 ut ex aequo uobiscum se magis gerant. Hinc
 igitur considerate, aut obedire prius, quàm
 detrimenti aliquid patiamini, aut si bellum
 geremus, quemadmodum mihi melius uide-
 tur esse, & ob magnam, & ob paruam æque
 causam, nequaquam cessuri, nec cum ti-
 more, quæ adepti sumus, possessuri. etenim
 eandem ualet seruitutem & maxima, & mi-
 nima

nima postulatio, quæ à paribus ante iudicium proximis imperatur.

NEMO AVTEM VESTRVM &c. Quemadmodum in superiori parte ex insidiis, iniuriisque Lacedæmoniorum proposito honestatis fine, bellum honeste contra eos Atheniensibus suscipiendum esse ostendebat, sic in præsentī ex eorum, quæ ad bellum pertinerent, consideratione proposita eius causā, quam maximam esse dicit, ex finē necessitatis, bellum necessarium esse conatur suadere. nam si bella, quæ à maxima causā proficiscuntur, necessaria sunt, profecto hoc bellum necessario suscipiendum videtur. Maior ex consuetudine oratorum prætermissa est; Minor obiectionis in modum prolata continetur in iis verbis. *Nemo autem vestrum existimet parua de re bellum gesturos.* probatur autem, cum addit, *etenim hoc paruum &c.* Est enim uniuersa hæc ratio tractata διὰ τὴν λύσιν ἀντιπαραπονεύσας. nam inter alia, quæ à magistris dicendi præcipiuntur, illud in primis in argumentando, à Cicerone traditur, ut occultetur maxime ipsa ars, viteturque præcipue similitudo, quare nec semper à proposito ordiendum esse uult, neque de omnibus affirmando disputandum.

uerum quo uarietate delectetur, desineaturque auditor, aut interrogandum esse à nobismet ipsis, aut imperandum, aut optandum, aliisque, quæ complura à rhetoribus afferuntur; sententiarum ornamentis utendum: inter quæ hoc, quod modo à Pericle adhibetur; maxime commendatur, & in maximo est usu apud optimos oratores. Hoc Hermogenes libro tertio de inuentione tunc præcipue usurpandum esse docet, cum quid propositum ab aduersariis refutandum proponitur. id quod etiam si ex quatuor partibus, *ἡγοράσι, ὑπόθεσι, ἀντιθέσει, καὶ ἀντιρροπῇ* constitui dicat, idem tamen earum aliquas prætermittere, & ad breuitatem, & ad uehementiam aptius esse admonet. Hoc loco tres simul partes elegantissime his primis uerbis complexus est. altera pars, quæ est *ἀντιρροπῇ* separatim deinceps subiicitur. Est igitur uniuersa ratio huiusmodi. cum parua, leuisque belli suscipiendi causa proponi uideretur; etenim decretum tollere Megarensium, in quo tota controversia uersabatur, res parui momenti esse uidebatur, cumque turpe sit leui de causa bellum suscipere, unde maximam culpam Athenienses conflaturo uiderentur: ideo hæc omnia simul per obiectionem complexus, ipsis statim

tim respondet, minimeque paruari hanc esse belli causam, immo uero maxima ob eas, quas cognoscemus, rationes ostendit. Ex quo perspicitur potest a causis belli hanc omnem orationem manare. causas autem belli ante omnia in consilio de bello capiendo considerandas esse, omnes fere rhetores præcipiunt. necessitas uero aptissima est ratio ad persuadendum, immo uero ad cogendum auditorem, adeo ut quotiescunque fieri potest, ad hunc in primis finem debeat orator orationem suam dirigere. *Id enim quod necesse est*, inquit Cicero in Partitionibus, *reliquis est & honestatibus, & commodis in civili ratione anteponendum.* etiam si Quintilianus semouerit. cum tamen in secundo de oratore Cicero id ipsum mirifice probasset his uerbis. *Sed si quid fieri possit, aut non possit, quidque etiam sit necesse, aut non sit, in unaquaque re maxime est querendum.* incidunt enim omnis iam deliberatio, si intelligitur, non posse fieri, aut si necessitas affertur, & qui id docuit non uidentibus aliis, is plurimum uidit. Huiusmodi autem necessarium etiam si a ceteris finibus separatim esse uideatur, si tamen diligenter uoluerimus attendere, reperiemus semper aut ad utile, aut ad ualde honestum redigi posse. quare præcipit Cicero

in

in libris de inuentione; ut illud, quod adiungitur, semper cuiusmodi sit, consideretur, nam omni tempore id pertinebit aut ad honestatem, aut ad incolumitatem, aut ad commoditatem, quod autem in hac ratione proponitur, ad utrumque uidetur pertinere. huiusmodi autem necessaria, quæ nam existimanda sint, explicat item Cicero in Partitionibus; nempe ea, sine quibus salui, liberi que esse non possumus. Demosthenes autem summam necessitatem appellat infamiam seruitutis. qui & idem, ut placet Vlpiano, ab hoc loco sapissime ducere enthy memata solitus est.

SI MEGARENSIVM DECRETVM SV-
STVLERIMVS, QVOD IN PRIMIS PRÆ-
TENDVNT, SI TOLLATVR, NVLLVM
BELLVM FORE. Narrat Plutarchus in Pericle,
cum Peloponnesii Lacedæmona de Atheniensibus multis, variisque de causis querentes profecti essent, Archidamum regem pacis cupidum plurima crimina ad concordiam contulisse, atque dummodo Athenienses Megarensium decretum tollerent, eosque in gratiam reciperent, non esse ulla alia de causa bellum suscipiendum persuasisse. qua etiam de causa legatos iterum, uti exposuimus, hoc solum petentes miserunt, quibus cum Pericles respondisset legem esse,
qua

qua tabellam, in qua illud esset decretum, deleri prohiberetur, unum ex legatis petiisse, ut illa tantum uerteretur, neque id enim uetitum esse, id quod cum pluribus æquum, honestumque uideretur, Periclem tamen id nullo modo concessisse, idque, ut à multis ei crimini dabatur, ob priuatas ininicitias. Itaque cum paullo post statim à belli initio Anthemocritus præco ad ipsos Megarenses missus in ipsorum finibus necatus esset, id à Pericle eo consilio commissum à multis iudicatum est, ut ex eo in Megarenses inuidiam, odiumque concitaret, quanuis Charini publico decreto præter cetera in Megarenses, & illud tunc adiunctum sit, ut prætores Athenienses statim creati iusiurandum susciperent, se bis quotannis in Megaridem inuasuros. ¶ 550

ET ENIM HOC PARVVM & C. *Αὐτοποροῦν*, respondet enim rationi dubitationis allatæ. atque non solum paruam, sed etiam maximam esse belli causam ostendit, cum in ea Atheniensium confirmatio, id est imperii, libertatisque stabilitas, atque sententiæ tentatio, hoc est dignitas, existimatioque reipublicæ contineatur. quorum illud adeo utile, hoc uero adeo honestum est, ut necessaria utraq; existimanda esse uideantur. siquidem libertas, & honor ex eorum numero sunt,

sunt, sine quibus recte uiuere non possumus.
 itaque Catilina apud Sallustium: *nos libertatem pe-*
rimus, quam nemo bonus nisi cum anima simul amittit;
 & Cicero in Philippicis: *Quæ causa est iustior belli*
gerendi, quam seruitutis depulsio. & pro lege Manilia
 inter ceteras causas has duas: pro libertate, atq;
 pro gloria, & dignitate in primis enumerat, ob
 quas etiã genus ipsum belli ita esse necessarium
 concludit, ut omnino gerendum sit. Auctor
 quoque Rhetoricorum ad Alexandrũ ubi cau-
 sas belli oratori considerandas præcipit, easdem
 per censet. Itemque Demosthenes in oratione de
 Rhodiorum libertate. Et ex his quidem, eò
 quod de belli causa hæc uniuersa tractatio est,
 ab eodem etiam ipsam causæ loco deductam
 esse perspicuum est. Est autem hæc ratio sine
 dubio à fine sumpta, si quidem optimis rebus pu-
 blicis dignitas, popularibus autem præcipue li-
 bertas finis propositus est. Erit igitur hic locus
 vigesimus ab Aristotele in Rhetoricis traditus,
 cuius opus esse inquit, *uidere quæ adhortentur, ac*
dehortentur, & quorum gratia, & agant, & fugiant. eun-
 dem etiam & ad confirmandum, & ad refellen-
 dum accommodatum esse præcipit. adicit etiã
 hunc integram tum Pamphili, tum Callippi ar-
 tem extitisse. Licet autem animadvertere Peri-
 clem

clém diligentissime id quod de ordine, atq; collocatione argumētōrū à rhetoribus, præcipitur, obseruasse; nam Cic. in secundo de Orat. sic docet. *Ut in patronis adhibendis optimus quisque, sic in oratione firmissimum quidque primum esse debet.* quare cum rationes, quæ à causæ, atque necessitatis locis hauriuntur, cæterarum omnium maximæ, grauiissimæque esse soleant, iccirco à principio orationis hæc potissimum allata fuit. Id quod similiter à ceteris oratoribus sæpissime factum uidemus; ueluti apud Liuium Appius Tribunus militum libro quinto. *Scilicet quia leuis est belli causa;* sicque eam necessariam esse ostendit.

TOTAM VESTRAM CONFIRMATIONEM. Hoc est an libere, tuto, atque, ut inferius explicat, sine timore possideant, quæcunq; tenebant, libertatem, & imperium uidelicet.

SENTENTIÆ TENTATIONEM. Hoc est, quo animo sitis, quantosque spiritus geratis; an timidi, an uero fortes, in quo principum, & rerum publicarum dignitas, existimatioque posita est. qua de causa etiamsi leuis esse uideatur, ab iis tamen, qui magni, excelsique animi fuerunt, maxima bella sæpe suscepta fuisse legimus. ueluti à maioribus nostris contra Genuenses ob Ptolemaidis templi possessionem graue, & diu-

tūrnūm, periculōsūmq̃ bellūm primō suscep-
tūm est; adeo enim turpe fortissimī illi, sapien-
tissimiq̃ uiri esse ducebant, uel in minimā re,
in quā dignitas, existimatioq̃ eorūm tentarē-
tur, cedere, ut uel cum maximō periculo bel-
lare, quā cum dedecore obedire maluerint.
quod institutū & posteriores seruantes, cum
omnib; fere terrarū orbis principib; ulti-
mū bellū suscepērūt potius, quā super-
bis etiā si non magni momenti Maximilianī
mandatis turpiter obtemperare. Apud Liuiū
quoq̃ lib. quadragesimo primo Callicrates
Achæus cum ab aliis parua, aut mediocris res
agi uisa esset, ipse grauissimā omnium agi cē-
set hac eadem, quā Pericles, de causā, quā spe-
cie parui beneficii subruī, & tentari ipsorū li-
bertas uideretur; & paullo post etiā adiungit.
Hoc magis tentationem metuo. Sed & alias apud eun-
dem Liuiū de huiusmodi animorū tentatio-
ne mentio fit. nam & lib. nono ait. *Et postquam*
Romæ iūcto cum Samnitibus fœdere Petiales uenerant res
repetitū, tentationem aiebant esse, ut terrore incusso bel-
li, Romanos se fieri paterentur. Et lib. quarto.
Acgre Hortensius pati, tentationem eam credens esse per-
seuerantiæ suæ.

QVIBVS SI CONCESSERITIS, CONTI-

NVO MAIUS QUID ETIAM ALIUD IMPERABIMINI, QVASI ET HOC METU OBEDIENTER FACTURI: QVOD SI &c. Probatio hæc est superioris assumpti, aperteque ex quartodecimo Aristotelis in Rhetoricis loco deprompta, qui à consequenti contrariorum dicitur. sunt autem contraria *concedere*, atque *repugnare*; & utrisque etiam contraria consequentia sunt. nam ei, qui concedit, sequitur, ut imperetur, libertatemque amittat, qui uero repugnat, ut secum inimici ex æquo se magis gerant, atque ut ipse libertatem, dignitatemque retineat, quare cum ea, ex quibus bonum aliquod consequitur, persequenda, ex quibus uero malum, fugienda sint, merito ab Atheniensibus repugnandum Lacedæmoniis, nulloque pacto illis cedendum esse ex his Pericles ostendit, ac maximam hanc esse causam belli hoc modo demonstrat. Quod autem ex hac, quæ res parua uidebatur, concessione, tanta mala consequutura essent, tacite uidetur probari iis uerbis. *Quasi & hoc metu obedienter facturi*. siquidem ut ex iis, quæ ab Aristotele de metu, atque fidentia dicta sunt, perspicere licet, eorum homines metuentes sunt, à quibus alias passi quidpiam sunt; & ii contra in primis fidentes sunt aduersus illos, quos etiam uicerint, & quibus

*se præstare arbitrantur. Si semel igitur infirmitatem Atheniensium Lacedæmonii experti essent, an dubium est, quin arrogantiores, insolentioresque euasuri in Athenienses fuissent? præsertim uero cum & natura etiam huiusmodi essent Lacedæmonii, siquidem ut libro secundo Aristotelis Politicorum scriptum est, *Lacedæmonii, si remisse erga illos te geras, superbiebant illi quidem, ac pares se dominantibus existimabant.**

HINC IGITUR CONSIDERATE &c. Conclusio, uel *μεγίστος ἐπιτομή* rationis nuper de magnitudine, & necessitate belli allata. est autem usitatum hoc genus conclusionis apud Græcos. omnino autem similis huic alia est etiam in concione Hermocratis apud Camarinenses libro sexto harum historiarum. *Quare considerate, atque iam nunc eligite aut præsentem sine periculo seruitutem, aut hoc, ut si uiceritis, nobiscum ne turpiter istos dominos suscipiatis, & inimicitias nostras non breues deuitetis.* Est autem maxima uis in eo uerbo *considerate*, Nam & rem ante oculos, siue potius animum proponit, & attentionem facit, atq; etiam modestiam ostendit.

AUT OBEDIRE PRIUSQVAM DETRIMENTI ALIQUID PATIAMINI. Dictum hoc est cum indignatione, atque per ironiam.
respon-

respondet autem hoc superioribus uerbis: *quibus si concesseritis &c.* nam & in altera concione libri secundi dixit necesse fuisse quoties Lacedæmoniiis celsissent hac in re, statim etiam eisdem semper obedisse.

AVT SI BELLVM GEREMVS, NEQVAM CESSVRI, NEC CVM TIMORE QVÆ ADEPTI SVMVS POSSESSVRI. Hoc serio dictum est, quare & bonum, quod inde consequitur, fuit adiunctum. refertur autem ad id, *quod si repugnaueritis, planum &c.* Est autem mirabile, quanta in hac tota tractatione artificii, eloquentiæque uis eluceat: etenim præterquam quod miris modis hæc pars confecta, repetita, exornataque est, uidemus etiam singulis ferè in uerbis affectuum uim incredibilem adhiberi, iram nempe, atque pudorem. Ira est in eo uerbo, *imperabimini*, itemque in illo, *considerate aut obedire*, Lacedæmonios enim imperare, Athenienses uetò obedire contumeliæ, indignitatisque plenum est. Pudorem autem affert dum ait, *quasi & hoc metu obedienter facturi*; & deinde dum concludit, *considerate aut obedire*. nam, ut est apud Aristotelem capite de pudore, *homines maxime pudore afficiuntur, quoties patiuntur, aut passi, aut passuri sunt eiusmodi res, quæ ad existimationis offensam,*
nem,

*nem, & probra pertineant, sed præcipue si sua culpa ipsis
ea dicantur euenire. nihil igitur poterat Athenien-
sem populum magis ad pudorem impellere,
quàm si ei sponte ipsum obedire, seruitutemq;
eligere, obiectum foret. cum præsertim non
solum ad libertatem, sed etiam ad imperandum
se natum esse profiteretur, & apud Græcos iis
temporibus nulla maior infamia seruitute habe-
retur. itaq; Arist. Barbaros, eo quòd seruirent,
belluas in Politicis appellauit. Atque in his illud
etiam, quod & de affectuum mouendorum lo-
co, & dispositione à rhetoribus præcipitur, qua
ratione optime obseruatum sit, notemus.
nam Cicero in secundo de Oratore præcipit,
*cum sepe, tum uero aliquot firmissimis argumentis nostris
confirmatis motus animorum adhibendos. Aristoteles
uero libro tertio de Arte dicendi. Vbi enthymema
dixeris, affectum proferas.**

ETENIM EANDEM VALET SERVITV-
TEM &c. Hæc est altera ratio, qua adhuc ma-
ximam hanc, necessariamque belli causam esse
demonstratur. nam ex cedendo, atque obedien-
do etiam minima in re libertatis diminutio
fit. quæuis enim postulatio, quæ à paribus an-
te iudicium fit, est diminutio libertatis. quare
cum postulatio hæc à Lacedæmoniis, qui æqua-
les

les Atheniensibus erant, ante iudicium fieret, cui dubium, si ipsis obeditum foret, ne libertatis magna diminutio facta fuisset? Est autem sumpta hæc ratio à descriptione, siue etiam à causâ efficiente seruitutis, quæ libertati opponitur. quare & à contrario etiam quodammodo sumpta uidebitur. Posita autem est post conclusionem, nam oratores, quo magis artificium ipsorum occultetur, miscent inter se argumenta, & conclusiones interponunt, id quod non raro etiam à scientiarum, philosophiæque magistris fieri solet. At oratoris in primis tractatio uaria esse debet. Id autem ita faciendum docet Cicero in oratore. *Proponi oportet, quid afferas, & id, quare ita sit, ostendere: & ex iisdem illis locis interdum concludere, relinquere alias, alioque transire, sæpe non proponere, ac ratione ipsa afferenda, quid proponendum fuerit, declarare: si cui quid simile dicas, prius ut simile confirmes; deinde quod agitur adiungas; puncta argumentorum plerumque ut occulas, ne quis ea numerare possit: ut re distinguatur, uerbis confusa esse uideantur.* Est autem similis huic Periclis sententia, ad idemque etiam fere ostendendum assumpta à Demosthene in Philippicis. *Pietas, & iustitia siue quis parvis, siue magnis in rebus eas uiolarit, eandem habent uim.*

ΤΑ' δὲ τῶ πολέμῳ, καὶ τῶν ἐκατέρωθεν ὑπαρχόντων, ὡς δὲ
 ἀποδείξαι ἔοικεν, γινώτι καθίκατον ἀκούοντες. αὐτῶν
 τι γὰρ εἰσι πελοποννήσιοι, καὶ ἐπὶ ἰδία, ὅδ' ἐν κοινῷ χρεῖμα-
 τα εἰς αὐτοῖς. ἔπειτα χρόνιων πολέμων, καὶ διαπορτίαν ἀπει-
 ροι, διὰ τὸ βραχίως αὐτοὶ ἐπ' ἀλλήλους ὑπὸ πίρας ἐπιφέρειν.
 καὶ οἱ τοῖστοι ἐτι ναῦς πληρῆντες, ἐπὶ πρὸς στρατίας παλά-
 κης ἐκπέμπειν δύναται; ἀπὸ τῶν ἰδίων τὴν αἶμα ἀπόντες, καὶ
 ἀπὸ τῶν αὐτῶν διαπανῶντες, καὶ προσέτι καὶ θαλάσσης εἰργό-
 μνοι: αἱ δὲ περιστάσεις τὸν πόλεμον μάλλον, ἢ αἱ βίαιοι ἰσφορᾶι
 ἀνίχουσι: σώμασι τε ἰτοιμότεροι οἱ αὐτῶν τῶν ἀνθρώπων, ἢ
 χρεῖμασι πολεμεῖν, τὸ μὲν πιστὸν ἔχοντες ἐκ τῶν κινδύνων καὶ
 περιγίνεσθαι, τὸ δὲ ἔβριμον μὴ ἔπρονυλάσκειν: ἄλλως τε καὶ
 παρὰ δόξαν, (ὅπερ εἰκὸς) ὁ πόλεμος αὐτοῖς μακύνηται, μάχῃ
 μὲν γὰρ μία πρὸς ἀπαντας Ἕλληνας δυνατοὶ πελοποννήσιοι, καὶ
 οἱ ἐμμάχοι ἀντισχεῖν, πολεμεῖν δὲ μὴ πρὸς ὁμοίαν ἀντισπαρα-
 κινῶν ἀδύνατοι. ὅταν μὲν τε βουλευτῶν ἐνὶ χρεώμενοι παραχρη-
 ματιοῦσιν ἐπιτελῶσι: πάντες τε ἰσόληφοι ὄντες, καὶ οὐχ ὁμό-
 φλοιοι τοῖς ἐφ' ἑαυτὸν ἕκαστος σπένδει, ἐφ' ὧν φυλαὴ μὲν ἐπιτελεῖς
 γίνεσθαι, καὶ γὰρ οἱ μὲν ὡς μάστιγα τιμωρεῖσθαι τίνα βόλονται,
 οἱ δὲ ὡς ἡκιστα τὰ οἰκεία φθεῖραι: χρόνιοι τε ξυνιόντες ἐν βραχεὶ
 μὴ μορῶ σκοπεῖσι τι τῶν κοινῶν, τῷ δὲ πλεονί τὰ οἰκεία πρὸς
 ἑαυτοῖς: καὶ ἕκαστος ἑαυτὸν ἐπὶ τὴν αὐτὴν ἀμείλιαν οἶεται βλάψαι.
 μέλειν δὲ τινὶ ἢ ἄλλῳ ὑπὲρ ἑαυτοῦ τι προῖδεν, ὥς τε τῷ αὐτῷ
 ὑπὸ ἀπάντων ἰδία δοξάσματι λαμβάνειν τὸ κοινὸν ἀθροῖον φειρό-
 μενον. μέγιστον δὲ τῇ τῶν χρεμάτων σπάνει κωλύονται, ὅταν
 σχολῇ αὐτὰ πορίζομενοι διαμείλωσι, τὸ δὲ πολέμῳ οἱ καιροὶ ἐ-
 μνητοῖ.

QUa uero ad bellum, & ad utriusque no-
 strum opes pertinent, haud deteriora no-
 bis affutura, hinc sigillatim audientes cogno-
 scite. etenim Peloponnesij operarij sunt. &
 neque

neque priuatim, neque publice pecunias habent. deinde diuturnorum bellorum, atque maritimorum imperiti sunt, quia leuiter ipsi inter se propter paupertatem armis contendunt. ac tales homines neque naves comple-
re, neque pedestres copias saepe emittere possunt, cum una & à propriis rebus absint, & de suo impendant, & præterea mari arceantur; bella uero abundantes copia potius, quam uiolenta tributorum collationes sustinent; & qui hominum operarij sunt paratiores ad bellandum corporibus sunt, quam pecuniis, illa quidem certum habentes ex periculis eua-
sura, has uero non ratum non antea expensuros; præsertim uero si contra opinionem (ut uerisimile est) bellum eis producatur. etenim prælio uno aduersus Grecos omnes Peloponnesij, & eorum socij resistere possunt, at contra dissimilem aduersariorum apparatum pugnare non possunt. quando ne consilio quidem uno uentes ex templo aliquid mature conficiant; & cum omnes paribus sus-

M fragiis

fragilis sint, & non eiusdem tribus, sua quisque rei studet, ex quibus perfecti nihil fieri solet, etenim alij quam maxime ulcisci quempiam uolunt, alij autem quam minime res suas labefactare; & cum longo intervallo conueniant breui quidem momento res communes consultant, maiorem uero partem res domesticas agitant, atque unusquisque sua ignauia haudquaquam nociturum putat, aliis autem cura esse, ut pro se ipso prospiciant, usque adeo ut eodem priuato omnium consilio clam res publica tota intereat. quod uero caput est, pecuniarum inopia prohibebuntur, quando agre eas parantes cunctabuntur, at belli tempora non stabilia sunt.

QVÆ VERO, &c. Quoniam quamplurima potest capita, unde argumenta hauriat, parare sibi orator debet, possibile autem Aristoteles suasoribus aptissimum esse docet, ideo Pericles cum ab honesto, & necessario satis firmis rationibus bellum in Peloponnesios suasisset, nunc à possibili, faciliq; ipsos ad idem adhortatur. quod ut assequatur, incredibile dictu

dictu est, quanto studio, & diligentia ea, quæ ad Lacedæmonios, & Athenienses, præsensque bellum pertinent, consideret. Primum autem Lacedæmoniorum difficultates percenset. deinde quæcunque pro illis facere uidebantur, ea parui momenti, ac minime formidabilia esse demonstrat. ultimo loco Atheniensium res longe superiores fore pluribus de causis auguratur. Difficultates autem, quæ de Peloponnesiis afferuntur, huiusmodi sunt. quod operarii homines sunt. quod neque priuatim, neque publice pecunias habent. quod diuturnorum, atque maritimorum bellorum imperiti sunt. quod multæ gentes, neque eodem consilio utentes sint. ex quibus hoc in bello plurima illis incommoda, periculaque necessario euentura esse prospicit. Verum hæc oratione adeo simplicitas, atque inuoluta exponuntur, ut quauis rationes res sint distinctæ, uerbis tamen, ut præcipit Cicero faciendum, confusæ esse uideantur. Ad suadendum autem quippiam maximam habet uim, si id facile fieri posse dicamus, nam si fieri non posset, ne suasioni quidem locus esset. qua de re sic Cicero in Partitionibus. *Suasori, aut dissuasori illa in primis uidenda sunt, quid aut possit fieri, aut non possit, & quid*

aut necesse sit, aut non necesse. cum autem queritur quid fieri possit, uidendum est etiam, quàm facile possit; nam quæ per difficilia sunt; perinde habenda sunt, ac si effici non possint. Aristoteles quoque libro primo Rhetoricorum, ubi agit de bonorum generibus inter ea, quæ præeligenda sunt ponit etiam ea, quæ fieri possunt. *Hæc uero bifariam, tum quæ fiant, tum quæ facile fiant, facilia uero, quæ sine molestia, aut breui tempore, quia difficile definitur, aut molestia, aut longitudine temporis.* Sed de hoc eodem ille pluribus suo loco libro secundo. Cicero autem à causis efficientibus uidendum esse, quid facile sit, si illæ modo suppetant; præcipit in Partitionibus, ubi etiam totam huius loci tractationem sic tradit. *Quo toto genere quibuscum, & contra quos, quo tempore, aut quo loco, aut quibus facultatibus armorum, pecuniæ sociorum, earumque rerum, quæ ad quancunque rem efficiendam pertinent, possumus uti, requirendum est; neque solum ea, quæ nobis suppetunt, sed etiam illa, quæ aduersantur, uidenda. & si ex contentione procliuora erunt nostra, non solum effici posse, quæ suademus, erit persuadendum, sed curandum etiam, ut illa facilia, procliuia, iucunda uideantur. Quæ omnia eodem fere modo à Pericle obseruata in præsentī tractatione uidebimus.* Nunc autem dum difficultates *Lacedæmoniorum hostium demonstrat,*

nihil

nihil aliud agit, quàm quòd facile Atheniensibus bellum ostendit. ex contrariis enim contraria colliguntur. si enim bellum Lacedæmonius difficile, certè Atheniensibus facile. nam si, ut ait Aristoteles, *Quod omnino est contrarium ei, quod inimici volunt, aut quo letantur, commodum videtur.* profecto ex incommoditatibus, difficultatibusque Lacedæmoniorum commoditates, Atheniensium colliguntur. Est autem hoc apud omnes fere oratores in more positum, ut in suasionem belli difficultates hostium exponantur. nam ut præcipit Aristoteles, *Qui bellum suadent, oportet ut hostium vires spectent, ut aut cum superioribus pax componatur, aut cum inferioribus bellum suscipiatur.* Itaque Archidamus in ea concione, quæ licet huic contraria sit, eadem tamen arte, qua & hæc, pertractata est; ut Lacedæmonios à bello detereretur, non modò illos difficile, sed & Athenienses facile illud confecturos, ac superiore conditione futuros demonstrare conatur. Idemque etiam præstat Nicias libro sexto harum historiarum, in dissuasionem belli contra Syracusanos. & apud Liviū mirum est quàm morate sapientissimi viri Fabii Maximi oratio formata sit in prospiciendis malis, quæ ex Scipionis in Africam traiectione oriri potuissent. Nam in consultationi-

sultationibus de futuris prospicere nedum ad argumentandum necessarium, sed etiam ad prudentiæ opinionem comparandam accommodatissima ratio est. Est igitur Periculis concio moralissima, quippe quæ providentiæ præsefert. Sed & affecta eadē nihilominus apparet, fidutiæ enim plena est hac tota in parte; nam docet Aristoteles, *Homines fidentes maxime fieri, si aut nullos, aut imbecillos esse aduersarios dicatur*. Est autem, ut idem tradit, *fidencia spes cum phantasia rerum salutarium, ut quæ prope sint, metuendarum uero, aut quæ nullæ sint, aut longe absint*. Sunt autem hæc omnia, quæ ad facilitatem belli suadendam hac in parte traduntur, quæ satè & enthymematum ui, & sententiarum numero, maxima, & plurima sunt, ex locis consequentium, atque caussarum efficientium ferè deprompta.

QVÆ VERO AD BELLVM, ET AD VTRIVSQVE NOSTRVM OPES PERTINENT, HAUD DETERIORA NOBIS AFFVTVRA, HINC SIGILLATIM AUDIENTES, COGNOSCITE. Transitio, atq; propositio eorū, quæ de facilitate deinceps dicenda sunt. id autem apud oratores sæpissime fieri solet, ut non solum in principio, sed etiam in medio proponatur: immo uero huiusmodi in medio orationis

nis propositiones multo magis, quàm in principio ad docilitatem, attentionemque faciendam prodesse arbitratus est Aristoteles, libro enim tertio Rhetoricorum sic præcipit. *Attentos quidem facere omnium partium est commune, si opus sit, quia ubique magis, quam incipiendo auditores languescunt, quocirca ridiculum est id in principio collocare, cum maxime omnes attente audiunt.* & Cicero in Oratore, *Attentum uero crebro tota actione excitandis mentibus iudicium, non prima denunciatione efficere possumus.* Est autem ad attentionem comparandam uerbum illud *cognoscite* accommodatissimum, ideoque sæpius ab oratoribus usurpatum.

ETENIM PELOPONNESII OPERARIJSUNT. Prima hæc est Peloponnesiorum difficultas, quod *αὐτὰρ γοῖ* essent, hoc est, quod agros, artesque ceteras propriis manibus exercerent. Vtrunque autem uerum erat, maximeque de Lacedæmoniis. quarum rerum hæc fortasse causæ extiterunt, quod quidem artes exercerent, quia cum ex legibus Lycurgi ferreus nummus, isque maximi ponderis Lacedæmone tantum in usu esset, externorum hoc pacto commercium sublatum est. omnia igitur ipsi sibi necessaria, conficere coacti sunt. quare in plurimis etiam ipsos artibus excellentes euasisse narrat Plutarchus

chus in Lycurgo. quòd autem agros colerent, causa fuit inopia seruorum, ut censet is, qui scholia in has historias scripsit. cum præsertim, ut ait Aristoteles libro secundo Politicorum, plurimum agri haberent Spartani, adeo ut quemadmodum narrat etiam Thucydides in proœmio harum historiarum ex quinque totius Peloponnesii partibus duas ipsi possiderent.

ET NEQVE PRIVATIM, NEQVE PVBLICE PECVNIAM HABENT. Secunda Lacedæmoniorum difficultas, cui itidem Lycurgi etiam leges causam attulerunt, hic enim diuitias omnes è ciuitate sustulit. existimabat enim ille uir malorum omnium causas ex hoc fonte manare. in primis autem inimicorum in se impetum allicere. Plutarchus in Lycurgo. Xenophon de Republica Atheniensi. Quauis autem Plato in Alcibiade primo apud Lacedæmonios auri, atque argenti copiam tantam esse, quanta ne uniuersa quidem reliqua Græcia possideret, eosque Græcorum omnium ditissimos esse affirmet; id tamen de inferioribus temporibus intelligendum est, siquidem, ut ait Plutarchus in Lycurgo Agide regnante pecunia, diuitiarumque usus Lacedæmonia influxit, qui Alcibiadis tempore fuit, Pericle autem posterior, at paullo

paullo tamen Xenophon etiam, qui iisdem
Platonis temporibus scripsit, ætate sua Lycur-
gileges immutari, atque aurum desiderari cõ-
ptum esse prodidit; ita ut cum prius pertime-
fcerent, ne quid auri habere uiderentur, tunc
autem quosdam se nouisse, qui quæstu gloria-
rentur. Verum & Archidamus ipse Lacedæmo-
niorum rex in eadem, quam sæpe protulimus,
concione, hanc suam imbecillitatem fatetur.
nam *Athenienses priuatis, & publicis diuitiis abun-*
dare, se uero neque in communi habere, neque ex pri-
uatis libenter conferre, affirmat. atque hæc una
præcipua ipsius ad bellum dissuadendum ratio
erat.

DEINDE DIUTURNORVM BELLORVM,
ATQVE MARITIMORVM IGNARI SVNT.
Dux simul his uerbis Lacedæmoniorum difficul-
tates comprehensa sunt. Causa uero, cur diu-
turna bella non gererent Lacedæmonii, cum ea
est, quæ subiungitur ab ipso Pericle, nempe pau-
pertas, ob quam nisi leuibus, breuib;que bel-
lis cum uicinis contendere non poterant, tum
etiam ea, quæ colligitur ex Plutarcho in Lycur-
go, quod ex huius legibus ipsis uetabatur bis
exercitum contra eodẽ ducere; id uero ea
ratione, ne hostes ab ipsis experientia edocti,
N corum

corum bellandirationem, artemque perdisce-
rent. Itaque reprehensus est Agesilaus, quod
in Thebanos sapius profectus esset, à quo ipsi
uel inuiti hoc pacto militiam didicisse fateban-
tur. Maritima uero non attingebant Lacedæ-
monii partim propter incommoditatem, quo-
niam longe à mari incolabant, partim uero, quo-
niam, ut docet Plutarchus in libello de institutis
Lacedæmoniorum, id legibus Lycurgi, prohi-
bebat, ne cō pacto peregrinis moribus infi-
cerentur. hæc autem eadem commemorat &
Archidamus.

ACUTALES HOMINES &c. Considerata
diligenter, prudenterque examinata natura,
statuque Lacedæmoniorum, atque ipsorum dif-
ficultatibus quatuor maximis expositis, ex iis
nunc incommoda, atq; damna in bello eis euen-
tura demonstrat; ea uero sunt. quod naues com-
plere non poterunt; quod pedestres copias sa-
pius emittere non ualebunt; quod tributorum
collationes, atque pecuniarum impensas mole-
steferent; quod si bellum producat, eo citò
defatigabuntur, atque horum singula ex uno,
uel pluribus eorum, quæ enumerata sunt, uitiiis
consequuntur.

NEQVE IN NAVES COMPLERE, NEQVE
PEDE-

PEDESTRES COPIAS SEPE EMITTERE POSSUNT. Hæc duo sunt Peloponnesiis in bello incommoda euentura, quæ Pericles ab iisdem causis educit; nam & longe domo abesse, atque de suo impendere cogentur, illi uero hæc ægre, molesteque passuri sunt: at qui hæc non præstiterint, illi neutrum illorum conficere poterunt. Peloponnesii igitur sine dubio in huiusmodi incommoda incurrent. quin etiam & alia de causa naues complere non poterunt, quia ab Atheniensibus classe ualidioribus mari arcebuntur. Hæc autem omnia ex iis pendent difficultatibus, quæ iam propositæ sunt; nempe quòd *οὐκ ἔχουσιν*, inopesque Peloponnesii sint.

BELLA VERO ABUNDANTES COPIÆ POTIVS &c. ET QVI HOMINVM &c. In his prospicit Pericles in quantis pecuniarum angustiiis Peloponnesii futuri sint; nam & illas ipsi moleste, inuitiq; contribuent; est enim hoc eorum hominum generis, qui pauperes, atq; operarii sunt, consuetum, ut libentius uitam periculis bellicis committant, quàm de suo aliquid uelint impendere; & præterea huiusmodi uiolentis collationibus nihil boni peragi solitum est; nam bella publicæ potius, quàm priuata pecuniæ sustinent. Hæc autem eadem & ab Archidamo quoq;

sunt

N 2

prædi-

prædicta omnia fuerant. Sed & Aristoteles libro secundo Politicorum de hoc ipso similiter Lacedæmoniorum Rempublicam accusat his uerbis. *Male etiam circa pecunias publicas apud Spartiatis constitutum est, quia neque in publico habent quicquam, & magna bella gerere coacti, pecunias egre conferunt, nam quia Spartiatarum est plurimum agri, non examinant inuicem collationes, & euenit legum latori contra quàm commodum est, publice inopiam, priuatim auaritiam inducere.* hoc autem, quod nunc à Pericle accusatur, à Corinthiis contra in secunda eorum hoc eodem libro concione laudatur, qui cum corporibus Lacedæmonios magis quàm pecuniis ualere dixissent, fortitudinem, peritiamque bellandi longe opibus in bello præstare conantur ostendere.

PRÆSERTIM VERO SI CONTRA OPINIONEM, VT VERISIMILE &c. In his aut pergit demonstrare difficultates, quibus Lacedæmonii pecuniarum causa laboraturi essent, aut ex molestia, qua Lacedæmonii in conferendis sæpius pecuniis afficientur, illos cito defatigatum iri ostendit. Id quod certe euentus ipse comprobauit; nam, ut est in secunda historia apud Thucydidem, ubi Peloponnesii bellum duci senserunt, unde sæpius pecunias con-

ferre

ferre cogebantur, statim defatigari cœperunt. Sed & Archidamus ad dissuadendum bellum hac potissimum ratione usus est, quod bellum minime breue, sed quod posteris relinquendum esset, suscipiendum proponeretur. Pericles autem eo potissimum inditio ducitur ad hoc augurandum, quod utrique præpotentes essent, Peloponnesii quidem terra, ita ut uno prælio, uel contra Græciam omnem pugnare ualerent, Athenienses uero mari, adeo ut dissimili bellandi modo infestare, & defatigare facile Lacedæmonios potuissent. atque hoc etiam ipsum ita euenit, nam cum Athenienses ex Periclis sententia urbis muris semper se continerēt, classe uero Peloponnesi oram quotannis uexarent, pluribusque uictorijs naualibus reportatis, præcipue autem ad Pylum principibus Lacedæmoniorum captis pacem eos petere coegerunt. Archidamus autem & ipse ex eo quod non simili ratione bellandi, quo Atheniensibus, eis utendum esset, similiter difficultatem belli proponebat. Vtrique igitur & Pericles, & Archidamus id, quod ab Aristotele præcipitur, in suis concionibus obseruarunt. admonet enim ille in belli suasionem hostium uires, & copias considerandas esse, an similes, an uero dissimiles a nostris

nostris sint, & in quibus superiores, in quibusque
inferiores esse uideantur.

¶ QUANDO, SINE CONSILIO QUIDEM
VNO UTENTES. &c. Quinta hæc est Pello-
ponnesiorum difficultas, ex qua, ut etiam ex
superioribus plurima illis in hoc bello incom-
moda profectura demonstrat. Nam cum Pello-
ponnesiorum societas ex multis ciuitatibus,
populisque confecta esset, iisque omnibus in
suffragio paribus, ita ut non unius, sed pluri-
morum consilio, uoluntateque bellum geren-
dum esset, hæc omnia ex his sequentur incom-
moda. Primo enim nihil mature conficiunt, de-
inde quod priuata rei solum consulentes, ac di-
uersos singuli fines respicientes perfecti nihil
moliuntur, itemque quod raro conuenient, bre-
uique tempore de rebus maximis deliberabunt,
præterea quod in exequendis, ac peragendis
rebus necessariis, cum singuli in singulos, alterque
in alterum respecturus sit, lentius, segniusque
se gesturi sint, adeo ut clam respublica tota sit
interitura. Pulcherrimus sanè, ac præstantissimus
hic mihi locus uidetur, in quo ea omnia, quæ in
societatibus incommoda oriri solent, breuiter,
& magna enthymematum ui comprehensa sunt.
Hæc autem omnia plerunque uerissima acci-
dere,

dere, cum à multis ueteribus, nostrique etiam temporis prudentissimis uiris rationibus, commentationibusque demonstratum est, tum uero usus optimus actionum humanarum magister, sepiissime comprobauit, non modo antiquis temporibus, maximeque in hoc Peloponnesiaco bello, in quo multæ, uariæque sociorum alienationes, & dissensiones contigerunt, uerum etiam his paullo ante actis temporibus. id quod nostra in primis respublica optime experta est. Hæc autem omnia in belli suasionem animaduertenda docet etiam Aristoteles, & libro primo, & secundo Rhetoricorum.

NEQUE VNO CONSILIO UTENTES. Siquidem ex multis ciuitatibus, rebusque publicis societas illa conflata erat; illæ autem quanam essent libro secundo omnes numerantur à Thucydide: ubi etiam Atheniensium socii eodem pacto percensentur.

NIHIL MATVRE CONFICIENT. Ex eo quod tot ciuitatum consilio semper in singulis actionibus, ueluti pecuniarum collationibus, militum delectibus, nauium comparationibus, subsidii mittendis, singulisque expeditionibus decernendis, utendum erit, id autem in bellis maximi momenti est; siquidem, ut paullo post
idē
dicit,

dicat, belli occasiones præcipites sunt.

ET CUM OMNES PARIBVS SVEFRAGIIS
SINT, ET NON EIVSDEM TRIBVS. Quod
æquales hi omnes inter se essent; quomodoque
de rebus decernerent; declarauit Thucydides
hoc eodem libro non longe ante hanc concio-
nem. *Lacedæmonii auditis omnium sententiis, calculos
cunctis, qui aderant, intulerunt sociis, gradatim à maxi-
ma ad minimam usque ciuitatem, & illi frequentes de bel-
lo dedere suffragia.*

SVE QVISQVE REI STVDET, EX QVE
BVS PERFECTI NIHIL FIERI SOLET.
ETENIM &c. Hæc & huiusmodi incommoda
in actionibus; quarum cura pluribus deman-
data est, & societatibus; & rebus publicis accidere
solent; adeo ut paulatim etiam tota respublica
intereat. Idem & Aristoteles in Politicis osten-
dit, atque ex hoc maxime Platonis sententiã
de rerum communione impugnat. id quod plu-
rimorum in una familia seruorum exemplo cõ-
probauit, qui negligentius res domesticas cu-
rant, quam pauciores.

ETENIM ALII QVAM MAXIME VLTICI
QVEMPIAM VOLVNT, ALII QVAM MI-
NIME RES SVAS LABEFACTARE. Quod
federatorum hæc natura sit, ut uarios singuli
sibi

sibi fines proponant, ostendit etiam Demosthenes in oratione de pace ad tollendam Philippifiduciam, quam in Thebanorum societate ponebat.

ET CVM LONGO INTERVALLO CONVENIANT BREVI MOMENTO RES COMMUNES CONSULTANT. Hoc idem ad hoc bellum incommodum afferebat etiam Archidamus. est autem hoc omnino contrarium ei, quod in Ethicis præcipit Aristoteles. *tarde deliberandum, celeriter uero agendum.* Diodotus quoq; apud Athenienses his eisdem historiis, duo esse consiliis inimica dicebat, iram, atque festinationem.

ATQVE VNVSQVISQVE NON SUA IGNAVIA NOCITVRVM PUTAT, ALIIS AVTEM CVRÆ ESSE, VT PRO SE IPSO &c. Hac eadem de re Athenienses accusat Demosthenes in prima oratione contra Philippum his uerbis. *Si defieritis ipsi nihil agere, dum speratis alium pro uobis facturum esse omnia.* atque *περὶ τῶν συμποσίων.* Post autem alius alium respexistis, tanquam ipse nihil, proximus omnia factururus esset.

QVOD VERO CAPVT EST PECVNIA- RVM INOPIA PROHIBEBVNTVR, &c. Repetit id, quod etiam superius, eo quod hoc inter cetera omnia Peloponnesiorum incommoda

O

maxi-

maximum erat; est enim in belli consultatione illud tritum, pecunias nervos esse belli. unde hac eadē de re accusans Lacedæmonios Archidamius, dicebat, bellum non magis ope armorum, quàm sumptibus stare, per quos utilia sunt arma. IN V T I

AT BELLI TEMPORA NON STABILIA SVNT. Eandem sententiam sumebat Demosthenes ad accusandos Athenienses in prima Philippica. Nam rei gerendæ tempus in apparando confusum, rerum autem occasiones non expectant nostram tarditatem, & socordiam. Et Cicero in quinta Philippica, Minimis momentis maximas inclinationes temporum fieri, cum in omni casu reipublicæ, tum in bello, affirmat. atque in sexta. Dies enim affert, & hora magnas clades. V T I M V N T I O O K A I V A N T I

Καὶ μὴν οὐκ ἡ ἐπιτειχίσις, εἰδὲ τὸ ναυτικὸν αὐτῶν ἄξιον φοβεῖσθαι. τὴν μὲν γὰρ χαλεπὸν καὶ ἐν εἰρήνῃ πολὺν ἀντίπαλον παρασκευάσασθαι, ἡπεὶ δὲ ἐν πολέμῳ, καὶ ἐκ ἑσσοῦν ἐκείνοις ἡμῶν ἀντιπτεῖται χιρσινῶν ὑπερβίον δι' εἰ ποιοῦσιν, πῶς μὲν γὰρ βλάπτουσι ἂν τι μέρος καταδρομαῖς, καὶ αὐτοπολεμῶν, ἡμῖν τοὶ ἰκανοὶ γένηται ἐπιτειχίζειν τε, καὶ κωλύειν ἡμᾶς πλείονας ἐς τὴν ἐκείνων, καὶ ἡπερ ἰσχυόμεν ταῖς ναυσὶν ἀμύνεσθαι, πλείον γὰρ ἡμεῖς ἔχομεν τὰ κατὰ γῆν ἐκ τῶ ναυτικοῦ ἀπείρίας. ἐκεῖνοι ἐκ τῶ κατ' ἀπείροισι, τὰ ναυτικά. τὸ δὲ τῆς θαλάσσης ἐπιστημονας γινώσκειν ὁ ῥηδίων αὐτοῖς προσγίνωσται, εἰδὲ γὰρ ὑμεῖς μελετῶντες ἑαυτοὺς ἀπὸ τῶν μέγιστων ἐξείργασθε πῶς πᾶς δι' ἀνδρείας γινώσκει, καὶ ὁ θαλάσσιος, καὶ προφίτι, εἰδὲ μελετῶσαι ἐσόμενοι, διὰ τὸ ὑφ' ἡμῶν πολλὰς ναυτὶν αἰεὶ ἐφορεῖσθαι, ἄξιον ἂν τι δέωμεν; πρὸς μὲν γὰρ ὀλίγας καὶ ἐφορεῖσθαι καὶ διὰ κινδύνουσειαν,

δυνάμειαν, πλῆθει τὴν ἀμαθίαν θρασύνοντες; πολλὰς δὲ εἰρη-
 μένοι πονησάσιν, καὶ ἐν τῷ μὴ μελετῶντι ἀξυνετώτεροι ἴσονται,
 καὶ δὴ αὐτὸ καὶ οὐκισότεροι, τὸ δὲ ἰουστινὸν τέχνης εἶναι, ὥσπερ
 καὶ ἄλλο τι, καὶ εἰς ἐνδοχέται, ὅταν τύχη, ἐκ παρέρων μελε-
 τᾶσθαι, ἀλλὰ μάλλον μὴ ἐκείνῳ παρέργον ἄλλο γίνεσθαι.
 ἔτι καὶ κινύσαντες τῶν ἀλλήλων πικρίαν, ἢ δὲ ἀλλοῖς χρημάτων μισ-
 θῶ μέγιστον πειρώντο ἡμῶν ὑπολάβειν τὸς ξίνας τῶν καυτῶν. μὴ
 οὐτῶν μὲν ἡμῶν ἀντιπαλόν, ἐσβάνταν αὐτῶν, καὶ τὴν μετοίκων
 αἰσιν ἄν ἦν, νῦν δὲ τὸς τε ὑπάρχει, καὶ (ὅπερ κράτιστον) κυ-
 βερνήτας ἔχομεν πολίτας, καὶ τὴν ἄλλαν ὑπηρεσίαν πλείους, καὶ
 ἀμείνους, ἢ πᾶσα ἡ ἄλλη ἑλλάς, καὶ ἐπὶ τῷ κινδύνῳ εἰς αὐτοὺς ἀνδρα-
 γατῶν τῶν ξίνων τινες αὐτὸς φύγειν, καὶ μετὰ τῆς πόσεως ὅμα
 ἐλπίδος ὀλίγων ἡμῶν ἔνεκα μεγάλῃ μισθῷ δοσέως ἐκείτοις ξυνα-
 γανίσσεσθαι. καὶ τὰ μὲν περὶ τοῦ πονησίου ἡμῶν γέ τοι κῶστα, καὶ πᾶ-
 ρα πλείσις δοκεῖ εἶναι.

AT qui neque circumvallationem, neque
 classem eorum timere arduum est. illam
 enim difficile est etiam in pacato, nedum in
 hostili agro urbem aequalem comparare, &
 cum nos contra aequae, ac illi vallum obieceri-
 mus. quod si praesidio locum aliquod munie-
 rint, regionis quidem partem aliquam ex-
 cursionibus, & transfugis infestabunt; non
 tamen satis erit ad circumvallandum, atque
 ad nos impediendos, ne in eorum agros navi-
 gemus, & ne navibus, quibus ualeamus, eos
 ulciscamur, plus enim nos habemus peritiae

rerum terrestriū ex nauticis, quā illi rerum
nauticarū ex terrestribus. maritima vero rei
usus non facile ipsis accedet, neque enim hoc
uos statim à rebus Medicis meditati adhuc
perfecistis. quomodo igitur homines agrico-
la, & non maritimi, & praeterea qui ne me-
ditari quidem permittentur, quia à nobis
multis nauibus assidue in statione observa-
buntur, dignum aliquid efficient? Etenim
aduersus paucas naues in statione manentes
etiam periculum adierint, si multitudine im-
peritiam corroborarint, multis autem impe-
diti, quiescent, & nisi meditabuntur, imperi-
tiores erunt, & propterea etiam ignauiores,
res autem maritima artis est, si qua etiam
alia, neque licet, cum casus tulerit, obiter
meditari, sed potius nihil aliud in ea re obiter
fieri. & si pecunias, quae Olympia, aut Del-
phis sunt, auferentes, maiore, quam nos sti-
pendio peregrinos nautas subripere conaren-
tur, si nos aequales non essemus, & ipsi cum
inquilinis conscenderent, grauis admodum
res

res esset: nunc uero & hoc adest, & (quod optimum) gubernatores ciues habemus, & remiges plures, ac meliores, quam tota reliqua Græcia; atque in periculo nemo peregrinorum probaret sua terra exulare, & minori cum spe ob magni stipendij paucorum dierum largitionem socios se iis certaminis adiungere. Ac res quidem Peloponnesiorum tales, ac similes mihi uidentur esse.

ATQVE &c. Ad facilitatem belli Peloponnesiaci suadendam difficultates aduersariorum in eo ipsis euenturæ superius ostendebantur; nunc quæ rationibus suis apta uidebantur, ponderantur, atque ea omnia partim confutantur, partim uero hominum opinione infirmiora redduntur: quæ autem à Lacedæmoniis timenda esse Athēniēsis uidebātur, huius generis sunt: quod urbi circumuallationē induxissent; quod locum aliquem ad Athēnas muniissent; quod si aliquantisper in rei maritimæ studium incubuissent, in ea nihilo minus Atheniensibus formidabiles euasissent; ad extremum quod pecuniis, quæ Delphis, Olympiæque depositæ seruabantur, ablatis, reliqua omnia imperitiæ maritimæ incom-

incommoda propulsaturi essent. Sed quando locus postulat, de aduersariorum criminibus, rationibusque infirmandis dicamus. Vt autem docet Aristoteles libro tertio Rhetoricorum. *In consultatione, & in iudicio, qui priore loco dicit, fides suas prius exponere, post autem contrariis occurrere soluendo, atque eleuando debet; qui uero posteriore loco dicit, prius contra aduersarii orationem dicere soluendo, & syllogismum opponenda debet, & maxime si approbata sint.* Pericles mediam viam iniuit; in medio enim orationis id præstat. quem dispositionis ordinem à Demosthene in secunda Olynthiaca seruatum perspicimus, qui & ipse in media oratione, quæ Philippo accommodata uidebantur, similiter infirmit, eaque nulla esse omnino, immo uero plurima contra illum ualere conatur ostendere. Quare ex Aristotele. *πεὶ δὲ ἀντίδικον*, breuisque confutatio quædam hæc particula merito appellanda uidetur. quæ etiam ipsa ad fidem reducenda est; nihilo minus enim ea argumenta, quæ ad refellendum, quàm ea, quæ ad affirmandum, adducuntur, probationes nostræ sententiæ existimanda sunt. id quòd cum Aristotelis in tertio Rhetoricorum præceptum sit, à Quintiliano tamen accusatur. at illud Cicero sæpius confirmauit; nam in Partitionibus ea, quæ

que ad fidem faciendam pertinent, in confirmationem, reprehensionemque diuisit. atque in secundo de Oratore Antonius sic testatur. *Tunc suggerenda sunt firmamenta causse coniuncte & infirmantis contrariis, & tuis confirmandis; nanque una in causis ratio quedam est eius orationis, que ad probandam argumentationem ualet; ea autem & confirmationem, & reprehensionem querit: sed quia neque reprehendi, que contra dicuntur, possunt, nisi tua confirmes, neque hæc confirmari, nisi illa reprehendas, ideo hæc & natura, & utilitate, & tractatione coniuncta sunt.* Verum iam pulcherrimam hanc concionis partem industria nostra, quoad assequi possumus, expoliamus. Est autem ea uniuersa tractata διὰ τὴν πρότασιν, ἀντιπρότασιν, ὑπόθεσιν, καὶ ἐκυπόθεσιν, uel saltem horum aliquot, si modo Hermogenis consuetudinem sequamur. quod si Aristotelis, atque Ciceronis auctoritate stare uoluerimus, partim quidem negando sumptiones ueras esse, partim uero negando id, quod deducebatur, ex iis sequi, partim denique obiectione in contrariam partem afferenda. his enim omnibus modis à summis illis rhetoribus argumentis aduersariorum resistendum esse præcipitur.

ATQVE NEQUE CIRCUMVALLATIONEM, NEQUE CLASSEM EORVM TIME-

RE ÆQVVM EST. *ΑΥΤΙΠΡΟΤΑΣΙΣ*, quæ duabus oppositis difficultatibus obiicitur: quarum priori statim *αὐθυποπορεῖν*, posteriori uero paullo inferiori opponet.

ILLAM ENIM DIFFICILE &c. *αὐθυποπορεῖν* prioris difficultatis. ei autem, neglecta aduersariæ ostensionis probatione, syllogismi tantum contrarii conclusionem infirmanda, resistit; oratores enim eo, quod auditor uulgaris sit, nec subtilis disputationis intelligens, non minus sæpe conclusiones, quam propositiones refellendas suscipiunt: magis enim conclusio in auditorum memoria residet, quæ si confutata fuerit, uniuersam argumentationem solutam esse arbitrantur. Lacedæmonios autem Athenarum ubi circumuallationem inducturos, haud credibile, uerissimileque esse ex loco à comparatione maioris, ostendit. nam, ut ex Aristotele expressit Antonius in secundo de Oratore, *omnium rerum in contrarias partes facultas ex iisdem suppediatur locis*. id autem mirum nemini uideri debeat, siquidem, ut demonstrat etiam Aristoteles, oratorii syllogismi ex probabilibus, uerisimilibusque constant, horum autem multa inter se contraria sunt. Locus autem hic comparationis est ualde oratorius, ut qui nihil, uel parum habeat firmitatis,

tatis; sed probabilitatis plurimum. Comparatio uero tres habet gradus, aut enim cum maiori comparamus, aut cum minori, aut cum pari, unde tres emanant loci, à maiori, à minori, à pari. Meminit horum locorum Cicero in secundo de Oratore, & in Topicis, meminit item Aristoteles in Topicis, & Rhetoricis. diuersi tamen huius inter se fuerunt. Aristoteles uoluit à maiori tantum negando ualere, à minori affirmando, ac maximas has dedit, loci à maiori: si quod magis uidetur esse, non est, nec quod minus; à minori: si quod minus uidetur esse, & quod magis. At Cicero in Topicis has maximas diuersas prodidit, unam à maiori, quod in re maiore ualet, ualeat in minore, alteram à minori, quod ualet in re minore, ualeat in maiore.

Q U O D SI PRÆSIDIO LOCVM ALI-
QVEM MVNIERINT &c. Huic alteri criminationi ea, quæ inde sequi incommoda dicebantur, refellendo contradicit, orationemque etiam permissionis figura exornat; concedit enim ea, quæ ab illis sumebantur fieri posse, ut castellum scilicet muniat, & aliquibus Athenienses incommodis afficiantur, at quæ deinceps addebantur, inde fore, ut mari arcerentur, & quod neque se defendere, neque hostes ulcisci ullo

pacto possent, ea sanè euenturà inficiatúr. quam tamen unam eius urbis obsidendæ rationem fuisse euentus deinceps comprobauit. nam cum Lacedæmonii Deceliam oppidum Alcibiadis exulis impulsu communissent, Athenienses fame, aliisque compluribus incommodis affligerunt. Hæc partim apud Thucydidem ultimo libro, partim uero in primis Xenophontis libris de rebus Græcis scripta reperiuntur.

MARITIMÆ VERO REI VSVS NON FACILE IPSIS ACCEDET &c. Nunc accedit ad confutationem eius rationis, quæ erat de Lacedæmoniorum classe metuenda, ab initio propositæ. quæ in eo nitebatur, quòd si aliquandiu rei maritimæ studuerint, exercitatione, & ipsi eiusdem periti, cito euaderent. hoc enim inter ceteras spes futuræ uictoriæ, & Corinthiorum legati Lacedæmoniis proposuerant hoc eodem libro. Huic igitur Pericles in uniuersum occurrit.

NEQVE ENIM HOC VOS STATIM A REBUS MEDICIS MEDITATI ADHVC PERFECISTIS. *ἀνθυποφῶς* sumpta à comparatione Atheniensium, & Lacedæmoniorum, à maiori uidelicet.

A REBUS MEDICIS MEDITATI. Videlicet

delicet tempore belli Persici Xerxis, à quo usq;
ad id tempus decem, & septem Olympiades ex-
titerant; res autem in hunc modum administra-
ta est. Cum Xerxes rex Persarum Hellesponto
ponte iuncto, Athoque monte perfosso cum ma-
ximo exercitu, & ingenti classe traiecisset in
Græciam, Athenienses Themistoclis consilio
Athenis relictis, translatisque pueris, & mulie-
ribus in Salaminem, rei maritimæ studio se pe-
nitius dederunt; unde & Barbarum profliga-
runt, & Græciam liberarunt, & Græcorum impe-
rium à Lacedæmoniis ad se transtulerunt.

QVOMODO IGITUR HOMINES AGRI-
COLÆ &c. Auget comparationem, Lacedæ-
moniorum imperitiam Atheniensium peritiæ
oppōnendo; atque ut uehementior etiam tota
argumentatio appareat, interrogatione eandem
exornat. omnibus locis si quis uoluerit
AGRICOLÆ, ET NON MARITIMI. Con-
trarioꝝ plenam effecit orationem, ualent
enim ad orationem uehementem, incitatamq;
reddendam. Maritimos autem dumtaxat ho-
mines ad rem naualem in primis idoneos esse
confirmarūt etiam Cōrcyræi legati apud Athe-
nenses hac eadem Thūcydidis historia.

ETENIM ADVERSVS PAUCAS NAVES
P 2 IN

IN STATIONE MANENTES ETIAM PERT-
CVLVN ADIERINT, &c. Quemadmodum
fecit Cnemus ipsorum dux, qui, ut in secun-
do harum historiarum libro scriptum est, mul-
titudine navium fretus ausus est Atheniensem
classem proelio laceffere, à qua tamen supera-
tus est.

RES AVTEM MARITIMA ARTIS EST,
SI QVA ETIAM ALIA, NEQVE LICET;
CVM CASVS TVLERIT &c. Hoc cum opti-
me nouerint sapientissimi nostræ reipublicæ Se-
natores superioribus etiam his annis, quibus
respublica summo ocio, ac optatissima pace usa
est, nihilo minus classem continēter habuerunt;
ut & duces, & nautæ, atque remiges exercerentur,
ne postea tunc, cum casus tulisset, obiter
id meditari cogerentur. quin etiam à maioribus
nostris hac de causa id, quod à diuino uiro Car-
dinali Contareno adeo celebratur, institutum
fuit, ut in unaquaque armata triremi stipen-
dium duobus adolescentibus patricii ordinis
præberetur: qua lege diuine sanè iuuentutis
exercitationi consultum uidetur in ea arte, ex
qua scilicet & imperium, & gloria tanta à nostris
maioribus nobis parta est.

ET SI PECVNIA &c. Ad ultimam dubi-
tationem

tationem pluribus afferendis obiectionibus respondet. Obiectiones uero, ut docet Aristoteles Rhetoricorum, atque Priorum Analyticorum libris secundis, quadrifariam afferuntur, aut à se, aut à simili, aut à contrario, aut à iudicatis. De iisdem etiam illud præcipit in Rhetoricis, quòd quoties aduersaria enthymemata ex uerisimilibus ducta fuerint, dupliciter obiectione afferenda; licet illa dissoluere; alia enim adumbrata, & non perpetuo uera dissolutio est, quoties quis non obiicit, uerisimile non esse, sed tantum necessarium non esse; altera uero, quæ proprie, atque diserte argumentum soluit, quando quis non modo necessarium non esse, uerum etiam uerisimile non esse ostendit. Periculis obiectiones non modo necessitatem, sed etiam uerisimilitudinem aduersariæ argumentationis tollunt, sumunturque omnes ab ipsare.

ET SI PECUNIAS, QUÆ OLYMPIÆ, AVT DELPHIS SVNT, AVFERENTES, MAIORE, QVAM NOS STIPENDIO &C. Hoc est, quod Corinthii in adhortatione ad præsens bellum apud Lacedæmonios hoc eodem libro afferebant. Classem autem, quæ illi præstant, supplebimus, tum priuatis facultatibus pro rata parte, tum ex pecunia, quæ in Delphis est, atque Olympiæ. mutuati nanque pecuniam possumus peregrinos
illorum

illorum nautas maiori mercede conducere: quo etiam in loco qua ratione peregrini essent Atheniensium nautæ, exponit. mercenariæ enim, inquit, magis, quàm uernaculæ sunt Atheniensium copia.

SI NOS ÆQVALES NON ESSEMUS &c. Prima obiectio, qua æqualem Atheniensium potentiam, ac parem pecuniarum in comparandis nautis copiam facultati Lacedæmoniorum, de pecunia Delphis, Olympiæque deposita auferenda opponit.

ET HOC ADEST: Quod scilicet nos, qui eis æquales sumus, aduersarios habent.

ET (QVOD OPTIMVM) GVBERNATO-
RES CIVES HABEMVS, ET REMIGES
PLVRES &c. Altera obiectio sumpta ab eo,
quod in ea ipsa re superiores Athenienses essent.
quanta autem nauticorum hominum Athenis
copia fuerit licet uel in primis ex eo colligere,
quod horum hominum, ut & Plutarchus in So-
lone, & Hærodotus è memoriæ prodiderūt, ter-
tia pars ciuitatis erat; Cranaus enim in monta-
nos, càmpestres, & maritimos populum Atti-
cum diuifit; quæ quidem sæpius tristis discor-
diarum, & seditionum intestinarum fuit mate-
ria. Itaque etiam Themistocles, cui omne rei
maritimæ decus Athenis prudentum omnium
consen-

consensione debetur, inquilinos, & artifices omnes immunitate donauit, ut nautica turba spe præmiorum undique confluyente res naualis uberior, ac firmitior redderetur. Pericles autem, gloriæ Themistoclis æmulus, illud præterea aliquot post annis, quod narrat Plutarchus, adiecit, ut qui naues conscendissent, per octo mensium spatium stipendium ferrent, & quidem, ut Thucydides historiæ octauæ mandauit, ternorum in dies singulos obolorum.

ATQVE IN PERICVLO NEMO PEREGRINORVM &c. Postrema obiectio, quæ aliarum dubitationi directe, atque in uniuersum se opponit, nec uerisimilem eam ullo pacto esse ostendit.

AC RES QUIDEM PELOPONNESIORVM TALES, AC SIMILES MIHI VIDENTVR ESSE. *μερικὸς ἐπίλογος ad attentionem, docilitatemque accommodatissimus.*

Τὰ δὲ ἡμέτερα τέτωντε, ὥν περ παρ' ἐκείνοις ἐμμελῆναι, ἀπόλλακται, ἢ ἄλλα ἐκ αὐτῶν τοῦ ἴσου μεγάλα ἔχει. ἢ τ' ἐπὶ τὴν χώραν ἡμῶν περὶ ἰώσιν, ἡμεῖς ἐπὶ τὴν ἐκείνων πλευσούμεθα, ἢ οὐκίτι ἐκ τῶν ὁμοίων ἔσται, πελοποννήσου τε μέρος τι τιμωρῆναι, ἢ τὸν Ἀττικὴν ἅπασαν. οἱ μὲν γὰρ οὐκ ἔσονται ἄλλην ἀντιλαβεῖν ἡμαχέει, ἡμῖν δὲ ἐστὶ γὰρ πολλὰ ἢ ἰγνύσεις, ἢ κατ' ὑπερβολήν, μίγα γὰρ τὸ τῆς θαλάσσης κράτος. σκέψασθε δὲ, εἰ γὰρ ἡμῖν νοσιῶται, τίνας αἰ ἀληπτότεροι οὖσαν;

Nostra

NOSTRA uero tum ab iis, quæ apud illos accusantur, libera sunt, tum uero alia magna non ex æquo habent. Et si nostrum in agrum terra processerint, nos in illorum nauigabimus; neque amplius ex æquo erit, Peloponnesi partem uastari, ac totam Atticam; illi enim alium parare sine pugna non poterunt, nobis uero ager multus adest Et in insulis, Et in continenti, magnum enim est maris imperium. Attendite uero, si enim insulani essemus, qui nam ad capiendum minus faciles essent?

NOSTRÆ VERO &c. Nunc transit ad uires Atheniensium considerandas. quæ nam autem oratori de iis, quibus consilium dat, uidenda sint, reperiuntur apud Aristotelem libro secundo Rhetoricorum. Quomodo suadere Atheniensibus possemus, ut bellum susciperent, aut secus, nisi teneremus, quæ copię illorum essent, utrum nauales, an pedestres, an utrunque, Et ipse quantæ, Et uestigalia quæ, aut amici, aut inimici, præterea uero quàm multa bella gessissent, Et quo pacto, Et alia eiusmodi. Ex his autem ferè Pericles Athenienses meliori conditione futuros demon-

demonstrat. quæ omnia ad belli facilitatē ostendendam spectant. ad hanc autem illustrandam, atque augendam comparationem eorum, quæ ad hoc bellum conficiendum Atheniensibus, Lacedæmoniisque aderant, adhibuit. *est enim comparationis, magnitudinisque ratio, quemadmodum iudicat Aristoteles, omnium orationum communis, quia amplificatione, & imminutione omnes utuntur, & qui suadent, aut dissuadent, & qui laudant, aut vituperant, & qui accusant, aut defendunt.* Est autem pulcherrimus comparationis locus apud Demosthenem ad epistolam Philippi. immo uero ex hoc loco ea omnis ferè oratio ducta uidetur. diligentissime uero etiam Archidamus ad hoc bellum dissuadendum multo plura, melioraque Atheniensibus affutura per comparationem demonstrat. atque hæc quidem omnia ferè, quæ per comparationem ostenduntur, ex loco præterea ab adiunctis, siue consequentibus, atque à causis efficientibus, simulque à comparatione uel maioris, uel minoris, uel paris solent hauriri. unde & præsentem tractationem hauritam esse manifeste apparet.

NOSTRÆ VERO TVM ABIIS,
 QVÆ APVD ILLOS ACCVSAVI, LIBERÆ
 SVNT, TVM VERO ALIA MA-

GNA NON EX ÆQVO HABEAMVS. Pen-
 dent hæc à partis superioris conclusione. est au-
 tem hæc transitio, atque propositio, quæ in me-
 dio orationis maximam vim ad attentionem pa-
 randam habere consuevit. Attingit autem in his
 duos firmissimos amplificationis locos ab Ari-
 stotele libro primo de arte dicendi in tractatio-
 ne de maiori, ac minori bono expositos. nam si
*quæ pluribus, maioribusque malis priuata sunt, & quæ
 plura, maioraque in se bona continent, ea etiam maiora
 bona sunt,* res sanè Atheniensium eò quòd & iis
 incommodis, quæ Lacedæmoniis adesse demon-
 strata sunt, carent, & aliis multis præsidiiis, ac
 commoditatibus, quæ nunc à Pericle ostenden-
 tur, suffultæ sunt, longe superiores, melio-
 resq; iis Lacedæmoniorum esse manifestum est.
 hæc autem etiam ex iis; quæ in definitione ma-
 ioris, & eius, quod superat, ab Aristotele tra-
 dita sunt, eodem pacto colliguntur.

ET SI NOSTRVM IN AGRVM TERRA
 PROCESSERINT, NOS &c. Prouidet ratio-
 nem belli gerendi, qua Lacedæmonii, & qua
 Athenienses usuri sunt, atque in eo longe melio-
 ri conditione Athenienses futuros ex compara-
 tione colligit. Nam Lacedæmonii quidem ter-
 ra tantum Atheniensem agrum, Athenienses ue-

ro classe quoque Peloponnesum uastabunt, quæ in re certe multo superiores Athenienses erunt; Lacedæmoniis enim nulla alia terra, unde hostium damna resarciant, supererit: at uero Athenienses multas præterea insulas, atque ciuitates in Thracia, Macedonia, aliisque locis habebunt, unde res necessariae classe ipsis suppeditentur. pulcherrima sanq; atque ex rhetorum omnium præceptis, suæ, hostiumque uirium, atque belli futuri generis consideratio.

NOBIS VERO AGER MULTVS ADEST ET IN INSVLIS, ET IN CONTINENTI. Hæc confirmat Archidamus apud Lacedæmonios, indeque rationes, uel in primis ad bellum dissuadendum petit his uerbis. *Confidat fortasse aliquis, quod & armis eos, & hominum multitudine antecellimus, adeo ut terram eorum peragrantes uastare possimus: atqui illis alia multa terra superest, atque ea, quibus indigebunt, mari importabunt.*

MAGNUM EST ENIM MARIS IMPERIVM. Thucydides in præfatione harum historiarum cum de Græcis, quæcunque floruerunt, ciuitatibus differeret; earum potentiae præcipuam causam maritimæ rei studium fuisse demonstrat, ita ut quæcunque in illud incubuerint ferè omnes diuitiis, imperioq; præstiterint.

Q 2 Athe-

Athenienses uero necessitate in primis coactos ad eam artem se applicuisse scribit. cum enim sterilis Attica esset, dum facile reliquæ partes incolarum migrationem paterentur, eam iidem paratam diu homines incoluerunt. quare cum hominum numero supra modum creuisset, nauigatione sibi uictum comparare coacta est. atque eo pacto huius peritia inter ceteros sibi, & imperium, atque gloriam deinceps tantam pepererunt. Hacque etiam de causa Neptuni præcipue numen coluerunt. nam, ut narrat Apollodorus in iis libris, quos de Deorum origine scripsit, cum Diis placuisset, urbes eas, in quibus priuatos quisque habituri essent honores, occupare, Neptunus se in Actam contulit, percussoque tridente mare inde produxisse fertur. Quare quemadmodum in reipublicæ administratione, ita etiam in eius artis studio, & exercitatione simillima eius respublica nostra uidetur esse. Iis autem temporibus quanta esset mari Atheniensium potentia explicat Pericles in altera secundi libri concione, ubi sic loquitur. *Vos Athenienses, uestris modo sociis imperare arbitramini: ego uero illud defendo, cum duo sint omnino, quæ perspicuum habeant usum, mare scilicet, & terra: alteri uos uniuerso dominari,*

ri, non modo quoad tenetis nunc, uerum etiam quoad progredi uoletis: tanta enim nauium facultate nauigantes, uos non rex, non ulla alia natio est, que impedire hoc tempore possit. Sed de commoditatibus, ac fructibus, quos ex imperio maris Athenienses ferebant, plurima sunt in libro de ipsorum republica à Xenophonte conscripta.

ATTENDITE VERO, SI ENIM INSULANI &c. Eadem ferè & Xenophon de eisdem his uerbis. Sed unum Atheniensibus deest. nam si insulam habitantes mare tenerent Athenienses, liceret eis damnum inferre, si uellent, neque tamen pati, quandiu maris imperium obtinerent, ut neque ipsorum fines uasarentur, neque hostes admitterent. Mirabile autem est quantum fiducia hæc singulis ferè in uerbis particula contineat; prudentiamque, atque beneuolentiam præferat.



Καὶ νῦν χρὸς ὅτι ἰγγύτατα τότε διανοομένης, τὴν μὲν γὰρ, καὶ οἰκίας ἀφείναι, τῆς δὲ θαλάσσης, καὶ πόλεως φυλάκην ἔχειν, καὶ πελοποννησίους ὑπὲρ αὐτῶν ὀργισθέντας πολλῶν πλείους μὴ διαμάχεσθαι, κρατήσαντες τε γὰρ, αὐτοὺς ἐκ ἑλассοσι μαχεῖσθαι, καὶ ἢ σφαλέμεν, τὰ τῶν ἐνυμμάχων, ὅθεν ἰσχυρομιν, προσεπόλλυται, ὃ γὰρ ἰσχυροσσι μὴ ἱκανῶν ἡμῶν ὄντων ἐπ' αὐτοὺς στρατεύειν, τὴν τε ὀλοφύρσιν μὴ οἰκίαν, καὶ γὰρ ποιεῖσθαι, ἀλλὰ τῶν σωμάτων: ὃ γὰρ τὰδὲ τῶς ἀνδρας, ἀλλ' οἱ ἄνδρες ταῦτα κτῶνται. καὶ εἰ ὦρην πείσῃν ὁμῶς αὐτοὺς ἢ ἐξελθόντας. ἐκίλευον αὐτὰ διαδοῖν, καὶ δεῖξαι

πλοιοποι-

πελοποννησίοις, ὅτι τῶν γε ἑνὶκα ἐκ ὑπακείσεθι, πολλὰ
 δὲ καὶ ἄλλα ἔχω ἐς ἱλπίδα τῶ περιείσεθαι, ἢ ἐθέλητε, ἀρ-
 χὸν τε μὴ ἐπικτᾶσθαι, ἅμα πολὺ μὲν τις, καὶ κινδύνος αὐταὶ
 εἶναι μὴ προσίθεσθαι, μᾶλλον γὰρ πεφύβηται τὰς οἰκείας ἡμῶν
 ἀμαρτίας, ἢ τὰς τῶν ἐναντίων διανοίας, ἀλλ' ἐκεῖνα μὲν καὶ
 ἐν ἄλλῳ λόγῳ ἅμα τοῖς ἔργοις συλαθῆσεται. νῦν δὲ τούτοις
 ἀποκρινάμενοι, ἀποπείψωμεν. μεγαρίας μὲν ὅτι ἰάσομεν ἀγορᾶ,
 καὶ λήμεισι χρῆσθαι, ἢ καὶ λακεδαιμόνιοι ξυλασίας μὴ ποιῶσι,
 μῆτε ἡμῶν, μῆτε τῶν ἡμετέρων ξυμμάχων, ἔτε γὰρ ἐκεῖνο κω-
 λυεῖ ἐν ταῖς σπονδαῖς, ἔτε τὸδε. τὰς δὲ πόλεις ὅτι αὐτο-
 νους ἀφῆκομεν, εἰ καὶ αὐτονομὸς ἔχοντες ἐσπείσαμεθα, καὶ
 ὅταν κακείνοι ταῖς ἑαυτῶν ἀποδῶσι πόλεσι, μὴ σφίσι τοῖς λα-
 κεδαιμόνιοις ἐπιτιθεῖας αὐτονομεῖσθαι, ἀλλὰ αὐτοῖς ἰκέτοις,
 ὡς βέβηλονται. δίκας δὲ ὅτι ἐθέλομεν δεῖναι κατὰ τὰς ξυθήκας,
 πολέμῳ δὲ οὐκ ὄρεομεν, ἀρχομένους δὲ ἀμυνόμεθα. ταῦτα
 γὰρ δίκαια, καὶ πρέποντα ἅμα τῷδε τῇ πόλει ἀποκρίνασθαι.

ET nunc oportet his simillima cogitantes,
 terram quidem, ac domos relinquere, ma-
 ris autem, & civitatis custodiam habere;
 nec cum Peloponnesiis his de rebus iratos
 multo pluribus decertare; etenim si uiceri-
 mus, rursus cum haud inferioribus pugna-
 bimus, & si bello offenderimus, socj, unde
 ualemus, interibunt; neque enim quiescent,
 cum nos haud satis ualidi simus ad exerci-
 tum contra eos adducendum; & lamenta-
 tionem non adificiorum, & agri suscipere,
 sed

sed corporum; neque enim hac viros; sed uiri
hac possident. Et si putassem me uobis persua-
surum, iussissem, ut uos ipsi egressi hac uasta-
retis, Et Peloponnesiis ostenderetis, uos ho-
rum causa non esse obedituros. Multa etiam
alia habeo in spem paranda uictoria, si uolue-
ritis Et imperium non acquirere simul bellan-
do, Et pericula ultro non adire. plus enim
horreo domestica nostra errata, quam aduer-
sariorum consilia. sed illa in alia oratione si-
mul cum factis iudicabuntur. Nunc uero il-
los dato hoc responso dimittamus; nos Mega-
renses foro, Et portibus uti permissuros, si
Et Lacedaemonij peregrinorum exactiones non
faciant neque nostri, neque sociorum nostro-
rum, neque enim illud impedimento est in fœ-
deribus, neque hoc; ciuitates autem nos libe-
ras dimissuros, si Et liberas habentes fœdus
iecimus, Et quando illi etiam suis ciuitati-
bus reddiderint, non ut liberae sint pro La-
cedaemoniorum arbitrato, sed ut singuli eo-
rum uelint. Et nos uoluisse iudicium dare
ex

ex fœderibus , neque bellum incepturos , incipientes autem ulturos . hac enim iusta , & conuenientia sunt huic ciuitati , quæ respondeantur .

ET NUNC OPORTET &c. Posteaquam rationes, quæ ad sententiam suam de non ceden-
do Peloponnesiis confirmandam ualebant, exposuit, atque iis bellum honestum, necessarium, facileque fore demonstraui; nunc suum modo de ratione belli gerendi consiliũ aperit, simulq; ea, quæ Peloponnesiorum postulatis respondenda sint, explicat. Ac de bello quidem tria Athenienses consulit; ut terram, agrosque negligant; ut maris, ciuitatisque custodiam habeant; & ne cum Lacedæmoniis terrestre prælium committant. cum uero ad ea, quæ legatis respondenda sunt, uenit, ea singula breuiter, elegantissimeque confirmat. Et hæc quidem omnia uicem quodammodo perorationis, qua ferè carent conciones, uidentur habere. nam & reliquos etiam oratores plerunque uidemus, ubi rationes, argumentaque satis idonea ad suam causam attulerunt, tunc demum sententiam suam de uniuerſa re proposita inferre, ueluti

luti Demosthenes , præsertimque in oratione *περί τῶν συμμοριῶν*, item Cæsar, & Cato apud Salustium de coniuratione Catilinæ , nec non & Philippus in eiusdem libris historiarum, ut alios omittam plurimos & oratores , & historicos , præsertimque Thucydidem .

TERRAM QUIDEM, AC DOMOS RELINQVERE. Rura enim , atque uicos colebant plerique Atheniensium , domicilia , penates, templaque ibi habentes, id quod ex Græcarum personarum sermonibus apud comicos eruitur, ac Thucydidis testimonio comprobatur , qui ab initio libri secundi sub Cecrope, atque priscis illis regibus usque ad Thesea oppidatim Atticam habitatam, atque idem institutum à plerisq; suis etiam temporibus seruatum fuisse commemorat.

MARIS AVTEM, ET CIVITATIS CVSTODIAM HABERE. In quibus cum obedi- rint, etiamsi id moleste, & magnâ Periclis inuidia, ut est in secundo harum historiarum libro, Peloponnesios quidem magnis incômodis continuo affligerunt, & se contra Lacedæmonios acriter defenderunt.

NEC CVM PELOPONNESIIS MVLTU PLVRIBVS DECERTARE. Lacedæmonios si

R terrestrem

terrestrem spectemus militiam, & militum numero, & peritia Atheniensibus præstitisse, ex multis Thucydidis locis licet perspicere. itaque hoc inter cetera præcipue assumebant Corinthii ad bellum suadendum. Plutarchus in Pericle sexaginta millia Peloponnesiorum Atticam primo inuasisse scriptum reliquit.

ETENIM SI VICERIMVS &c. Probatio primi consilii sumpta à loco consequentis contrariorum, de quo Aristoteles exemplum huic ualde simile tradidit in Rhetoricis. *Sacerdos quædam filium cum populo agere non sinebat, quia si iusta dixisset, in hominum offensionem incursum, si iniusta, in Deorum, dicebat.* ita Athenienses pugnantes cum Lacedæmoniis, si uicti fuissent, res sociorum perituras, si uicissent, nihilo minus cum aliis non paucioribus pugnatueros.

SOCII, VNDE VALEMVS, INTERIBVNT. De Atheniensium sociis, ac quomodo eos tributa sibi pendere coegissent, narrat Thucydes in præfatione harum historiarum; secundi uero libri initio sexaginta ea talenta quotannis fuisse etiam adiicit; sed de his uidendus est Xenophon, qui inter cetera, quæ ad eorum rempublicam pertinerent, hoc præsertim considerat.

ET LAMENTATIONEM NON AEDIFICIORVM, ET AGRI SVSCIPERE, SED &c. Pendunt hæc à superiori illo uerbo, *oportet*. Referuntur autem ad consilium de negligendis domibus, & agris confirmandum. in quo etiam, eo quod res aspera, duraque esse uidebatur, diutius oratione uersatur, eamque sententiis, moribus, & affectibus ornatiorem, uehementioremque mirabiliter reddit.

NEQVE ENIM HÆC VIROS, SED VIRI HÆC POSSIDENT. Grauißima, ac magnanimitatis plena sententia, cui simile fuit dictum illud Themistoclis; qui cum ex procis filiæ uirum probum diuiti prætulisset, quibusdam hoc admirantibus, *malo*, inquit, *uirum absque pecunia, quàm pecuniam absque uiro*. Nam quemadmodum ex Platonis Eryxia refert Stobæus *χρηματα* eo quod *χρησιμα* sint, dicta sunt, adeo ut quibus usui, utilitatique non sunt, neque eorum esse existimanda sint. itaque Bion huiusmodi homines nummulariis comparabat, qui egent iis pecuniis, quas habent, ita ut eis habere, & non habere simile sit.

ET SI PVTASSEM &c. His uerbis fidelem, probum, magnanimum, reique publicæ amantissimum ciuem se mirifice ostendit, populum

autem suimet exemplo ad pudorem, ad æmulationem, ad gloriamque impellit. nedum igitur affecta, sed & moratissima hæc oratio est, cum præsertim & sui, & populi Atheniensis præterea diligentissime ratio habeatur.

VT VOS IPSI EGRESSI HÆC VASTARETIS. Quemadmodum fecerant eorum patres in aduentu Xerxis, qui Themistoclis consilio Atheniensi agro vastato pueros quidem, & mulieres in Salaminem insulam transportarunt, ipsi uero naues conscenderunt.

ET PELOPONNESIIS OSTENDERETIS, VOS HORVM CAVSSA NON ESSE OBEDITVROS. Archidamus Atheniensium agros, dum incolumes essent, à Lacedæmoniis obsidum loco habendos censebat. Pericles uerò in altera secundi libri concione indignum Atheniensi populo esse iudicat illorum causa à bello deterreri, eosque publicæ utilitati, dignitatiq; præferre. quin etiam cum Lacedæmoniorum exercitus Atticam ingressus aliorum agris vastatis, ipsius tamen parcere uideretur, eo consilio, ut suspectus, inuidiosusque Pericles populo redderetur, de hoc ubi se ipsum in concione excusauit, illos se in publicum referre, promptum fuisse denunciauit; cuius simile factum de Fabio

bio Maximo legitur etiam in Romanis historiis.

MVLTÀ ETIAM &c. Fiduciæ, pudoris, prudentiæque plena oratio, affecta igitur, atque morata.

IMPERIVM NON ACQVIRERE SIMVL BELLANDO. Hac eadem de re accusantur etiã à Nicia libro sexto harum historiarum, cui cum non paruissent, sed Siciliae imperium affectassent, rempublicam penitus perdiderunt.

PLVS ENIM HORREO &c. Sic etiam sæpe Demosthenes apud eosdem Athenienses, se enim magis Atheniensium errores, quàm Philippi potentiam timere profitetur. quare in tertia Olynthiaca sic loquitur. *Quòd si relictis moribus istis militare uoletis &c.*

SED ILLA IN ALIA ORATIONE SIMVL CVM FACTIS INDICABANTVR. Demosthenes *περὶ τῶν συμμοριῶν. etiamsi nunc aliquid in oratione prætermisimus, id ipsa sibi res inueniet.*

NOS MEGARENSES FORO, ET PORTVBVS VTI PERMISSVROS, SI &c. Historia superius exposita est. ratio uero, qua responsi honestas elegantissime demonstratur, à quo loco accepta fuerit, aperiāmus. is autem, si Aristotelis auctoritatem sequamur, proportio, sin
autem

autem suimet exemplo ad pudorem, ad æmulationem, ad gloriamque impellit. nedum igitur affecta, sed & moratissima hæc oratio est, cum præsertim & sui, & populi Atheniensis præterea diligentissime ratio habeatur.

VT VOS IPSI EGRESSI HÆC VASTARETIS. Quemadmodum fecerant eorum patres in aduentu Xerxis, qui Themistoclis consilio Atheniensi agro vastato pueros quidem, & mulieres in Salaminem insulam transportarunt, ipsi uero naues conscenderunt.

ET PELOPONNESIIS OSTENDERETIS, VOS HORVM CAVSSA NON ESSE OBEDITVROS. Archidamus Atheniensium agros, dum incolumes essent, à Lacedæmoniis obsidum loco habendos censebat. Pericles uero in altera secundi libri concione indignum Atheniensi populo esse iudicat illorum causa à bello deterreri, eosque publicæ utilitati, dignitatique præferre. quin etiam cum Lacedæmoniorum exercitus Atticam ingressus aliorum agris vastatis, ipsius tamen parcere uideretur, eo consilio, ut suspectus, inuidiosusque Pericles populo redderetur, de hoc ubi se ipsum in concione excusauit, illos se in publicum referre, promptum fuisse denunciauit; cuius simile factum de Fabio

bio Maximo legitur etiam in Romanis historiis.

MVLTAE ETIAM &c. Fiduciae, pudoris, prudentiaeque plena oratio, affecta igitur, atque morata.

IMPERIVM NON ACQVIRERE SIMVL BELLANDO. Hac eadem de re accusantur etiam à Nicia libro sexto harum historiarum, cui cum non paruissent, sed Siciliae imperium affectassent, rempublicam penitus perdidērunt.

PLVS ENIM HORREO &c. Sic etiam saepe Demosthenes apud eosdem Athenienses, se enim magis Atheniensium errores, quam Philippi potentiam timere profitetur. quare in tertia Olynthiaca sic loquitur. *Quòd si relictis moribus istis militare uoletis &c.*

SED ILLA IN ALIA ORATIONE SIMVL CVM FACTIS INDICABANTVR. Demosthenes *περί τῶν συμμοριῶν. etiamsi nunc aliquid in oratione praetermisimus, id ipsa sibi res inueniet.*

NOS MEGARENSES FORO, ET PORTVBVS VTI PERMISSVROS, SI &c. Historia superius exposita est. ratio uero, qua responsi honestas elegantissime demonstratur, à quo loco accepta fuerit, aperiāmus. is autem, si Aristotelis auctoritatem sequamur, proportio, *finem*

autem Ciceronis, similitudo uidetur esse. neque
utrumuis approbemus, multum tamen interest;
si modo illud à nobis intelligatur, tres esse lo-
cos, qui ualde inter se similes sunt, à propor-
tione, à similitudine, à pari; inter quos nulla alia
est differentia, nisi quod in proportionem confi-
deratur similitudo rationis, & respectus, quem
res una aduersus alteram habet, in similitudine
uero similitudo qualitatis, similia enim sunt ea,
quorum qualitas est una, & eadem, substantia
uero diuersa, at in paritate respicitur similitudo
quantitatis, quæ æqualitas dicitur. quanquam
sæpe hæc inter se à dicendi magistris confusa
sunt. In Periclis argumento magna est certe ra-
tionis similitudo, cum utraque eadem de caus-
sa uel iusta, uel iniusta existimanda pariter esse
uideantur: Verum cum in eadem ratione obie-
ctio, criminatioque à Lacedæmoniis in Athe-
nienſes facta in eisdem retorqueatur, ex loco
præterea, qui ab iis, quæ, ex se dicta sunt ad-
uersus eum, qui dicit, ab Aristotele in Rhetori-
eis appellatur, eadem ducta fuisse uidebitur.

SI ET LACEDÆMONII PEREGRINO-
RVM EXACTIONES NON FACIANT. Ex
Lycurgi instituto uidelicet, de quo Plutarchus
in eius uita, atque in libello de institutis Lac-
dæmonio.

dæmoniorum. Xenophon ubi Lacedæmoniorum instituta explicat, idem confirmat, ubi uero Atheniensium, eos contra maxime hospitales fuisse commemorat.

CIVITATES AVTEM NOS LIBERAS DIMISSVROS, SI &c. Quæ etiam ad huius loci explationem spectant, in legatorum mandati, dum à Pericle accusabatur, expositione, declarauimus. loci uero iidem sunt, quibus & superior argumentatio tractata est.

ET NOS VOLVISSE &c. Hæc afferuntur ad causam Atheniensium honestiorem, Lacedæmoniorumque turpiorem reddendam, est enim omnium fere ante, quàm bellum suscipiatur, consuetum, ut à se in aduersarios belli culpam conferant, itaque & Corinthii in Athenienses, & Athenienses in Corinthios eam in concionibus suis hoc eodem libro coniiciebant. atque Philippus rex ad Aetolos apud Liuium libro trigesimo secundo. *non enim à me, sed ab illis principium belli ortum est.* Demosthenes de Cheronesso. *maxime necessarium est ulcisci, qui nos priores bello laceffunt.*

HÆC ENIM IUSTA, ET CONVENIENTIA SVNT HVIC CIVITATI. Similiter fere claudit orationem suam Archidamus. *Hæc enim opti-*

ma sunt, quæ consulantur, et inimicis formidabilia. eodem pacto Demosthenes περί συμμοριῶν. *Hæc & fieri possunt, Athenienses, & factu honesta sunt, & utilia, & digna, quæ regi de uobis nuncientur.* & Liuius in concione Appii Claudii libro quinto. *Hæc uirtute militum uestrorum, hæc Romano nomine digna sunt.*

Εἰδὶ καὶ δὲ χεῖρ, ὅτι ἀνάγκη πολεμεῖν, ἢν δὲ ἐκείσοι μᾶλλον δεχάμεθα, ὅσον ἐγκεισομένης τὴς ἐναντίας ἔφομεν: ἐκ τῶν μεγίστων κυνδύων ὅτι καὶ πόλει, καὶ ἰδιώτῃ μέγισται τιμαὶ περιγίγνονται. οἱ γὰρ πατίεσθαι ἡμῶν ὑποσάντες μῆδης, καὶ ἐκ ἀπὸ τῶν αὐτῶν ὀρμώμενοι, ἀλλὰ καὶ ὑπάρχοντα ἐκλείποντες, γνῶμη δὲ πλείονι ἢ τύχῃ, καὶ τόλμῃ μέizoni, ἢ συνάμει τόντοι βίβλαρον ἀπώσαντο, καὶ ἐς τὰδε προύγαγον αὐτὰ, ὧν ἡ χεῖρ λείπεσθαι, ἀλλὰ τὴς τι ἐχθρὸς παντὶ τρόπῳ ἀμύνεσθαι, καὶ τοῖς ἐπιγίγνωμένοις πειρᾶσθαι αὐτὰ μὴ ἐλάσσω παραδούνααι.

Scire autem oportet, necessariū esse bellum, quod si sponte magis suscipiemus, minus incumbētes hostes habebimus, & ex maximis periculis quod & ciuitati, & priuato maximi honores adsint. atqui patres nostri Medos sustinentes, neq; à tantis rebus profecti, sed etiam ea, quæ aderāt, relinquentes, animo uero maiore, quàm fortuna, & audacia maiore, quàm potentia, & Barbarum propulsarunt, & ad hæc deduxerūt; in quibus inferiores esse non

*nō oportet, sed inimicos quacunq; ratione ulci
sci, et posteris conari hac nō inferi ora tradere.*

SCIRE AVTEM &c. Quam affecta, morata,
enthymematicaque in primis hæc omnis oratio
sit, ex singulis expositis partibus iā perspicuū est;
ita ut merito ipsam à Diony. Halicarnasseo adeo
celebratam fuisse fatēdum sit. verum hæc omnia
in præsentī particula multo maiora, illustrioraq;
elucēt. quā fidei subiiciendam putavi, cum alia-
rum multarum concionum exēplo adductus, in
quibus nihil aliud in extremo, quam consilii ex-
positio reperitur, tum etiam ratione permotus,
quia in ea rationum repetitio, quæ perorationis
propriū mūnus, ut etiam procemii sententiæ
propositio est, non satis appareat. sed in ea tamē
quin pleraq; eorū, quæ de peroratione à dicendi
magistris præcipiūtur, existant, negari nō potest.

SCIRE AVTEM OPORTET NECESSA-
RIUM ESSE BELLUM. Argumenta, quæ fir-
missima sint, in principio suasionis collocanda,
& quæ excellant ad perorandū seruanda esse præ-
cipit Cic. in secundo de Orat. quo in libro neces-
sitatem ad persuadendū, immo uero ad cogen-
dum auditorem in cōsultatione maxime ualere
etiam docet. quæ utraq; præcepta in hac concio-

ne diligenter adhibita possumus obseruare. nam & in principio, & in fine ab eo, quod est necesse, argumenta hauriuntur.

QVOD SI SPONTE MAGIS SVSCIPIEMVS, MINVS INCVMBENTES HOSTES HABERIMVS. Sumpta hæc est ratio à consequenti, nec est ea omnino dissimilis à superiori, cum dicebatur; quòd si repugnaueritis planum eis facietis, ut ex æquo uobiscum se magis gerant. similis etiam sententia, eaq; similitudine pulcherrima exornata reperitur apud Demosthenem in prima Olynthiaca. *Quis uestrum, Deum immortalem, adeo socors est, qui nesciat bellum inde ad nos uenturum, si neglexerimus? uerum id, si fiet, uereor, ne ad eundem modum, ut qui facile pecuniâ magno sænore sumunt, atq; illa paullisper locupletati, post etiâ patrimonii euertuntur, sic et nobis &c.* id quod transtu lit etiam Philippus apud Sallustium libro primo historiarum. *Et quanto mehercules uidius pacem petieritis, tanto bellum acrius erit.* Cicero quoq; in septima Philippica. *Si pace frui uolumus, bellum gerendum est. si bellum omitemus, pace nunquam fruemur.*

ET EX MAXIMIS PERICVLIS QVOD ET CIVITATI, ET PRIVATO MAXIMI HONORES ADSINT. Honestatis modo, gloriaq; finem proponit, quo nihil optabilius, præsertim in clara ciuitate esse solere tradit Cic. in Oratore.

cuius

cuius autem uel in primis auidum fuisse populū Atheniensem narrat Plutarchus in Præceptis Politicis. quod igitur ad auditorem pertinet, morata hæc oratio censenda est, itemq; etiam quod ad oratorem; nemini enim magis, quam Pericli grauiſſima, magnanimitatisq; ac fortitudinis plenæ huiusmodi ſententiæ conueniunt; quæ quantam uim ad populum ad præclaras res agendas accendendum, ac inflammandum habeant, incredibile dictu eſt: affecta igitur etiam nihilo minus hæc oratio uidetur. Eſt autem hæc celeberrima ſententia, unde illud Epicharmi etiā dictum emanauit. *Laboribus omnia bona à Diis nobis uendi. atque illud Heſiodi. Virtutem poſuere Dei ſudore parandam.*

ATQVI PATRES NOSTRI &c. *Exempla,* inquit Ariſtoteles, *aptiſſima ſunt concioniſus,* quod idem etiam tradidit Quintilianus capite de Suaſione. Cicero in ſecundo de Oratore. *Qui ad dignitatem impellet, maiorum exempla, quæ erunt uel cum periculo glorioſa colliget, poſteritatis immortalẽ memoriã auget.* rurfus Ariſt. primo Rhetoricorum. *De bello conſulenti neceſſe eſt domeſtica bella notaſſe, quem euentum habuerint, quia natura comparatum eſt, ut ſimilia ex ſimilibus oriantur,* uel ut Salluſtius, *quia quæ ſemel acciderunt, rurfus poſſunt accidere.* Optime igitur Pericles, qui ad populum Athenienſem ad gloriã, decuſq;

incitandum domestica bella commemorans ipsorum patrum exemplis utitur. atque ea etiam quo maiorem uim habeant comparatione maiorum imbecillitatis cum presentium opibus exornat. contrariorumq; præterea plenam efficiens orationem, iisdem robur, uehementiamq; addit.

MEDOS SVSTINERVNT. &c. Videlicet ad Salaminem, cuius historiam exposuimus, eius uero plenæ omnes sunt Græcorum oratorum orationes, unde etiam, ut Cicero quoque de Officiis, *rhætorum campus extitit.*


IN QVIBVS INFERIORES &c. Comparatio ad permouendos, incitandosq; animos maxime apposita, eaq; ideo sæpius ab oratoribus usurpata. Demosthènes in extrema tertia Olynthiaca. *neque cedere debetis statione uirtutis, Athenienses, quam uobis maiores magnis periculis partem reliquerunt.*

Idem etiam Pericles libro secundo *nec uero committamus, ut utraque in re inferiores, quam patres nostri fuerunt, deprehendamus.*



141
A N T O N I I Z E N I
IN M. LEPIDI CONCIONEM

P R A E F A T I O.



VNO uero tempus est, ut *De Sallustio.*
idem artificium, sic enim
suscepimus, à Sallustio in
Lepidi cōcione adhibitum
ostendamus. Ceterum de
Sallustio, qui Thucydidis
æmulus, imitatorque stu-
diosissimus fuit, eadem prope quæ de Thucy-
dide dici possunt. ut omnium consensu pri-
mas inter historicos Latinos obtinuisset, sic mul-
torum male dictis, ac reprehensionibus lacerat-
um esse. quibus & uerba, & sententiæ, & ni-
mium in concionibus scribendis studium eius
notatum est. Eorum autem, quæ ipse scripsit,
quantum accepimus hæc tria genera sunt, Con-
iuratio Catilinæ, Bellum Iugurthinum, atq; Hi-
storiæ. reliqua duo habemus integra, Historias
amissimus, quatuor tantum concionibus exceptis,
ac duabus epistolis. hoc autem nomine orna-
tum fuisse illum librum, testes sunt Grammatici
veteres, Donatus, Priscianus, Marcellus, Gellius,
qui quoties sententiam suam confirmant exem-
plis

plis ex hoc libro depromptis, Sallustium testem primo, aut secundo libro Historiarum, adhibet, quod idem facit etiam Augustinus in libro de Ciuitate Dei. in hoc autem libro inscribendo Thucydidem uidetur, ut & in plerisque aliis esse imitatus; ille enim etiam librum suum appellauit τὴν συγγραφὴν: est autem συγγραφὴ, ut eo loco tradit interpres, accuratior quædam, ac diligentior scriptio: aut certe Latinum aliquem est sequutus, ut Calium Antipatrum, qui suum librum pari ratione Historias nominauit, quod ex ueteribus Grammaticis eadem ratione perspicitur. Quot autem libri earum Historiarum fuerint, haud satis exploratum est. Nonius Marcellus etiam noni libri mentionem facit. His autem historiis uidetur esse complexus occupatam à Sylla Rempublicam, Catuli, & Lepidi seditionem, Bellum Sertorii, Bellum Mithridaticum; ceteraq; quæ illis temporibus domi, forisq; memorabilia gesta sunt. ac belli quidem Sertoriani locupletissimi testes esse possunt Macrobius, & Gellius, & Marcellus, apud quos uerba etiam quædam Sallustii ad illam historiam pertinentia conseruata sunt. Gellius etiam ex quarto libro uerba ascribit, in quibus agitur de Cn. Lentulo, qui legem promulgauit de pecunia, quam Sylla bonorum

bonorum emptoribus remiserat, exigēda. quod paucis post Syllæ mortem annis est factum. Cetera cum exempla Grammaticorum comprobant, tum maxime conciones, & epistolæ eæ, quæ solæ ex totius historiæ iactura uix seruatae sunt. sunt autem mancae multis in locis, ac deprauatae. Cum autem hanc Lepidi concionem explicaturi simus, placet, ut supra de Pericle diximus, sic nunc de Lepido disputare.

Hic ergo M. Lepidus eius M. Lepidi pater est, *De Lepido.* qui Triumuir fuit reipublicæ constituendæ; cui sententiæ ueteres Consulium Fasti assentiuntur, qui Triumvirum appellant M. F. Q. N. hunc autem Q. F. Hunc ferocissimi fuisse ingenii tradunt historiæ, atque Syllæ inimicum etiam acerrimum. Ad Consulatum autem peruenit Pompeio Magno adiutore, inuito Sylla Dictatore, ut est apud Plutarchum in Pompeio. Consul cum esset mortuo Sylla resistere cœpit, ne Syllæ exequiæ celebrarentur, eiusque acta rescindi, & proscriptis bona restitui uoluit. qua de causâ bellum excitatum est, cuius ab una parte ipse dux fuit, ab altera Q. Lutatius Catulus. uictus tandem anno sequenti, & in Sardiniam pulsus ibi interiit, ut alii scribunt, morbo, ut alii, ex adulterio uxoris nunciato, Plutarchus in Pompeio.

peio. Hic primus omnium, ut ait Plinius libro trigesimo sexto, Consul limina ex Numidico marmore in domo posuit magna reprehensione. Ab eodem etiam Consule lex sumptuaria lata est ea, quæ Aemilia dicitur. Macrobius libro tertio, Gellius libro secundo capite uigesimo quarto. hæc quidem ceteri. Sallustius autem sentire uidetur non solum post Syllæ mortem, sed etiam eo uiuente, ac Dictaturam tenente in eum inuectum esse. hæc enim oratio ab eo Consule dicta est in eum uiuentem, & Dictaturam, quam ipse appellat tyrannidem, exercentem. ex quo apparet Sallustium dissensisse ab iis, qui scripserunt Syllam anno superiore Seruilio, & Claudio Consulibus Dictaturam deposuisse. hi sunt Appianus, Orosius, auctor ille, qui uitas uirorum illustrium scripsit, atque horum omnium grauissimus auctor Plutarchus.

*De iis, quæ ad
rem pertinent.*

Ad hanc autem orationem habendam eiusmodi ei occasio data est. Cum Sylla reuersus à bello Mithridatico uictor republica recuperata inimicorum bona proscripsisset, & eadem ingentem fecisset, ac populum Romanum seruitute acerbissima oppressisset. Tribunitia potestate sublata, agrisque plebi ipsi ademptis, neque hæc mala quem finem habitura essent

sent apparet, consternata plebe, & scelere Sylla grauius etiam seruitium metuente, cum inquam, in hoc statu respublica esset, M. Lepidus uetus Syllae inimicus Consul factus, siue nouarum rerum studio, siue libertatis amore populum contra Syllam concitare conatus est, & ad bellum eidem inferendum hortari. Itaque uocato ad concionem populo hanc in urbe ad populum concionem dixit, in qua illum ad arma contra Syllam tyrannidem exercentem capienda inflammauit. Atque ex his quidem & orationis propositus finis, belli nempe suasio, & argumentorum loci, qui ex belli, populi Romani, Syllaeque praecipue consideratione hauriuntur, itemque genus causae, quod & ipsum deliberationis est, perspicua fiunt. Status autem causae ex rationibus in oratione positis, negotialis, coniecturalisque esse colligitur. Negotialis, dum utile, honestum, necessariumque bellum esse ostendet; coniecturalis, cum ab infirmitate Syllae belli facilitatem demonstrabit.

Auditorem autem populum Romanum fuisse ex eodem concionis nomine apparet, de quo dicere, cum de eo omnes loquantur historiae, superuacaneum uidetur. eius uero status is tunc erat, ut si in superiora tempora re-

De Auditore.

T

spicia-

spiciamus Democratiā penitus, populique tyrannidem appellemus; si in præsens sub Sylla seruitium, unius omnino tyrannidem dicamus; tunc certe duabus, iisque pessimis respublica Romana partibus constituta erat, optimatibus, quibus Sylla præerat, & plebe, quam Lepidus tuebatur, quarum utraque ad tyrannidem inclinabat. Itaque Lepidus cum ad plebem diceret, egregie popularis naturæ, & eius temporis conditionis rationem habuit, licet & sententiarum, & orationis gravitate, atque diligentissimo, accuratoque dicendi genere ad Thucydidis imitationem, ut pleraque alia, iisdem, quibus & ille, rationibus utatur. Quod si queritis quæ Ciceronis oratio sit huic maxime similis, dicam quam tam esse Philippicam ad populum habitam; Demosthenis uero concionem illam, quam dixit ad epistolam Philippi, de qua sic ait Vlpianus. *videtur autem magis similis adhortationi cuidam in castris dictæ, quam concioni.* itemque reliquis ferè omnibus, in quibus de Philippi tyrannide, populique Atheniensis ignavia conqueritur. ex quibus etiam plures sententiās à Sallustio exceptas fuisse manifeste apparet.

CONCIO

M. AEMILII LEPIDI CONSVLIS
ex libro primo historiarum Sallustij

PROOEMIUM.



LEMENTIA, & probitas uestra,
Quirites, quibus per ceteras gen-
tes maximi, & clari estis, plu-
rimum timoris mihi faciunt ad-
uersus tyrannidem L. Syllæ; ne, quæ ipsi ne-
fanda non aestimatis, ea parum credendo de
aliis, circumueniamini; præsertim cum illi
spes omnis in scelere, atque perfidia sit, neque
se aliter tutum putet, quam si peior, atque
intestabilior metu uestro fuerit: quo captiuus
libertatis curam miseria eximat: aut, si pro-
uideritis, in uitandis periculis magis, quam
ulciscendo teneamini. Satellites quidem eius,
homines maximi nominis, non minus optimis
maiorum exemplis, nequeo satis mirari, do-
minationis in uos seruitium suum mercedem
dant, & utrunque per iniuriam malunt,
quàm optimo iure liberi agere. præclara Bru-

T 2 torum,

torum, atque Aemiliorum, & Lutatiorum
proles, geniti ad ea, quæ maiores uirtute pe-
perere subuertenda. nam quid a Pyrrho, An-
nibale, Philippo, & Antiocho defensum
est aliud, quam libertas, & sua cuique sedes,
neu cui, nisi legibus pareremus? Quæ cun-
cta sanus iste Romulus, quasi ab externis
rapta, tenet: non tot exercituum clade, neq;
Consulis, & aliorum principum, quos fortu-
na belli consumpserat satiatus; sed tum cru-
delior, cum plerosque secunda res in misera-
tionem ex ira uertunt: quin solus omnium
post memoriam hominum supplicia in post fu-
turos composuit: queis prius iniuria, quam
iusta certa esset: prauissimeque per sceleris
immanitatem adhuc tutus fuit, dum uos
metu grauioris seruitij à repetenda libertate
terremini.

Quæ in uniuersum de exordiis in consilio
dando fingendis ueteres præceperunt, ea ferè à
nobis in Periclis concione explicanda, exposita
sunt, ut hoc loco eadem repetere aut parum ne-
cessarium,

cessarium, aut certe non admodum opportunum esse uideatur. Quæ tamen huius loci præcipue sunt, ea non sine magna reprehensione prætermitti posse existimamus. Quod ergo supra quoque diximus, id hoc etiam loco admodum, haud alienum uidetur. ex omnibus exordiorum locis nullum fortasse aut frequentius occurrere, aut rei instituendæ accommodatius esse, quàm crimina aut inferre, aut oblata diluere. ergo ut Pericles in sua oratione crimina, si qua inciderunt, depulit; sic Lepidus infert. atq; hoc tribus in locis, primum in Syllam, deinde in satellites Syllæ, iterum in eundem.

CLEMENTIA &c. In hac prima parte procemii orditur Lepidus partim à persona sua, cum se timere reipublicæ causa ait, partim à persona aduersariorum, cum à Syllæ sceleribus incipit, atque grauiora ea, quàm uidebantur, ostendit. tractatio autem est eiusmodi; cum dicat se maximo esse in timore, huius timoris causas affert duas, alteram, quæ à populo proficiscitur, alteram, quæ à Sylla, populus est clemens, ac probus, nec facile credit de altero ea, quæ ipse nefanda non putat, ex quo sequitur, ut facile decipi possit. Sylla tyrannus improbus est, ac quotidie fit improbius, quo aut miseria curam adi-

mat

mat libertatis, aut si prouiderit in uitandis periculis magis, quàm ulciscendis teneatur. Interim beneuolentiam sibi conciliat à persona sua, cum se reipublicæ causâ timere ait, à persona populi, cum miram eius probitatem nominat, à persona Syllæ, cum eum in odium adducit, facta, ac cogitata eius atrociam explicando.

CLEMENTIA, ET PROBITAS. Ne offenderet populum initio orationis uirtutem prouitio posuit, nam cum lentitudinem, ac credulitatem populi accusare uellet, qui se decipi pateretur, non est usus ueris nominibus, sed falsis. Clemens dicitur, qui non irascitur, quasi colens mentem suam: clementia dicitur eius, qui non irascitur, nec quicquam crudele cogitat, hanc Græci *doxyrosian* uocant, Latini lentitudinem nominant uero nomine. Cicero quarto Tusculan. Peripatetici uirum uideri negant, qui irasci nesciat, eamq, quam nos lenitatem dicimus, uitioso lentitudinis nomine appellant. hæc sententia est apud Aristotelem in Ethicis. Qui irasci nesciunt, quibus de causis debent, ii stolidi uidentur esse. ergo quemadmodum clementia, & lenitas uirtutis nomina sunt, sic lentitudo, & stoliditas uitii. Plutarchus ad Apollonium de dolore eodem ferè pacto constituit, etenim modicam affectionem uirtutem iudicandam,

dam, at indolentiam insensibilitatis, feritatisq;
 naturam præferre. Cur igitur Lepido timo-
 rem affert lentitudo populi? quia qui irasci ne-
 scit, ille non appetit uindictam. eiusmodi uero
 sunt proni ad seruitutem patiendam. Quod au-
 tem dicit, *probitas*, id est ingenii simplicitas, ac
 credulitas uitioso nomine. Aristoteles enim in-
 ter eos, qui sunt opportuni patiendæ iniuriæ sta-
 tuit libro primo Rhetoricorum, credulos, &
 simplicis ingenii. unde est uox Epicharmi. *νίφει,
 καὶ μέμνητο ἀπιστεῖν, ταῦτα ἄθρα τῶν φρονῶν.* *Sobrius esto,
 & memento non credere, hi sunt articuli sapientiæ.*

QVIBVS PER CETERAS GENTES. Hæc
 laus ad conciliandam beneuolentiam ualet.

TYRANNIDEM L. SYLLÆ. Non dixit
 L. Syllam, sed tyrannidem L. Syllæ; nec impe-
 rium, aut Dictaturam, sed tyrannidem. odio-
 sum uerbum præsertim apud liberum populum,
 quo libenter usus est Lepidus, tanquam contra-
 rio eius reipublicæ generi, quo utebatur popu-
 lus Romanus, apud quem loquebatur; Aristo-
 teles enim in libris de republica tria genera facit
 rerum publicarum, quæ optima sint, quibus alia
 opponi tria ait, quæ deprauata sint. optima sunt
 Regalis potestas, quoties respublica unius im-
 perio regitur, cuiusque ciuitati consulentis, non
 sibi.

sibi; Aristocratia, quoties respublica in potestate est paucorum, qui commodis prospiciant ciuitatis; *πολιτεία*, quoties respublica est in populi potestate, isque publicæ, non suæ studet utilitati. Corrupta sunt hæc, Tyrannis, cum administratur unius imperio ciuitas, qui omnia sua utilitate metiatur; Dominatus paucorum, qui sua respiciant commoda; Imperium populi sibi, non ciuitati consulentis. Eadem prope tradebat Cicero in libris de Republica; nam ut ait Diuus Augustinus de Ciuitate, ibi definit Cicero rempublicam rem populi, cum bene, ac iuste geritur, siue ab uno rege, siue à paucis optimatibus, siue ab uniuerso populo. Cum uero iniustus est rex, quem tyrannum uocat, aut iniusti optimates, quorum consensum factionem appellat, aut iniustus populus, cui nomen usitatum non reperit, nisi ut etiam ipsum tyrannum uocaret, non iam uitiosam, sed omnino nullam esse rempublicam. Quanquam ergo Polybius libro sexto, & Cicero etiam de Republica, ac de legibus dicant rempublicam Romanam fuisse ex tribus optimis generibus confusam, quemadmodum uere, & optime nostram esse ostendit Cardinalis Contarinius, Regno, Aristocratia, Politia, si Consulum imperium, Senatus auctoritatem, Populi

Populi potestatem respiceremus, tamen hoc forte aliis temporibus uerum fuit, & maxime inter secundum, ac tertium Punicum bellum, quod tempus fuisse sanctissimum tradidit Sallustius in procemio historiarum, ut est apud Augustinum de Ciuitate libro secundo. Republica autē perturbata uere hoc dici non potuit, ut hoc tempore, quo ciuitas in duas reipublicæ species erat diuisa, easque pessimas, tyrannidem Syllæ, & democratiam plebis, quæ in hoc conueniebant, quod utraq; sibi, non ciuitati consulebant, differebant autem, quod eam unus, hanc multi administrabant. ergo nescio quo modo tyrannis democratix contraria, siquidem, ut ait Aristoteles libro quinto de Republica, *Populi potestas extrema tyrannis est*. Cum ergo loquatur Lepidus ad populum, qui in democratia uiuit, cui libertas proposita est, merito tyrannidem Syllæ uocat ad odium concitandum: nam, ut ait Demosthenes secunda Philippica, *Regnum, & tyrannis, sunt inimica libertati, & legibus, nec quicquam utilius populo contra tyrannum, quam dissidentia*. Quare merito reprehendit populum Lepidus, qui nimis tyranno crederet.

NE QUÆ IPSI NEFANDA NON ÆSTIMATIS, EA PARVUM CREDENDO. Hæc est

V

interpre-

interpretatio clementiæ, & probitatis; nam nihil nefandum animo agitare, clementiæ est: nihil nefandum ab aliis agitari, putare, & aliorum uoluntatem sua metiri, probitatis.

NE CIRCUMVENIAMINI. Id est decipi-
mini, & paulatim libertate spoliemini. Transla-
tio sumpta uel à uenatione, uel à bello, & ab iis,
qui faciunt insidias circumueniendo. sic etiam
sæpissime Cicero. *Verba propria*, ut ait Aristote-
les libro tertio Rhetoricorum, *orationem lucidam*
reddunt, translata non humilem; commutatio enim affert
grauitatem, & nouitatem, noua admirabilia sunt, que
admiracionem habent, ea iucunda sunt.

PRÆSERTIM &c. Altera caussa est timoris
Lepidi sumpta à scelere Syllæ. auget ergo scelus,
& factum Syllæ, ab eoque rapit eum in odium
populi, atque iram concitat ei; odium, cum
ait, spem omnem habere salutis suæ in scelere, &
perfidia. nam si, ut ait Aristoteles de amicitia,
iustos amamus, ergo odio nobis erunt iniusti.
huiusmodi autem existimamus eos, qui non ab
aliis uiuunt. item cum ait, illum peiorem fieri
metu populi; nam si amamus, ut ait Aristote-
les, qui non sunt formidabiles, ergo odiosi erunt
formidabiles. Verba Aristotelis de amicitia sunt
hæc, & eos qui non sunt formidabiles, & quibus confidi-
mus

mus, amamus, nemo enim, quem timet, amat. Iram incitat, cum ait metu populi fieri peiorem, ira enim nascitur ex paruifactione, cuius pars est contemptus.

SPES OMNIS. Id est salutis, nam etiam inquit, neque se aliter tutum putat. & paullo post, nihil gloriosum, nisi tutum, & omnia retinenda dominationis honesta aestimat. præclare omnia. habet enim rationem finis tyrannidis, qui est, ut ait Aristoteles libro primo Rhetoricorum, custodia corporis, ut Democratia libertas.

SCELERE, ET PERFIDIA. Aut scelus est tanquam genus perfidia, ut κακία, aut ἀδίκημα significat. sunt autem ἀδικήματα ex Aristotele libro primo de arte dicendi, quæ homines ex animi prauitate consulto admittunt: ut eripere libertatem plebi.

PERFIDIA. Græce ἀπιστία. hanc duobus modis intellexit Demosthenes in Philippicis: nam in secunda Philippica inquit, non esse credendum Philippo, & utitur nomine ἀπιστίας. ἐν δὲ τῇ κοινῇ ἢ φύσει τῶν ἐν φρονήτων ἐν αὐτῇ κέκτισται φυλακτήριον, ὃ πάσι μὲν ἐστὶν ἀγαθόν, καὶ σωτήριον, μάλιστα δὲ τοῖς πλείοσι πρὸς τοὺς τυράννεις. τί ἐν ἐστὶ τρεῖς ἀπιστία. ταύτην φυλάττειτε, ταύτης ἀντέχουσθε, ἐὰν ταύτῃ σώζητε, οὐδὲν σκηνὸν μὴ πάθητε. In Olynthiaca prima inquit, Tyrannos fidem non seruare, & utitur no-

mine ἀπίστῃ καὶ ὅλως ἀπίστῳ, οἷμαι, ταῖς πολιτείαις ἰτυ-
 ραννίς. sic etiam hoc loco accipit Sallustius per-
 fidiam.

NEQVE SE ALITER TVTVM PVTEt &c.
 Altera causa timoris à Syllæ persona adhuc gra-
 uior, quæ opponitur superioribus hoc modo.
 Populus nefandum nihil cogitat. Sylla omnem
 spem in scelere posuit. Populus nefandas res de-
 Sylla non credit. Sylla quotidie ex metu popu-
 li fit sceleratior. Hoc autem loco fundamenta
 quasi iaciuntur sequentis probationis, idest lo-
 corum iusti, & necessarii; siquidem Vlpianus in
 Demosthenis Philippicâ quartam ait proœmia
 ex finibus assumi. Cum ergo dixit, *scelere*, idest
 τῷ ἀδικήματι, fundamenta, iecit iusti, est enim
 iustum eos ulcisci, qui te uiolarint. Cum dixit,
instabilior fit, necessarii. ostendit enim necessa-
 rium esse, obuam ire, quia ille finem non sit fa-
 cturus sceleri.

QVAM SI PEIOR, ATQVE INSTA-
 BILIOR METV VESTRO FVERIT. Idest si
 quanto magis cum metueritis, tanto in uos ma-
 gis sæuiet. cuiusmodi dicendi genus est ei fami-
 liare, nam infra in concione Macri ait. *Quoniam*
omnis iniuria gravitate tutior est. Hanc autem tyran-
 norum fere consuetudinem esse, idem Sallustius
 scribit

scribit ad Cæsarem in prima epistola de ordinanda republica. *Idcuenit, quia plerique rerum potentes peruerse consulunt, & eo se munitiones putant, quæ illis, quibus imperitant, nequiores fuerint.* Scelus autem est causa metus, & metus causa sceleris. utrumque recte, nam ait Aristoteles libro secundo Rhetoricorum de metu; *Et iniustitia, quæ uiribus prædita est, metuenda est.* & libro primo de iniuriis, *ad iniuriam patiendam opportunos esse, ait, inertia deditos.* Ex grauitate iniuriæ securitas proficiscitur, quæ impellit ad faciendam iniuriam. nam ut ait Aristoteles ibidem. *faciunt iniuriam illi, quibus iniuriæ lucra sunt, damna uero probra solummodo.* sic Sylla ex iniuriis in plebem imperium est adeptus; nihil autem incommodi præter tyrannidis infamiam. unde est ille celebratissimus uersus. *Oderint, dum metuant.* Ab hoc autem dissuadet Antonium Cicero in prima Philippica hac pulcherrima sententia. *Illud magis uereor, ne ignorans uerum iter gloriæ, gloriosum putes, plus te unum posse, quàm omnes, & metui à ciuibus tuis, quàm diligi malis.* quod si ita putes, totam ignoras uiam gloriæ. *charum esse ciuem, bene de republica mereri, coli, diligi, gloriosum est; metui uero, & in odio esse, inuidiosum, detestabile, imbecille, caducum.*

METU VESTRO. Præclare metuebant, nam

ut

ut ait Aristoteles libro secundo Rhetoricorum, de metu. *Et qui iniuriam fecerunt, si vires habeant, metuendi sunt, quod timeant, ne talionem patiantur.* metus accipitur partim actiue, partim passiue. passiue ut Sallustius libro primo Historiarum ex Nonio. *Ad bellum excitabat metus Pompeii uictoris.* idest, ut ait Nonius, *quod de Pompeio metueretur.* actiue ut hic.

QVO CAPTIVIS &c. Consilium aperit Syl-
la crudele, ab eoque rapit eum in odium. est au-
tem huiusmodi, ut omnino prohibeat, ne cogi-
tationem libertatis populus suscipiat. hæc autem
cogitatio duplex est: aut enim posita est in ui-
tandis periculis, aut in ulciscendis. ille uero eo
grauiori premit eos seruitute, ut aut omnino
seruitutis magnitudine cogitationem nullam su-
scipere possint libertatis, aut si suscipiant, in ui-
tandis potius periculis, quam in ulciscendo Syl-
lam studium ponant.

CAPTIVIS. Verbum ad odium commouen-
dum aptissimum, perstat autem in translatione
belli, de qua supra *circumueniamini.*

LIBERTATIS CVRAM. Recte, est enim
Democratia finis libertas.

MISERIA. Quotidiana seruitute. Aristo-
teles libro quinto de Republica exponit, quæ
potif-

potissimum agant tyranni imperii sui conferuan-
di causa. sunt autem hæc. *Primores ciuitatis inter-
cere, conuietus non pati, non sodalitates, nec disciplinam,
nec scholas, nec conuentus, notitia enim fidos facit inter se
eos, qui in urbe morantur, semper uideri, & stare pro
foribus; sic enim minime latebit, quid agant, & assuescent
esse animo abiecto, & demisso perpetua seruitute. qua
miseria uidetur etiam Sylla exenisse curam li-
bertatis recipiendæ.*

VITANDIS QVAM VLGISCENDO. Sum-
ptum est a bello, ut superiora; in eo enim non
minus pugnatur, ut hostem feriamus, & ulci-
scamur, quàm ut eundem in nos irruentem re-
pellamus. Vitamus autem futura, ulciscimur
præterita. vitare ictus in pugna Demosthenes
dixit *προβλέσθαι* Philippica prima.

PERICVLIS. Id est malis. est autem pericu-
lum ex Aristotele libro secundo Rhetoricorum
de metu. rei terribilis appropinquatio, & malum immi-
nens. terribilia uero sunt res, quæ uim habent aut interi-
tum, aut dolorem maximum inferendi.

VLGISCENDO. *ἐν τῷ τιμωρεῖσθαι.* Differt au-
tem, ut tradit Aristoteles libro primo Rhet-
oricorum, *τιμωρία*, & *κόλασις*, *τιμωρία* respicit eum,
qui agit, & supplicium sumit, ut animum satiet suum,
est enim ab eo contemptus. *κόλασις* respicit eum, qui
patitur,

patitur, qui ideo punitur, ut à delictis temperet. hæc castigatio, illa ultio dici potest, quæ à commoto animo proficiscitur, & irato, illa plerunque etiam à sedato.

SATELLITES &c. Syllæ persona ab eius scelerum exaggeratione in odium adducta, inuchitur modo in eos, qui Syllæ nomen sequebantur, & rempublicam deseruerant, eosque in odium rapit, sceleratos esse probans, quia libertatem euertunt. rationem autem habet eorum, apud quos loquitur, neque enim maius scelus plebs existimabat esse, quam libertatem adimere. Argumentatio est eiusmodi. Qui libertatem euertunt, scelerati sunt. satellites eius, Bruti, Aemilii, Lutatii libertatem euertunt, ergo sunt scelerati. Propositio prætermissa est, ut notissima. Assumptio est ea. *satellites eius homines maximi nominis.* Conclusio inclusa est in eo uerbo. *Præclara.* Post assumptionem probat hoc modo. Qui euertunt ea, quæ à maioribus parta sunt, libertatem euertunt, Bruti, Aemilii, Lutatii euertunt ea, quæ à maioribus parta sunt, ergo iidem libertatem euertunt. Propositio etiam omissa est, sed ratio eius posita. *Quid enim aliud defensum est, quam libertas.* Assumptio posita est hæc. *Præclara Lutatiorum &c.* Conclusio ut apertissima non fuit ponenda.

nenda. Hi sunt loci, quibus docet, qui sane, & ab iis, quæ satellitibus adiuncta sunt, & à scelera-
ti definitione, siue potius descriptione quadam
hauriuntur. Mouet autem, odium eis creando,
quia cum ipsi sint nobiles, & exempla optima
maiorum habeant; ipsi seruiant; deinde quòd
seruiant Syllæ, ut dominantur plebi; tum quòd
utrumque iniuste facere malunt, quàm iure in re-
publica libertate frui. quarto loco, quòd ea pro-
dunt, quæ maiores uirtute peperere. Conciliat
autem sibi auditores, bonum uirum se fingens,
quem miretur maxime tantam prauitatem ingenii
eorum. ostendit enim se longe ab iis dissentire,
& libertatis defensorem esse, cuius illi oppugna-
tores sunt. Pari ratione Cicero inuehitur in eos,
qui fauebant Antonio; & Demosthenes in eos,
qui Philippo. uterque in Philippicis.

XXV. SATELLITES. Verbum est criminofum,
satelles enim dicitur miles mercede conductus
ad latus regis stipandum, atque regendum.

XXVI. HOMINES MAXIMI NOMINIS. Hoc
non est dictum cum ironia, sed serio: ut odio
illi flagrent grauiori, si cum sint nobiles seruire
uoluerint. Nomen enim pro gente, & familia
ponitur; unde nobiles dicti sunt, Græce *ωγενεις*.
Eos definit esse Aristoteles libro primo Rhet.

in quorum familia uiri, aut mulieres illustres fuerunt;
 quique ex legitimis nuptiis nati sunt; & quorum generis
 auctores aut uirtute claruerunt, aut diuitiis; aut alia earum
 rerum, quæ sunt in pretio. quod ita esse in Brutis,
 Lutatiiis, Aemiliisque facile potest intelligi: hi
 enim non modo patricii omnes, sed etiam anti-
 quitate, & uirtute summa excellere. Est autem
 indignius nobilem seruire, quam ignobilem.
 Duo autem erant genera satellitum Syllæ; alii no-
 biles, ut Bruti, Aemilii, Lutatii; alii ignobiles, ut
 Vectius Picens, Scriba Cornelius, Syrus, Tarula,
 Fufidius, de quibus infra. Sic Philippi satellites
 nobilis erat Aristodemus; in oratione *πρὶ τῶν ἰν*
ξεγεννησθῶν, Callias autem uilis, & mimus; secunda
 Olynthiaca. ita etiam Antonii ignobiles, Mustel-
 la Tamisius, Tyro Numisius, Clasitius, Capho,
 Saxa. Nobilis erat Q. Fufius Calenus.

NON MINVS OPTIMIS MAIORVM
 EXEMPLIS. Habet etiam indignationē, si quis
 habeat grauisima maiorum exempla ad liberta-
 tem retinendam; ille tamen ad seruiendum ad-
 ducatur: erant autem Brutis, Aemiliis, Lutatiiis
 eiusmodi exempla. Bruti habent L. Iunium Bru-
 tum, qui reges eiecit, qui primus Consul fuit;
 qui collegæ Tarquinio magistratum abrogauit;
 ne nomen esset Tarquiniorum in republica, qui
 Consul

Consul in filios conspirantes in rempublicam seuerissime animaduertit, qui in bello contra reges pro libertate dimicans cecidit. Aemilii habent præter alios L. Aemilium Paullum, qui in prælio Cannensi mori fortiter, quam turpiter fugere maluit. item L. Aemilium Paullum superioris Paulli filium, qui in primo consulatu Ligures, in secundo Macedones uicit, & de utrisque triumphum egit. et si quid mali reipublicæ impenderet, id omne, ut in familiam suam recideret, in concione ad populum precatus est. quare duobus filiis orbatus est, uno ante triumphum Macedonicum, altero post triumphum. Lutatius est Q. Lutatius Catulus imitandus, qui prælio nauali uicit Carthaginenses, deque iis triumphauit, & primo Punico bello finem imposuit, auctore uiris illustribus. item Q. Lutatius Catulus, qui de Cimbris cum C. Mario triumphauit, & ab eodem deinceps tanquam Syllanus est interfectus.

NEQUEO SATIS MIRARI. Hic est beneuolentiae locus ad suam personam, & ad suum iudicium quod autem ait se mirari, homines nobiles seruire, rationem aliquam habet. nam ut ait Aristoteles libro quinto de Republica. Assentatores apud tyrannos sunt in pretio, ii, qui se sanxisse gerunt in audire

sermonibus, quod est assentationis. ob eamque causam tyranni improbi sibi amicos parant; quod assentatione moueantur, quod nemo, qui animo libero erit, faciet. Tyranni etiam est, inquit, nullo prestanti, aut libero homine delectari. Cuius rei causa ab eodem Sallustio affertur in prooemio coniurationis Catilinæ, quia regibus boni, quam mali, suspectiores sunt, semperque his aliena uirtus formidolosa est. Quæ cum ita sint, miratur Lepidus homines nobiles uelle seruire tyranno, homines optimis maiorum exemplis uelle libertatem publicam perdere, quod est turpissimum. quare Socrates merito dixit, cum ei quidam nobilis, sed improbus ignobilitatem obiiceret: atqui mihi genus dedecori est, tu generi. Sto- bæus de Nobilitate.

QVI DOMINATIONIS IN VOS SERVITIVM SVVM MERCEDEM DANT. Ex-
primit id, quod sibi admirationem moueat: eos scilicet euertere libertatem publicam. ea uero duplex est populi, & sua. suam amittunt, cum Syl-
læ obsequantur. popularē euertunt, cum impe-
rium in illum quærunt, tanquam suæ assentatio-
nis mercedem. Eiusmodi uero homines fuisse etiam in republica Atheniensium, qui seruirent Philippo, ut Atheniensibus imperarent ostendit Demosthenes in quarta Philippica, iisdem ferè,
quibus

quibus Sallustius uerbis : Proinde cum oppidani in duas hasce sint diuisi partes, alii, ut neque ui imperare uelint, neque seruire cuiquam, sed in libertate, & legibus ex æquo uiuere; alii, ut ciuibus imperare cupiāt, & alteri parere. similiter in oratione de Halonesso. Quos scilicet proditores non pudet Philippo uiuere potius, quàm suæ patriæ, à quo ea munera, quæ accipiunt, ferre se domum putant, cum interim ea, quæ domi habent uendant.

DOMINATIONIS IN VOS. Id est ut uobis imperent, hoc refertur ad, optimis maiorum exemplis, eorum enim maiores pugnarunt pro uestra libertate, illi nituntur, ut uos seruitute implicenti alibi dixit, dominatio in uobis. Plena autem odii hæc oratio est.

SERVITIUM SVVM MERCEDEM DANT. id est qui seruiunt hoc refertur ad Nobiles, neque enim nobilitas postulat, ut alterius uoluntati pareant in libera ciuitate. seruitium enim est seruitus. seruitia uero pro seruis est etiam factitatum.

ET VTRVNQVE PER INIURIAM MALVNT, QVAM OPTIMO IURE LIBERAGERE. Odium creat illis ab iniusto. isti enim ea sunt peruersitate ingenii, ut malint imperiū, ac seruitutem iniustam, quàm libertatem iustā. Est autem hæc oratio ex contrariis constans, in qua inest uis maxima. nam optimo iure, opponitur
ci,

occisus sit. puto autē intelligi debere de D. Bruto, qui anno sequenti Consul cum M. Aemilio fuit, hic dicitur D. Iunius, D. F. M. N. Brutus, Fasti consulares.

AEMILIORVM. M. Aemilium Mamercum intelligit, qui Consul anno insequenti cū D. Bruto fuit, quem Suetonius in Cæsare ait, Syllæ amicum fuisse. De his autem duobus Consulibus fit mentio in concione Macri. *Bruto, & Aemilio. Mamercus Consulibus tumultus intercessit.*

LUTATORVM. Q. Lutatium Catulum intelligit collegam suum, quem principem factionis Syllanæ uocat Pedianus in tertiam Verrinam. Hic fuit filius Q. Catuli collegæ Marii quartum Consulis. hic bellum excitauit studio Syllanarum partium, ut diximus, post Censor fuit, & Princeps Senatus. Pompeio, ne bellum Piraticum, & Mithridaticum mandaretur, restitit. Ciceronem in Senatu patrem patriæ nominauit, Plutarchus in Pompeio, Cicero, Dio libro trigesimo septimo, Appianus libro primo.

PROLES. Progenies. est autem nomen antiquum, ut soboles, ut tempestas, quemadmodum ait Cicero in Oratore. quibus tamen usus est etiam Cicero: sed Sallustius libentius; quippe qui uerba antiqua affectauerit, eaque ex Originibus

nibus Catonis excepserit: *uerba autem antiqua afferunt grauitatem orationi*, ut ait Aristoteles. Cicero dixit in epistola ad Octauium. *progenies. Audiet Brutus cum populum, quem ipse primo, post progenies eius liberauit pro turpi stupro datum in seruitutem.*

GENITI. Proles Brutorum geniti. non est solocismus, refertur enim ad sententiam, non ad uerba, quod obseruauit etiā Dionysius Halicarnasseus apud Thucydidem. τὸν δὲ συγκαταστήσαντες οἱ δῆμος ἐν πολλῇ πρὸς ἀλλήλους ἐρίῃς ἦσαν. & aliās plerunq; Cæsar. *Sulmonenses, quod oppidum.* Trahit autem odium, nam, ut ait Plato, unusquisque patriæ, sibi, & parentibus est natus, non ad patriam euertendam.

MAIORES. Refertur ad prolem. sunt enim inter se contraria, ut etiam illa. *Peperere, & subuertenda.*

VIRTUTE. Hoc uerbum odium trahit, nā quo maiore labore parta sunt, eò maius scelus uidetur ea euertere.

NAM QUID A PYRRHO. Hæc est ratio propositionis ommissæ. propositio futura erat, hæc, qui, quæ maiores pepererūt, euertunt, ii libertatem euertunt. hanc cum omiserit, rationē tamen eius addit. Nihil enim aliud defendere, quàm libertatem. Hanc autem ut esset uehementior, ornauit interrogatione. Interim uero exemplis

plis confirmat orationem suam, exempla enim
 concionibus aptissima esse diximus. Hæc autem
 præcipit Aristoteles, *si ante enihymemata statuan-
 tur, inductionis vim habere, si post ponantur, testimonii,*
 ut hoc loco. Nominat autem acerrimos impe-
 rii Romani hostes, cum quibus de libertate bel-
 latum est a maioribus. Aristotelis etiam hoc præ-
 ceptum esse diximus, *cum, qui de bello consilium*
daturus sit, tenere oportere, quæ bella, et quomodo ges-
serit ciuitas ea, cui consilium datur, quod uideretur te-
nere etiam Lepidus, cum genera hæc belli expo-
nit. Florus autem historiæ libro primo quatuor
 genera bellorum tradit, quæ gesta sunt a popu-
 lo Romano; pro libertate, ut cum Tarquinis, &
 Porcennâ; pro finibus, ut cum Latinis, Veienti-
 bus, Etruscis; pro sociis, ut cum Samnitibus,
 Campanorum sociorum causa; pro imperii glo-
 riâ, ut cum Tarentinis, & Pyrrho, & Corinthiis,
 quia legati uiolati fuerant. Quæ Flori diuiso
 quamquam uera est, multas tamen habet diffi-
 cultates. nam Cicero primo de Officiis ait cum
 Celtiberis, & Cimbris de capite dimicatum es-
 se, cum Latinis, Sabinis, Samnitibus, Pœnis, &
 Pyrrho de imperio, id est de libertate. Sallustius
 autem hoc loco nit cum Pyrrho, Antiocho, &
 Philippo de libertate esse certatum. Contra Ci-
 Y
 cero

cero pro lege Manilia ait maiores suos pro sociis pugnasse cum Antiocho, cum Philippo, cum Aetolis, cum Pœnis. Quæ igitur huius tantæ dissensionis inter scriptores causa est? hæc nimirum, de qua Thucydides, ac Polybius agunt, uterque historiarum suarum libro primo. placet enim eis, cuiusque belli causas esse duas, unam honestiorem, quam præferunt ii, qui bellum indicunt, alteram turpiorem, quam occultant. Ita cum Samnitibus bellatum est pro sociis Campanis, ut palam ferebatur, re uera imperii causa. item cum Annibale prætenderunt se bellum gerere causa Saguntinorum, at re uera pro libertate pugnarunt. itemque in ceteris, oratores autem utuntur ea, quæ suæ causæ aptior est. De his autem bellis cum Pyrrho, Annibale, Philippoq; & Antiocho, cui non patet?

LIBERTAS, ET SVÆ CVIQUE SEDES.
Cicero in Partitionibus: Bonorum, inquit, partim necessaria sunt, ut uita, pudicitia, libertas: partim non necessaria: quorum alia sunt per se expetenda, ut ea, quæ sua sunt in officiis; atque uirtutibus; alia, quod aliquid commodi efficiunt, ut opes, & copia. ita Lepidus hic duo attingit genera bonorum, libertatem, atque patrias sedes. quæ ratio est amplificandi, cum diuersa ponat.

NEVE CUI NISI LEGIBUS PAREREMUS.
 Aristoteles libro tertio Rhetoricorum inter ea,
 quæ grandem orationem faciunt statuit; ut defi-
 nitione pro nomine. ut pro circulo circuli definitionem af-
 ferre. idem docet Cicero in Partitionibus. cū ait,
 aut proprium, aut idem significans, aut factum uerbum in
 plura uerba diducitur. hic etiam post nomen liber-
 tatis, definitionem eius posuit, quæ est, ne cui,
 nisi legibus pareas. Nam Aristoteles libro sexto
 de Republica: Libertatem esse, ait, fundamentum po-
 pularis rei publicæ. Libertatis autem partes esse duas. unam
 uicissim parere, atque imperare: alteram uero uiuere, ut uel-
 lis, siquidem serui est uiuere non ut uelit. Hæc Lepidi
 definitio superiorem partem libertatis ab Ari-
 stotele traditam uidetur attingere. nam parere
 uicissim, & imperare est legibus parere. ea enim
 fiūt ex legibus omnia, ut omnes in ciuitate æqua-
 les opes habeant. *in illiusmodi sententia in Loup*
 QVÆ CUNCTA &c. Redit opportune ad
 Syllam, ut cōmmemoratione scelerum eius, &
 earum rerum, quæ gestæ sunt ab eo, in odium
 adducat populo. Facta uero eius sunt hæc. Liber-
 tatem cuiusque, & domicilia per uim erepta te-
 net. eadem ciuium fecit, proscriptorum liberis
 honorum petitionem ademit. nunc tutus pra-
 uissime furit. quare scelera sunt, iniusta rapaci-

tas, crudelitas, contumelia, furor, quæ quemadmodum tractentur, & amplificentur, sigillatim aperietur.

QVÆCUNCTA &c. Rapacitatem iniustā notat, eamque auget, primum quod libertatem rapuit, idest per vim abstulit, deinde quod tanquam ab externis rapuit, tum quod rapta tenet.

ISTE. Cum indignatione dictum, ut & Græce ἰστος.

ROMVLVS. Romulus Romæ conditor, & primus Rex fuit, sed clemens, & iustus. quare inuidiæ concitandæ causâ hunc Romulum uocat pro rege, quo nomine etiam multis placitum est uocari Octauium, ut ait Suetonius in Octauio. Sallustius in oratione contra Ciceronem cū uocat Romulū Arpinatē inuidiæ mouendæ causâ. hic autem ut odium adderet, sæuū appellauit, quod fuit contra Romuli mores.

RAPTA. Odium habet, non enim iustum possidet dominatum, sed rapuit, hæc autem rapina tanto est iniustior, quò suis non externis rapuit. hic autem quasi ab externis rapta tenet. Demosthenes Philippica prima, πάντα κατέσφα-

τε, καὶ ἔχε. Philologus.

NON TOT EXERCITVVM &c. Indignam crudelitatem notat, & auget Sylla, qui non fuc-

rit

rit contentus clade bellica, sed alios etiam uictor trucidauerit.

TOT EXERCITVVM. Milites intelligit, qui perierunt in bellis superioribus Syllæ, & Marii, Cinnae, & Octauii. Iterum Marii, & Syllæ, Syllæ, & Carbonis; qui multi fuerunt.

CONSVLVM. Eorum, ut imperatorum facit mentionem. Hi autem maxime Consules perierunt. Q. Pompeium Consulem milites Cn. Pompeii Strabonis interfecerunt. Valerius, Epitoma. Cn. Octauium Marius, & Cinna necandum curarunt. Cinnae exercitus suus interfecit. Fimbria Consul sibi manus intulit, ne in Syllæ manus perueniret. Marium filium Sylla necandum curauit. Carbonem Cn. Pompeius Magnus, hi omnes in Consulatu interfecti sunt.

ALIORVM PRINCIPVVM. Principes dicuntur primarii uiri in ciuitate, qui uel propter familiæ splendorē, uel propter diuitias, uel propter gestos in urbe honores, uel propter imperia, uel propter eloquentiā sint illustres. Q. Antonius in Sardinia à legato Syllæ L. Philippo caesus est. Epitoma.

FORTVNA BELLI. Casus bellici, qui incerti sunt.

SATIATVS. Verbum odiosum. habet autem

rem *invenitur*. quasi uero sitiret sanguine eorum,
 a sensu gustatus ad animum ducta translatio est.
 Sic Cicero in Dolabellam Philippica undecima.
*Ac in eius corpore lacerando, cum animum satiare non
 posset, oculos pavit suos.*

SED TVM CRVDELIOR. Auget crudeli-
 tatem eius. quod non satiatuſ corde facta in præ-
 liis alios uictor necandos curarit, quod est con-
 tra naturam humanam. nam homines ex ira in se-
 cundis rebus ad miserationem uerti solent. hic
 autem ad crudelitatem delapsus est. ut autem ait
 Aristoteles, ea magna sunt, quæ non sunt secundum na-
 turam. Quid autem hoc sit uideamus. Aristote-
 les libro secundo Rhetoricorum. iram, ait, esse
 appetitionem ultionis cum ægritudine ob contemptum uel
 nostrum, uel alicuius ex nostris indignum. Facile autem
 placari homines, si ii, quibus irati fuerint, se fecisse fatean-
 tur, & pœniteat eps, nam cum uident eos pœnas dedisse pla-
 cantur. Cleon quoque apud Athenienses in tertia
 Thucydidis historia, iratos, cum recentissima fuerint
 iniuria, eas maxime ulcisci, at facile uictoria, temporeque
 placari. quod autem ipse ait, miserationem, credo
 dictum esse per auxesim, pro lenitate, neq; enim
 aliquid eiusmodi statuit Aristoteles inter eos,
 qui ad misericordiam traducantur.

CRVDELIOR. Plutarchus Syllam crudelē
 fuisse

fuisse contra hominum opinionem scribit, cum ab adolescentia risui deditus fuisset, sicque ad miserandum procliuis; Marium potentia ingenium auxisse; Syllam mutasse. victor autem octo milia deditorum in uilla publica trucidauit. tabulam proscriptionis ante inauditam in foro posuit. urbem, & uniuersam Italiam cadibus repleuit. inter quos omnes Prænestinos interimii iussit. hæc autem recuperata iterum república, cū dictaturam arripuit, fecit. nam ante exacto Mario aliam etiam cædem fecerat. De Syllæ crudelitate Valerius, Florus libro tertio, Plutarchus in Sylla, Epitome libro octuagesimo octauo.

SECUNDE RES. Victoriæ genus. Græce *ὑπερβία*.

QVIN SOLVS &c. Auget, quia nouo exemplo hoc factum est. quare inquit cum & solum hoc fecisse inter omnes, & post homines natos hunc primum id fecisse.

SUPPLICIA. Auxesis. supplicium enim dicitur in uexatione corporis, hic autem pro contumelia, & dedecoratione accipitur.

COMPOSUIT. Lege sanxit.

IN POSTEROS. In posteros, id est filios, & nepotes, ut ait Plutarchus.

QVEIS PRIVS INIURIA. Mouet pathos

ab

ab iis, qui contumeliam passuri sunt, cum certiore haberent contumeliam, quam uitam.

INIURIA. Iniuste agere est contra leges sponte alicui nocere, fuit autem lex hac iniusta, pōnit autem iniuriam pro contumelia, contumelia enim non nocet alteri, sed hoc agendi causa, ut etiam supra dixit supplicium.

VITA. Vita cuique erat incerta, ut est omnibus hominibus. certum autem habebant, se, si nascerentur, nullos capere posse in republica magistratus.

PRAVISSIMEQVE PER SCLERIS IMMANITATEM ADHVC TUTVS FVRIT. Nunc furorē auget. Furor in Tusculanarum quarto definitur, *mentis cecitas ad omnia.* is dicitur à Græcis *μανία*. itaq; de ea agit in quarto Paradoxo Cicero contra Clodiū ostendens omnes stultos furere. est autē furere cæco mētis impetu in omni scelere uersari. qui furor proprie fuit Tribunorū, & potentium hominum, & ab ira nimia profiscitur saepe: ipse uero indignatur cum in suo etiam Consulatu res sceleratas moliri, neq; adhuc finem fecisse scelerum.

PER SCLERIS IMMANITATEM TUTVS. Furit, quia tutus est ob magnitudinem sceleris: sceleris autem magnitudo affert metū, metus

metus autem est causa furoris altera.

PER SCLERIS IMMANITATEM. Aristoteles libro primo Rhetoricorum inter causas, quæ ad faciendam iniuriam impellunt, statuit etiam hanc. si iniuria magna, & noua fuerit, nemo enim eiusmodi iniuriam cauet. ut enim inusitatos morbos non cauent homines, sic neque inusitatas iniurias. idem etiam paullo post ait, eos esse ad iniuriam faciendam propensos, quibus par pena non est proposita commodo, quod uidetur inesse tyrannidi. eos uero ad patiendam iniuriam esse opportunos, qui inertie sunt dediti. itaque Demosthenes ubiq; clamat Philippum creuisse non tantum ob potentiam suam, quam propter inertiam Atheniensium. Sallustius autem in eodem ait pro inertia.

FIDES.

Agendum, atq; obuiam eundum est, Quirites, ne spolia uestra penes illum sint. non prolatandum, neque uotis paranda auxilia. nisi forte speratis per tadium iam, aut pudorem tyrannidis esse eum per scelus occupata periculosius dimissurum: at ille eo processit, ut nihil gloriosum, nisi tutum, & omnia retinenda

tinenda dominationis honesta astimet. itaque illa quies, & otium cum libertate, quæ multi prohi potius, quam laborem cum honoribus, capeſſebant, nulla ſunt. hac tempeſtate ſerviendum, aut imperitandum: habendus metus eſt, aut faciendus Quirites. Nam quid ultra? quæue humana ſuperant, aut diuina impolluta ſunt? Populus Romanus paullo ante gentium moderator, exitus imperio, gloria, iure, cogitandi inops, deſpectuſq; ne ſeruilia quidem alimenta reliqua habet: ſociorū, & Latij magna uis ciuitate, pro multis, & egregijs factis à uobis data, per unum prohibetur: & plebis innoxie patrias ſedes occupauere pauci ſatellites, mercedem ſcelorum: leges, iudicia, ærarium, prouincia, reges penes unum, denique necis ciuium, & uita licentia: ſimul humanas hoſtias uidiſtis, & ſepulchra infecta ſanguine ciuili. Eſt ne uiris reliqui aliud, quàm ſoluere iniuriā, aut mori per uirtutem? quoniam quidem unum omnibus finem natura uel ferro ſeptis ſtatuit; neque quiſquam extremam neceſſitatem,

ratem, nihil ausus, nisi muliebri ingenio, expectat.

Incitatis animis populi commemoratione scelerum Syllæ, opportune eo delabitur, ut eum hortetur ad nefarios illius conatus comprimendos, idque celeriter agendum. Duo ergo suadet, & ut obuiam eant, & ut maturent. obuiam eant, ne spolia eorum sint penes illum, maturent, quia spes nulla sit, eum tyrannidem depositurum. deinde uero & facile id etiam ad faciendum esse ostendet. Verum in quærenda huius suasionis tractatione libet, ut & in superiori concione feci; sequi ordinem, quem seruat Aristoteles in præceptis eloquentiæ tradendis. quis autem is est? Tribus rebus omnem ille fidem fieri præcipit, enthymematibus, affectibus, & moribus. Enthymemata autem eliciuntur ex unoquoque causa genere. sunt enim propria in singulis, perinde ac singula separatim finem propositum habent. Est autem suasionis finis, ut ait Aristoteles, utile. genus autem utilis est ipsum bonum. ergo erunt inuestiganda, quæ sint bona. sunt autem maxime, ut ait Aristoteles, honesta, iusta, possibilia. ergo hi erunt loci, unde suademus, quos Græci rhetores post Aristotelem uocarunt *νεφελαία*,

ab utili, ab honesto, à iusto, à possibili. à multis etiam adiungitur, immo uero, ut diximus huic in primis generi, ut maxime commodum, attribuitur, à necessario. Ita igitur hi erunt loci, unde hæc suasio ducitur; ab utili, ut recuperent agros, & potestatem à Sylla sibi creptam; à iusto atque honesto, ut ulciscantur eum, qui prius sibi iniuriam fecit; à necessario ne seruiât, & quia finem non sit facturus sceleri; à possibili quia ille infirmis opibus est. Atque hæc rursus omnia ex communissimis aliis locis deprompta sunt, nec non etiam ex eorum, quæ conclusionis propositæ terminis insunt, consideratione. de quibus omnibus superiori commentario plura dicta sunt. Perturbationes autem, quibus permouet animos auditorum sunt hæc; odium à sceleribus eius ut impietate, rapacitate, crudelitate; iram mouet ostendens, quod contemnatur à Syl la populus Romanus; inuidiam facit, iniuriâ eius imperium exponens; indignationem, ostendens præmiis affectos esse à Sylla indignos; misericordiam, exponens miserum statum reipublicæ, & plebis commodis suis, & sua dignitate spoliata; metum, explicans odium, & iram Syllæ potentis, *hæc enim faciunt metum, posse, & uelle nocere*, Aristoteles; confidentiam, quod futiles, & imbecilles

de *s* *s* *eius*

eius opes esse dicat. Apparet autem Lepidus in hac concione prudens in prospicienda, & pramonenda seruitute futura, nisi cauerint; probus, cum declarat non ambitione, nec priuato commodo adduci in hanc sententiam; amicus, cum se ducem ad seruitutem repellendam pollicetur futurum, & pericula subire se paratum ostendit. Est autem maxime uaria hæc oratio, nam nunc ad populum, nunc uero ad Syllam sermonem conuertit, illum quidem adhortando, hunc uero criminando: cuiusmodi etiam sunt & tertia, & quarta Ciceronis Philippicæ.

AGENDVM, ATQVE OBVIAM EVNDVM &c. Ratio ab utili, qua, ut se opponat populus tyrannidi Syllæ, persuadet, nempe ut recuperent spolia sibi ab eo adempta. spolia uero appellat libertatem, & agros. est autem indignum pati spolia esse apud hostem. quare etiam erit ab honesto: & quia libertas est inter bona, quæ necessaria sunt, erit etiam à necessario. Atq; hæc quidem uniuerſa tractatio cum ex consideratione eorum, quæ ad populum spectabant, tū uero ex loco à fine hausta est.

OBVIAM EVNDVM. Obuiam ire duo significat, uel prodire obuiā alicui honoris causa, Græce ἀπὸ πρὸς, uel resistere, ut hic. Quare cum
Clodius

Clodius diceret sibi ex Sicilia redeunti neminem obuiam uenisse dixit Cicero, *item ante ne itum quidem esse obuiam, cum maxime iri debuit.* cum intelligi uellet, non esse in eum factum à iudicibus impetum. Thucydides *ἔναι ὁμῶς τοῖς ἐχθροῖς.*

NON PROLATANDVM, NEQVE VOTIS &c. Ratio à necessario, qua, ut maturent in Syllam impetum facere, hortatur. neque enim spes ulla est, cum tyrannidem depositurum; id quod probat ex eo, quia periculosum est, ille uero omnia agit, quæ ad præsidium sui pertineant, & periculum cauet. uidetur autem esse immoratio. Vt autem illa superiora expressit affirmatione, *Agendum, & obuiam eundum*, sic hæc negatione. Est autem idem *non prolatandum*, quod *agendum*. & *non uotis paranda auxilia*, quod, *obuiam eundum*. Non ergo prorogandum esse tempus, monet ad facienda, quæ oportet, ut sapie ait Demosthenes, suadet & Cicero in Antonium.

NON VOTIS PARANDA AUXILIA. Id est acriter agendum, & resistendum, significat enim non uerbis, & uotis opus esse, sed factis. Hac sententia refertæ sunt Philippicæ Demosthenis. eandem etiam ipse tractauit in concione Catonis. *Non uotis, neque suppliciis muliebribus auxilia Deorum parantur.* & in concione Macri. *Iouem aut alium quem*

quem Deum consultorem expectatis. Ab hac sententia incipit Porcius Latro in Declamatione. Si quid precibus apud Deos immortales nobiscum aliquādo ualuissemus, iandudum potiremur republica nostra florentissima. Aristhenus ad Achæos libro trigesimo secundo apud Ljuium. Liberare uos à Philippo iamdiu magis uotis, quàm armis audetis.

NISI FORTE &c. Causa, cur non sit prolatandum, hæc est. neque enim sperandum est, cum spatio temporis esse per pudorem, aut per tædium tyrannidem dimissurum. Est autem tractata hæc ratio per λῦσαι ἀντιπίπτοντες. genus autē hoc refellendi est ei familiare, ut etiam Ljuius sumptum tamen uidetur à Demosthene in primis, ut enim hic ait, *nisi forte*, sic ille, πλὴν εἴ μὴ ὅτι δία, ut in oratione pro Deiopete. πλὴν εἴ μὴ τό τε λίσσαι νῦν δία, ὥς ἂν ἀπίχεται τῆς ἀττικῆς ὁ φίλιππος, καὶ ἀδικεῖν τὴν πόλιν. est autem dictum cum quodam stomacho, & contrariam infert sententiam, ac uidetur. Ita ut simul ὑποφορά, atque ἀνθυποφορά his uerbis comprehensa esse uideatur. De his autem in superioris concionis commentario explicatum est.

PER TÆDIIUM IAM, AUT PUDOREM. Hoc ut incredibile ait, Syllam tædere, uel pudere tyrannidis.

I A M.

IAM. Mox, forte enim sermo increbuerat eum uelle deponere Dictaturam, quam deposuisse superiore anno plerisque scriptoribus placet.

PER SCELVS OCCVPATA PERICVLOSIVS DIMISSVRVM. Fieri nō posse probat, ut Dictaturam deponat. non enim nisi cum maximo periculo id facturus est, quia per scelus eā occupauit. uerisimile enim est fore, ut ii, quibus ille fecerit iniuriam, in eum priuatū faciant impetum. Hanc sententiam sic expressit Thucydides libro secundo in secunda concione Periclis. *imperium, quasi tyrannidem obtineas, quam occupare iniustum, deponere periculosum est.* eadem est etiam in epistola Phalaridis apud Stobæum de tyranno. *Deponere imperium periculosius, quam parare.*

AT ILLE EO PROCESSIT. Altera *ἀντιπρόστος*. poterat enim adhuc occurrere quis hoc modo: ille eo animo est, ut deponendo Dictaturam, pericula etiam subiturus sit, refellit hoc, & ait, hoc minime ita esse, nam cum nihil putare honestum, nisi quod tutum sit, & omnia ea esse honesta, quæ ad retinendam dominationem pertineant. Cum autem duæ potissimum causæ sint, quibus homines ad agendum impellantur.

lantur, Vtilitas, & honestas: hanc semper bene
instituti homines superiori praposuērūt: Tyranni
autem, quorum mores a recta ciuitatis disci-
plina descinerunt, vtilitatem anteponunt digni-
tati. Ita ergo etiam Sylla nihil putat honestum,
quod idem non sit tutum, eaque omnia hone-
sta esse putat, quæ ad retinendam potestatem
spectent. ex quo apparet, periculum imminens
non esse eum subiturum. Est autem in hac tracta-
tione sola ἀνθ' ποφρα posita; id quod sæpissime ab
oratoribus fit; expressaque est per particulam,
at, quæ ei accommodatissima est: ἀλλ' idem
ualet apud Græcos.

E O PROCESSIT. Sumptum est a Græcis.
ἐκ τοῦ προελθῖν. ὥςτις ἔγχεσθαι, Demosthenes.

NIHIL GLORIOSVM, NISI TVTVM.

Odium creat Syllæ, qui honestatem negligit,
eamque commodis suis postponit. sententia hæc
a Thucydide sic expressa est in pestilentiâ: καὶ πικ-
ταχάθεν τὸ ἐς αὐτὸ κερδαιόν, ταύτο καὶ καλὸν, καὶ χρεῖσμον
κατ' ἑστῶ.

Euphenius libro sexto earundem histo-
riarum. Ἀνδρὶ δὲ τυρράνῳ, ὃ πόλει ἀρχὴν ἔχον ἐδὴν ἀλογονό,
τιμὴν μὲν φέρον, δ' οὐδὲ κέρων, τί μὴ πικρὸν. ἰσχυρὸν γὰρ ἐστὶν.

IN ET OMNIA, commemoratio, uel interpreta-
tio est, augendi causa.

IN OMNIA RETINENDA DOMINATIO.

ἡγεμονία

Aa

NIS.

NIS. Genus est dicendi Sallustianum, deest enim causa, ut Græci *ἰννα*. sic sæpe, infra in oratione Philippi: *Exercitum opprimende libertatis habet*. Sic etiam Liuius in concione Ap. Claudii libro quinto; *quàm dissoluendæ tribunicie potestatis ventur esse*.

ITAQUE &c. Post breuem cohortationem redit iterum ad incitandos animos populi commemoratione scelerum Syllæ. est autem hoc sciendum, duo hominum genera fuisse Romæ, unum eorum, qui ad rem publicam administrandam accedebant; & ambitioni inserviebant, & honores capiebant, & in seditionibus ciuilibus alterutri parti se adiungebant, quales erant plerique ciuium: Alterum eorum, qui rem publicam non attingebant, nec sibi attingendam eam putabant, nec magistratus capere, nec seditionibus ciuilibus se immiscere uolebant, sed quiete, & libere degebant, qualem fuisse Atticum scribit Nepos, aut qui post gestos honores, & imperia à republica se abalienabant, ut de Lucullo scribit Plutarchus. Hoc ergo fuit omnium scelerum Syllæ, uel maximum, quod non iis solum non pepercit, qui contra se steterant, cum rem publicam tractarent, sed ne iis quidem, qui neutram partem sequuti erant. itaq; quies, & otium
eorum

eorum cum libertate iam nulla erant.

QUIES, ET OTIVM CVM LIBERTA-
TE &c. QVAM LABOREM CVM HONO-
RIBVS: Hac opponuntur inter se, otium labori,
libertas honoribus: de quibus etiam Cicero in
procemio de oratore; *In negotio sine periculo, in otio
cum dignitate uersari*. Opponit autem libertatem
honoribus; quia qui honoribus inserviunt quo-
dammodo liberi non sunt.

HAC TEMPESTATE &c. Hortatur ite-
rum à necessario. nam cum sint tres conditio-
nes hominum, qui imperent, qui seruiant, qui
neque imperent, neque seruiant, ostendit me-
dium uitæ genus non esse in potestate ciuium
Romanorum, duò tantum relinquit, ut aut im-
perent, aut seruiant: imperent sui satellites, ser-
uiat plebs: at seruitus contraria democratiæ fi-
ni necessaria autem est libertas.

TEMPESTATE Pro tempore, uerbum an-
tiquum, quibus delectatur Sallustius.

FACIENDVS METVS, AVT HABENDVS.
Commoratio, qui enim imperant metum fa-
ciunt, qui seruiunt, habent: sic etiam Quinti-
lianus libro sexto: *Metum duplicem intelligi uolo,
quem patimur, & quem facimus*.

NAM QUID &c. Tercio relabitur ad inci-

tandos animos populi commemoratione scelerum Syllæ, & earum rerum, quæ ab eo scelerate patrata sunt. Ea uero sunt hæc; humana, atque diuina iura polluit; populum imperio priuauit; plebi alimenta eripuit; socios, & Latinos ciuitate à populo data prohibuit; plebis sedes satellitibus suis dedit; leges, iudicia, ærarium, prouincias, reges ad se transtulit; uitæ ciuium, necisque licentiam sibi uendicauit; sepulchra sanguine ciuium infecit; scelera sunt; impietas, iniustitia, rapacitas, potestas nimia, eaque contra leges, crudelitas inaudita. Has autem perturbationes affert animis eorum; iram, nemescim, odium, misericordiam.

NAM QUID ULTRAS? Interrogatione uehementior fit oratio. ostendit autem his suprema supplicia sumpsisse Syllam de plebe.

QVÆVE HUMANA SUPERANT, AUT DIVINA IMPOLLUTA SUNT? Homines, ac Deos uiolasse Syllam significare uidetur, est autem ita subaudiendum. Quæue humana iura superant polluenta, aut quæ diuina iura ab eo non sunt polluta? ut pro Roscio. *Qui cum omnia iura humana, atque diuina scelere nefario polluisset. & in Philippicis. inexpiabili scelere omnia iura Deorum, hominumque pollueret.* Translatio sumpta ab inquinamentis.

POPVLVS ROMANVS. PAVLLO ANTE GENTIVM MODERATOR. Comparat præsentem statum populi cum superiore, in quo misericordiam mouet. paullo enim ante erat gentium moderator, nunc exutus imperio est. à sublimi autem ad abiectam delabi fortunam, miserabile est.

GENTIVM MODERATOR. Id est, qui iura, legesque gentibus dabat, non quia omnibus imperaret, sed quia plerisque. Demosthenes inquit, τῆν ἑλλάδα διοικῶν. id est *Græcie moderator*.

PAVLLO ANTE. Exiguitas temporis rem facit miserabilem. nam si multos ante annos hoc passus essent, non adeo miserabilis eorum esset fortuna. ut docet Aristoteles de Misericordia libro secundo Rhetoricorum. *Et quæ modo eueniunt, aut breui euentura sunt, miserabiliora; ponunt enim rem ante oculos.*

EXVTVS IMPERIO. Nedum misericordiam; sed & odium etiam hoc continet, iniustum enim est aliquē exui, atque ui priuari eo, quod iamdiu tenet; sic Macer Trib. plebis his eisdē historiis. *Exuti omnibus, quæ maiores reliquere.* opponuntur autē hæc, *gentium moderator, & exutus imperio.* auget autem cum inquit. *imperio, gloria, iure.* idem enim prope ualent: Imperium enim, & ius

& ius, id est libertas sunt eadem re, differunt autem ratione; imperium respicit eum, qui imperat; libertas autem eum, qui nemini seruit; gloria autem ex utroque consequitur. Erat autem populus exutus imperio, quia Sylla prouocationem ad populum sustulerat, Peditanus in secundam Verrinam, & Tribunis ius ferendarum legum ademerat; Epitomæ libro octuogesimo nono.

COGITANDI IN OPS. Hæc etiam superioribus grauiora sunt. est enim incertus, quid consilii capiat, ut in extremo discrimine positus.

DESPECTVS. Contemptus, qui est pars paruifactionis, ex paruifactione uero nascitur ira. merito autem despectam esse plebem ait, nam Tribunis plebis aliorum honorum petitionem eripuerat, atque omnem potestatem ademerat.

NE SERVILIA QUIDEM ALIMENTA. Hoc est etiam apud Aristotelem. nam inter eas res, quæ misericordiam afferunt, ponit *alimenta inopiam*, ea enim & interitum, & dolorem affert ei; modi uero mala sunt miserabilia. auget autem, cum ait, ne ea quidem alimenta, quæ seruis dantur, plebi dari. Hoc autem intelligere uidetur

uidetur, de quo Pedianus in Diuinationem, *plebs rustica partim agros, partim ius ciuitatis amisit, partim proscrip̃ta est uictore Sylla, quod plebs Romana de Marianis partibus fuerit.*

2. SOCIORVM, ET LATII. Hoc pertinet ad id, ut contemptam à Sylla plebem probet, quia quæ præmia ipsa sociis, ac Latinis dederat, ipse eripuit: dederat autem ius ciuitatis. huius autem rei hæc testimonia habemus. inquit enim Cicero pro Cornelio. *Lege Iulia sociis, & Latinis ciuitas data est.* at uero pro domo sua. *Sylla Dictatore ferente populus Romanus comitiis centuriatis municipiis ciuitatem ademit, & agros.*

PRO MVLTIS, ET EGREGIIS FACTIS. Quomodo ciuitas daretur præmii uirtutis loco, legi potest apud Ciceronem pro Cornelio Balbo.

PER VNVM. Verbum apud populum inuidiosum.

ET PLEBIS INNOXIÆ. Concitat odium Syllæ, cum sceleratis bona plebis distribuisse ait; nemefim, cum indignis ea data ait, sunt enim satellites; misericordiam, cum hæc innocentibus crepta esse inquit. Significat autē Syllam agros, quos plebi eripuit, suis satellitibus donasse. inquit enim Plutarchus in Sylla. *Pulchris mulieribus, fidicimibus,*

fidiciniibus, histriionibus, libertinis, monstis gentium, agro-
urbium uectigalia largitus est, nonnullis inuitarum coniu-
gia facinarum.

INNOCIA. Aristoteles ait, Misericordiam
commouere casum alicuius, qui indignus eo sit, ita plebs
propter innocentiam indigna erat, cui agri cri-
perentur; innocentibus autem nocere tyran-
nicum est. itaque Ptolemæus Philadelphus, cum
alia multa incommoda esse in tyrannide, dicebat, tum hoc
unum, quod innocentes interficere cogerentur sui commodi
caussa, Stobæus de tyrannide. atq; etiã Aristhenes
philosophus carnifices pietate præferbat tyran-
nis, quod illi nisi nocentes mactarēt, hi autē ple-
runq; innocentes. Quot autē innoxios Sylla in-
terfecerit opum eorum causa Plutarch. in Sylla.

PATRIAS SEDES. Affert misericordiam;
suis enim bonis spoliari miserabile est.

ODIO CUPA VERE. Odium facit, quia per uim,
& iniuste id factum est.

PIAVERE. Facit inuidiam.

SATELLITES. Nemesis affert, est enim
nemesis, offendi bonis alicuius, quibus dignus
non est; turpes uero sunt satellites, qui alteri ser-
uiunt, & assentiuntur, quod non est hominis li-
beri; ut ait Aristoteles.

MERCEDEM SCELERVM. Odium affert,
sunt

sunt enim odio scelerati bonis omnibus merces autem fuit; uel quod una intulerint bellum ciuibus, uel quod proscriptos interemerint, uel quod ministri libidinis Syllæ fuerint. sic etiam Cicero ait in Philippicis; Antoniū collusoribus, & satellitibus suis agros donasse, itemque Philip-
pum Demosthenes.

LEGES, IVDICIA, ERARIVM. Inuidiam facit, cum nimiam eius potentiam ostendit, uel potius nemescim, iam enim sceleratum domi-
nari probatū est; potentiam autem eius probat hoc modo, quia Consulum, Senatus, & populi potestatem, ex quibus tribus esse confusam rem publicam Romanam ante diximus, sibi uni uendicauit; ita, ut monarchiæ genus, id quod tyrannis dicitur, fecerit. Hæc autem descriptio monarchiæ, quā affert Lepidus eadem ferè est apud Plutarchum in Sylla. *Factorum omnium ei per S. C. licentia data est. in posterum tributa potestas, necis, confiscationis, sortitionum, possessionis, populationis, auferendi regni, conferendi cuicunque libuisse.* Similiter etiam in nobilitatem inuidiam mouet Macer apud eundem Sallustium his eisdem historiis. *Aerarium, exercitus, regna, prouincias occupauere. item Catilina, omnis gratia, potentia, honos, diuitie apud illos sunt.* Si-

militerque & Memmius in Iugurthino. **LIBER.** Legum cōcedendarum ius erat apud populum, & apud Senatum: populus ferebat rogante patricio magistratu, ut Consule: quæ præcipue leges dictæ sunt, uel plebeio, ut Tribuno plebis, quæ proprie plebiscita uocata sunt. quæ uero Consule referente senatus decreuit, ea senatuscōsulta dicta sunt, Polybius libro sexto, & Institutiones Iustiniani. Hic ergo, quæ erant senatus, & populi, ad se transtulit.

IUDICIA. Iudiciorum ius etiam apud Senatum, & populum erat. nam, ut scribit Polybius libro sexto. Senatus cognoscebat maleficia per Italiam commissa, ut proditiōis, coniurationis, ueneficii, cædis, insidiarum. Lege autem Tulli Hostilii prouocatio in crimine perduellionis erat à Duumuiris capitalibus ad populum. lege etiam Valerii quisq; à Consulibus ad populum prouocare poterat, ut scribit Liuius libro primo, & secundo. Cum autem ex lege Gracchi iudicia essent penes equites Romanos solum, Sylla ad senatum transtulit, quoniam equites contra se steterant, Pedianus.

ÆRARIUM. Senatum fuisse ærarii domini, & administratorem, testis est Polybius libro

bro sexto. Quætores enim sine auctoritate senatus, nisi iussu Consulis in rem nullam sumptum facere poterant.

10. PROVINCIAE. Prouinciæ uidentur & in senatus, & in populi potestate fuisse; alii enim a senatu in prouincias missi sunt, ut Pompeius in Hispaniam, alii à populo, ut idem contra Mithridatem.

11. REGES. Ius regum appellandorum senatus erat. itaque Nicomedem, Deiotarum, Ariobarzanem, antea etiam Attalum senatum regnare iussisse, & reges appellasse, constat.

12. NECIS CIVIVM. Polybius libro sexto, neminem de capite ciuis Romani iudicare potuisse, ait, præter populum. hæc autem per ἀδελφῶν sunt expressa.

13. SIMVL HUMANAS &c. Crudelitatis commemoratione odium facit, ostenditque iura etiam diuina esse uiolata, cum homines quasi hostias mactauerit, & ad sepulchra interfecerit. de his autem uidetur intelligere. *L. Sylla M. Platorum*, qui ad eius supplicium exanimis ceciderat, continuo ibi mactauit, *Valerius* libro nono. *L. Sylla M. Metarum* Praetorem per ora uulgi ad sepulchrum *Lutatiae* gentis pertractum non prius uita priuauit, quam oculos infelices erueret, & singulas corporis partes confringeret.

Valerius eodem loco, Plutarchus in Sylla. *Neque Deorum templa, neque hospitales penates, neque paternum domicilium à cadibus purum erat.*

VIDISTIS. Mouet à sensu oculorum, qui est accerrimus.

ESTNE VIRIS &c. Tertio hortatur ad arma contra Syllam capienda commotis satis animis superiore scelerum mentione. Loci, unde argumentatio ducta est, sunt ab honesto; & necessario; honestum ducit esse, ut Syllæ resistent, uel ut iniuriam ulciscantur, uel ut fortiter moriantur; necessarium, quia mors omnibus proposita est, uiri autem fortes extremam necessitatem expectare nihil ausi non debent. Argumentatio hæc ea est, de qua Cicero in Partitionibus, *Illæ autem altera argumentatio quasi retro; & contra prius sumit, quæ uult, eaque confirmat; deinde id, quod proponendum fuit, per motis animis iacit ad extremum.* quod hic obseruatum est. Utitur autem interrogatione, quo oratio fiat ardentior.

VIRIS. Vim habet, omnino enim suadere uult; ut aut fortiter se ulciscantur, aut fortiter moriantur. est autem fortitudo *ἀνδρεία*, quæ est à viro dicta. Hanc definit Aristoteles libro primo Rhetoricorum hoc modo. *Fortitudo est, per quam honestas in periculis obimus actiones, & ut præcipit*

lex,

lex, & legi obtemperamus; timiditas uero contra. ita hic uir esse ait, idest fortis, uel soluere iniuriam, ex rebus enim honestis una est, ut ex Aristotele de honesto. uel per uirtutem mori, habet enim res periculum, nihil enim est morte terribilius, ut ait Aristoteles; periculum autem est appropinquatio rei terribilis, & hoc fortitudo non recusat. sic Liuius libro secundo. Bellum uobis indictum est, magno eorum malo, qui indixere, si uiri estis.

PER VIRTUTEM. Nam dixit etiam uiris. Vir autem, & uirtus idem sunt hoc loco, quod apud Græcos, ἀνδραγαθία, uox ἀνδραγαθία. Est autem hoc loco attendendum, quemadmodum facere fortiter, & pati fortiter sit honestum, quod etiam tradidit Aristoteles libro primo Rhetoricorum, quod contra contingit in iustitia, quæ enim iuste fecimus, honesta sunt, quæ iuste patimur, turpia. ut cum iure plectimur, id ignominia est.

QUONIAM VNVM OMNIBVS. Quia plerisque mors formidabilis est, propterea ad eam adhortatur alia ratione, quia scilicet ea sit necessaria, nam omnibus natura unum finem statuit, etiam iis, qui ferro sunt sepi. quasi ergo soluit obiectionem quandam. At mors etsi honesta sit, non est obeunda. Immo uero, inquit, quoniam

nam est omnibus communis.

VNUM OMNIBUS FINEM. Hæc sententia trita est. Aristophanes sic eam expressit.

τι γὰρ φοβέσθαι τὸν θάνατον ὁ δὲ θάνατος ὁμοῦν ἐστὶν γὰρ ἡμῶν τὸ τοῦ θανάτου παθεῖν.

VEL FERRO SEPTIS. Sumptum a bello est, non enim magis pertimescenda iis mors est, qui uel uirtute, uel insidijs hostium circumuenti sunt, quibusque ferrum imminet, quàm reliquis hominibus omnibus.

NEQUE QVISQVAM. Ut superiora hortantur ad fortitudinem adhibendam, sic hæc hortantur ad timiditatem euitandam, quod est extremam necessitatem nihil ausum expectare. nam illud est uirorum, hoc mulierum.

EXTREMAM NECESSITATEM. Id est mortem, quam supra dixit, finem; quam necessitatem uocat, quia est communis omnibus, & extremam, quia ultima est dissolutio animi, & corporis.

NIHIL AVSUS. Id est nullare fortiter gesta.

NISI MULIERI INGENIO. Id est nisi qui sunt muliebri natura præditi, ingenium enim pro natura ponitur, muliebri ingenium pro timido ponitur. Quare Homerus Achiuos: *Achius* uocat, timidos eos significans in *Iliados*: opponitur autem illi nomini, *uiris*.

Verum

V Erum ego seditiosus, uti Sylla ait, quia
præmia turbarum quæror; Et bellum cu-
piens, quia iura pacis repeto. scilicet, quia
non aliter salui, satisque tuti in imperio eri-
tis, nisi Vettius Picens, scriba Cornelius alie-
na bene parta prodegerint; nisi approbaritis
omnes proscriptiones innoxiorum ob diuitias;
cruciatu uirorum illustrium; uastatam ur-
bem, fuga, Et cadibus; bona ciuium miserorum,
quasi Cimbricam prædam uerum, aut dono
datam. At obiectat mihi possessiones ex bonis
proscriptorum. quod quidem scelerum illius
uel maximum est, non me, neque quemquam
omnium satis tutum fuisse, si recte facere-
mus. atque illa, quæ tum formidine merca-
tus sum pretio, soluto iure, dominis tamen
restituo: neque pati consilium est, ullam ex ci-
uibus prædam esse. satis illa fuerint, quæ ra-
bie contracta tolerauimus; manus consere-
tes inter se Romanos exercitus, Et arma ab
externis in nosmet uersa. scelerum, Et contu-
meliarum omnium finis sit: quorum adeo
Syllam

Syllam non pœnitet ut & facta in gloria numeret, & si liceat, avidius faceret.

VERVM &c. Digreditur hoc loco ad refutanda quædam crimina Syllæ, quorum tria genera sunt, unum Lepidum seditiosum esse; alterum belli cupidum; tertium eundem proscriptorum bona emisse. De aduersariorum quidem criminum dissolutione in uniuersum superiori commentario satis explicuimus. Hæc autem tria quomodo à Lepido diluantur, sigillatim ex Aristotele ostendemus.

VERVM EGO &c. Aristoteles libro tertio Rhetoricorum docet, *Quoniam fieri potest, ut eadem res pluribus de causis gesta sit, calumniator deprauare ipsam rem debet in deteriore partem sumendo, contra qui criminationem depellit in meliorem trahendo ornare.* Hoc loco usus est Lepidus in duobus primis criminibus a se repellendis. Ie enim non seditiosum esse ait, sed seditiosos præmiis afficere, nec bellum cupere, sed pacis iura repetere. Tractatus est autem hic locus προτάσεις, υποφωρά, καὶ ἀνθυποφωρά, quæ sunt refellendæ obiectionis instrumenta.

VERVM. Particula apta est obiectioni refutandæ, ut etiam at, atenim.

Ego

EGO SEDITIONVS. *ὑποπορά*, qua utebatur Sylla ad eleuandam fidem Lepido. Quoties autem non pro sua quisque opinione obtinere in Republica putat, seditiones nascuntur, & discordiae, Aristoteles in Politicis: est autem ferè seditio, ciuilis tumultus. TULLIO 2

VTI SYLLA AIT. *πράσσει*.

QVIA *ὑποπορά*.

PRAEMIA TURBARVM QVEROR. Id est quia doleo seditionibus esse proposita praemia.

TURBARVM. *τὴν*, græce tumultum significat; Lucianus. *ὁρῶ ποικίλιν τὴν τύβην, καὶ μετὸν ταραχὴς τὸν βίον*. est autem y in u. uersum, ut Sylla Sulla.

ET BELLVM CUPIENS. Altera, *ὑποπορά*.

BELLVM CUPIENS. *φιλοπόλεμος*. est autem grauius bellum, quam seditio, hæc enim cum inimicis, illud cum hostibus, hæc cum suis, illud cum externis, sed tamen hoc etiam ad suos transtulit augendi causa. De tumultus, belliq; differentia; atque significatione pulcherrimus locus est: apud Ciceronem octaua Philippica.

QVIA IURA PACIS. Alterius obiectionis: *ὑποπορά*. Sunt autem iura pacis, ut æque quisque suis fortunis fruatur, & quiete uiuat. est autem hæc oratio morata, qua sibi beneuolentiam conciliat, odium aduersario parit.

SCILICET. Alius locus refellendi crimina, de quo Aristoteles libro tertio Rhetoricorum; *criminentem recriminari*; Obiicit enim ei possessiones bono

1011

Cc rum

rum satellitibus datas, cædes, cruciatus uirorum, exilia; præclare, *nam*, ut ait Aristoteles ibidem, *absurdum est eius uerbis fidem habere, qui indignus sit, cui credatur.*

SCILICET. Addita est Ironia, sunt autem ironiæ exprimendæ aptæ particulæ, *scilicet, credo, enim*, ut apud Demosthenem *in Sila*.

NON ALITER SALVI. In contrariam sententiam accippiendum est. Rempublicam nimirum perditam esse, quia Vettius, & Cornelius aliena bene parta prodigunt, & quia plebs approbat proscriptiones, & cædes, & exilia Syllæ. Odium autem parit Syllæ, qui sceleratos præmiis afficit. Nemesis, quia indignos decorari ait.

VETTIVS PISCENS. Hi sunt satellites Syllæ turpiores. de Vettio hoc nihil memini me legisse. Odium ei parit, quod e Piceno esset, non ex urbe. *Regum cohortem ex cluibus esse, tyrannorum ex externis*, docet Aristoteles libro quinto de Republica.

CORNELIVS SCRIBA. neque in hunc adhuc incidi, erat autem satelles Syllæ, forte etiam libertus, quia nomen eius sequebatur; ut Sex. Clodius fuit scriba P. Clodij Tribuni plebis, qui egit Ciceronem in exilium. M. Claudius Gliecia scriba fuit P. Clodii, qui rem male gessit primo bello Punico, Fasti cōsulum. Aemilius præco satelles fuit Scipionis Aemiliani, Plutarchus in Aemilio. M. Tullius scriba Ciceronis. Parit autem odium à ministerio.

PRODE-

PRODE-

PRODEGERINT. Prodigere est effundere, & consumere, unde prodigus, hoc autem dicit sapiens, nam, ut ait Aristoteles libro secundo Rhetorico tum, qui nonis fruuntur diuitijs incurias inferunt non malitia, sed partim contumeliæ, partim incontinentiæ plenas, ut in uerberationem, & adulterium. Opponuntur autem hæc bene parere, & prodigere, quod est male effundere. Idem Aristoteles libro quinto Politicorum ait, tyrannos malos amicos parere.

NISI APPROBARITIS OMNES PROSCRIPTIONES INNOXIORVM. Plutarchus in Sylla. Sylla primo die octoginta proscripsit, altero ducentos, ac uiginti, tertio non pauciores adiunxit, de quibus cum concionem haberet, dixit se quoscunque recordaretur proscribere, quos uero memoria non teneret, se mox proscripturnum. Primus Sylla proscriptionem inuenit, quæ deinde usurpata est à triumuiris Reip. constituendæ, Velleius libro secundo.

INNOXIORVM. Misericordiam, Nemesisque mouet.

OB DIMITIAS. Ira Plutarchus in Sylla. Proscriptorum magna pars pecuniarum suarum causa neci tradita est, ita ut intersectoribus sæpe dicendum esset, hunc domus suâ, hunc hortus interemit. C. Aurelius cum ad tabulam accessisset, in eaque nomen suum legisset, dixit Albana uilla me prodidit, & paullo post à sicariis interfectus est. lege in concione Cæsaris in Carilinario. Nam uti quisque aut domum, aut nullam postremo eius,

aut uestimentum alicuius concupierat, dabat operam, ut is in proscriptorum numero esset. Aristoteles in Politicorum libro quinto. Tyranni, inquit, pecunias congerere, & augere student. Reges, eas potius res, quæ ad honorem, & gloriam ualent. Habet autem odium sceleratum quicquam moliri diuitiarum causa.

CRUCIATUS. Ut de M. Mario. M. Pletorio, narrat Plutarchus & Valerius de crudelitate. Res miserabiles, ait Aristoteles, esse eas, quæ interitum afferant, uel dolorem, inter eas autem numerat uerberationes, & cruciatus corporum.

VIRORVM ILLVSTRIVM. Habet Nemesim, & odium.

VRBEM VASTATAM FUGA, ET CAEDIBVS. His enim duobus modis urbs uexatur a Tyrannis, alios interimendo, alios in exilium pellendo, ut docet Aristoteles. Tyranni multitudinem ex urbe eicere solent, ydæq, primores interficere imperij cōseruandi causa in Politicis. FUGA. q. d. Sertorium intelligit, & reliquos, qui ad eum confugerant, & bellum parabant in Hispania, cum ante proscripti essent a Sylla.

CAEDIBVS. Quam multos interfecerit Sylla docet Plutarchus, Appianus, Valerius.

BONÆ CIVIVM MISERORVM. Misericordiam affert, quia indigni eo casu fuerint. superius, innoxiorum. Ad hoc pertinet, quod est apud Cicero- nem secundo de Officiis cum de Sylla sic loquitur. Est ausus dicere, hasta posita, cum bona in foro uende-

ret, & bonorum virorum, & locupletum & certe civium, prædam suam se vendere.

QVASI CIMBRICAM PRÆDAM. Odium movet Syllæ, qui bona civium vendiderit, aut donaverit, quasi Cimbricam prædam. Cum Cimbris enim, inquit, Cicero de officijs libro primo, bellatum est de capite. ergo merito præda Cimbrorum, ut capitalium hostium vel venum, vel dono data est, De Cimbris Marius, & Catulus triumpharunt. Par etiam proverbiū est apud Græcos. *μυτῶν λεία*. *Mitforū prædā*. de quo Harpocration in Lexicon. Demosthenes in oratione pro Ctesiphonte, Aristoteles libro primo Rhetoricorum, & illud apud Latinos. *Sardi venales*.

AT OBIECTAT. Tertium crimen, quod sibi à Sylla obieciatur, diluit. Obieciat autem, quod bona proscriptionum empta teneret. Diluit autem duobus modis, quorum unus hic, de quo Aristoteles libro tertio Rhetoricorum. *Si calumniator unus ex ijs sit; qui illam culpam, quam criminatur, admiserit*. ostendit enim Syllam proscriptionis auctorem eius fuisse. Alter vero est, quod criminatē recriminatur, se enim ait poenitere, & restituere, quæ emit, Syllam vero minime poenitere. Argumentatio, qua primus locus tractatus est, dicitur à Græcis. *Blasior*; retorquet enim argumentum Syllæ in eum, & ait non se accusandum esse, qui emerit, sed Syllam, qui proscripserit. Hac argumentatione usus est etiam in epistola

epistola Mithridatis. *at qui ea, qua te posse morari uidentur, si uera existimare uoles, maxime hortabuntur.* eadem etiam usus est Cicero pro Lege Manilia, cum argumenta Catulli refelleret. Alter locus tractatus est comparatione suæ uoluntatis, & Syllæ.

OBIECTAT. id enim uituperabile etiam Syllæ aliquando uisum est, præcipue uero in Lepido, qui eius acta reprehenderet. Cornelius Nepos, cum de Attico scriberet, laudi id tribuit ei, quod ad hastam nunquam accesserit.

QVOD QUIDEM SCELERVM ILLIVS. Prima criminis dilutio.

ATQVE ILLA. Altera ratio, qua à se repellit Syllæ criminationem, qua se poenitere ait, & bona dominis restituere, nec bellum cupere, contra uero Syllam contraria agere. Hoc modo se bonum uirum ostendit, Syllam improbum. Sibi beneuolentiam, illi odium comparat. Historia autem hæc confirmatur cum ex oratione Philippi, qui inquit. *An Lepidi mandata animos mouent, qui placere ait, sua cuique reddi, & aliena tenet, belli iura rescindi, cum ipse armis cogat.* Tum ex Floro, ubi agit de bello Lepidi, qui ait, *Lepidum acta Syllæ rescindere uoluisse, & proscriptis bona restituere.* idemq; confirmat etiam Appianus libro primo.

QVÆ TVM FORMIDINE. Adiuuat causam suam, quantum potest, & Syllæ causam opprimit. Est enim illud *formidine* in sui excusationem dictum Syllæ autem accusationem.

Adhuc

NEQVE

NEQVE PATI CONSILIUM EST. Hæc, quæ sequuntur, dicta sunt ad ornandam uoluntatem suam, itaque commoratio est, explicandæ magis, & augendæ uoluntatis suæ caussa, quo maiorem sibi beneuolentiam pariat hac eximiæ probitatis specie.

PRAEDAM EX CIVIBVS. Præclare, nam præda proprie est ex hostibus.

SATIS ILLA. Commoratio. Bellorum ciuiliū, & incommodorum eiusmodi finem hunc esse cupere se ait.

RABIE Rabiem per translationem iram uocat, est enim rabies, quæ ex tribus morbis, quibus canes laborare tradit Aristoteles de Historia animalium, estque ea furor, quo incitati huc, & illuc aguntur, sic etiam Sylla ira exagitatus fuerat, nempe ut inimicos ulcisceretur.

MANVS CONSERENTES. Interpretatio. Exponit enim, quæ sint ea, quæ rabie contracta tolerauerint. Appianus scribit ante bellum Marianum seditiones, ac tumultus tantum in urbe excitatos fuisse, non exercitu, nec imperatore rem esse actam: bello autem Mariano primum ciues signis, & exercitu manus contulisse. primum cum Sylla reuersus eiecit Marium ad Portam Collinam, & Exquilinam pugnatum est. Deinde in foro cum Cinna ab Octauio eiectus est ex urbe. tum ad urbem, cum Cinna & Marius reuersi ingressi sunt in urbem. de
mum

mum sæpius & ad urbem, & in Italia, & in Sicilia,
& in Africa reuertente Sylla ex Asia.

AB EXTERNIS. A Cimbris, Teutonibus, Numidis, Mithridate, hi enim paullo ante uicti erant a populo Romano, cum a Mario, tum a Sylla; quare ijs exercitibus, quos ad ea bella conficienda a populo acceperant, inter se pugnarunt. eademque illa arma, quæ contra externos parata fuerint, inter ipsos uersa sunt.

SCELERVM, ET CONTVMELIARVM OMNIVM FINIS SIT. Eadem, quæ supra commoratio est, quæ omnia superiora comprehendit, à parte enim ad totum peruenit. *scelera, & contumelias*, Græci κακουργήματα, καὶ ὕβρις. scelera, afferunt damnum, ut cædes, rapinas, exilia. contumeliæ dedecus, ut supra. item scelera odium faciunt, contumeliæ iram.

QVORVM ADEO SYLLAM. Nunc cōparat Syllæ uoluntatem cum sua, & contendit eum non pœnitere scelerum, & contumeliarum. Huius uoluntatis duo affert signa. unum est quod facta in gloriæ loco ponat. alterum quod si liceat, auidius faceret. sic in concione Macri. Neque eos, qui ea fecerunt, pudet, aut, panitet, sed incedunt per ora uestra magnifice sacerdotia, & consulatus, ipsi triumphos suos ostentantes.

Neque

NEque iam, quid existimetis de illo, sed
quantū uos audeatis uereor: ne alius aliū
principem expectantes ante capiamini,
non opibus eius, quasutiles, & corrupta
sunt, sed uestra socordia, quam raptum
iri licet, & quam audeat, tam uideri fe-
licem: nam prater satellites commacula-
tos, quis eadem uult? aut quis non omnia
mutata prater uictoriam? scilicet mili-
tes, quorū sanguine Tarula, Scyrrhoq, pes-
simis seruorum diuitia parte sunt. an
quibus praelatus in magistratibus capien-
dis Fusidius ancilla turpis, honorum om-
nium dehonestamentum? itaque maxi-
mam mihi fiduciam parit uictor exerci-
tus, cui per tot uulnera, & labores nihil
prater tyrannum, quæsitus est. nisi forte
tribunitiam potestatem euersum profe-
cti sunt, per arma conditam a maioribus
suis: utiq, iura, & iudicia sibi met extor-
querent: egregia scilicet mercede, cum

Dd

relegati

relegati in paludes, & sylvas, contumeliam, atque inuidiam suam, premia penes paucos intelligerent. Quare igitur tanto agmine, atque animis incedit? Quia secunda res mire sunt uitij obtinui: quibus labefactatis, quam formidatus antea est tunc continetur: nisi forte specie concordia, & pacis, quæ sceleri, & paricidio suo nomina indidit. neque aliter Romani Populi esse belli finem ait, nisi maneat expulsa agris plebs, praeda ciuilibus acerbissima, ius, iudiciumque omnium rerum penes se, quod populi Romani fuit.

NEQUE IA M. Nunc demum attingit το παρὰ λαιον
 τὴν δυνάμιν. nam ad suadendum quippiam mirabile est
 quantam uim facilitatis ostensio habeat, de qua
 in superiori commentario ea, quæ ad huius etiam
 loci expositionem pertinent, in uniuersum explicata sunt. in his igitur ostendit Lepidus facile
 expugnari posse Syllam, quia sit infirmis opibus.
 Hoc autem probat, quia nullos nisi paucos satellites
 fidos habet, nam milites, quia eos contumeliis

lis affecit habebit aduersos. incidit autē locus opportunus ad ignauitā plebis increpandā, quam si abiecerint, ostendit, spem esse melioris futuræ reipublicæ. Mouet autem & hic eundem, quem etiam Pericles, fiduciæ affectum, quibus autem modis hoc faciat sigillatim docebitur. conciliat sibi auditores cum se uereri ait, ne socordia parum audeat. Tractatio huius loci est *καλὰ ἀνθίστην ἀγώνισμα*. occurri enim poterat, non esse mouenda arma Syllæ, quia potentissimus sit, refellit eorum obiectionem, ostendens infirmissimum esse eum, itaque est *ἀντιδιδότω*.

NEQUE IAM. Transit a ratione ad rationem. iamque se scire ait eos satis esse superioribus rationibus ad bellum Syllæ inferendū inflamatos, sed sibi dubitationis aliquid afferre, nō opes eius, sed eorū socordiā. ostendit autem opes esse corruptas, socordiam esse abijciendam. estque hæc quasi cum superioribus rationibus, a quibus aliquanto sui excusationis causa digressus erat, copulatio.

QVĬD EXISTIMETIS. Hoc ad superiora argumenta pertinet, idest non uereor, quin putetis eum dignum esse, cui bellum inferatur.

SĒD QVANTVM. Hoc pertinet ad sequentia, quibus metum eorū est adempturus, & fiduciam allaturus, quam ipse audaciam appellat.

NE ALIUS ALIVM PRINCIPEM EXPECTANTES. Socordiam eorum damnat, eaque

nam est omnibus communis.

VNUM OMNIBUS FINEM. Hæc sententia trita est: Aristophanes sic eam expressit.

τί γὰρ φοβέσθαι τοὺ θάνατον, ὃ πρὸς πάντας.
πάντες γὰρ ἡμῶν τὸ τοῦ θανάτου παθεῖν.

VEL FERRO SÆPTIS. Sumptum à bello est, non enim magis pertimescenda iis mors est, qui uel uirtute, uel insidiis hostium circumuenti sunt, quibusque fetrum imminet, quàm reliquis hominibus omnibus.

NEQVE QVISQVAM. Ut superiora hortantur ad fortitudinem adhibendam, sic hæc hortantur ad timiditatem euitandam, quod est extremam necessitatem nihil ausum expectare. nam illud est uirorum, hoc mulierum.

EXTREMAM NECESSITATEM, Id est mortem, quam supra dixit, *finem*; quam *necessitatem* uocat, quia est communis omnibus, & *extremam*, quia ultima est dissolutio animi, & corporis.

NIHIL AVSUS. Id est nulla re fortiter gesta.

NI SI MULIEBRI INGENIO. Id est nisi qui sunt muliebri natura præditi, ingenium enim pro natura ponitur, muliebri ingenium pro timido ponitur. Quare Homerus Achiuos *Achius* uocat, timidos eos significans in *Iliados*: opponitur autem illi nomini *αἰεὶς*.

Verum

Verum ego seditiosus, uti Sylla ait, quia
præmia turbarum quæror; & bellum cu-
piens, quia iura pacis repeto. scilicet, quia
non aliter salui, satisque tuti in imperio eri-
tis, nisi Vettius Picens, scriba Cornelius alie-
na bene parta prodegerint; nisi approbaritis
omnes proscriptiones innoxiorum ob diuitias;
cruciatu uirorum illustrium; uastatam ur-
bem, fuga, & cadibus; bona ciuium miserorum,
quasi Cimbricam prædam uerum, aut dono
datam. At obiectat mihi possessiones ex bonis
proscriptorum. quod quidem scelerum illius
uel maximum est, non me, neque quemquam
omnium satis tulum fuisse, si recte facere-
mus. atque illa, quæ tum formidine merca-
tus sum pretio, soluto iure, dominis tamen
restituo: neque paræ consilium est, ullam ex ci-
uibz prædam esse. satis illa fuerint, quæ ra-
bie contracta tolerauimus; manus conferen-
tes inter se Romanos exercitus, & arma ab
externis in nosmet uersa. scelerum, & contu-
meliarum omnium finis sit: quorum adeo
Syllam

Syllam non pœnitet, ut & facta in gloria numeret, & si liceat, audius faceret.

VERVM &c. Digreditur hoc loco ad refutanda quædam crimina Syllæ. quorum tria genera sunt. unum Lepidum seditiosum esse; alterum belli cupidum; tertium eundem proscriptorum bona emisse. De aduersariorum quidem criminum dissolutione in uniuersum superiori commentario satis explicuimus. Hæc autem tria quomodo à Lepido diluantur, sigillatim ex Aristotele ostendemus.

VERVM EGO &c. Aristoteles libro tertio Rhetoricorum docet, Quoniam fieri potest, ne eadem res pluribus de causis gesta sit, calumniator deprauare ipsam rem debet in deteriorem partem sumendo, contra qui criminationem depellit in meliorem trahendo ornare. Hoc loco usus est Lepidus in duobus primis criminibus a se repellendis. se enim non seditiosum esse ait, sed seditiosos præmiis afflicti queri, nec bellum cupere, sed pacis iura repetere. Tractatus est autem hic locus προτάσει, υποπόρῃ καὶ ἀντιυποπόρῃ, quæ sunt refellendæ obiectionis instrumenta.

VERVM. Particula apta est obiectioni refutanda, ut etiam at, atenim.

Ego

EGO SEDITIONVS. *ὑποπορὰ*, qua utebatur Sylla ad eleuandam fidem Lepido. *Quoties autem non pro sua quisque opinione obtinere in Republica putat, seditiones nascuntur, & discordiae*, Aristoteles in Politicis: est autem ferè seditio, ciuilis tumultus.

VTI SYLLA AIT. *ἀνθυποπορὰ*.

QVIA *ἀνθυποπορὰ*. PRAEMIA TURBARVM QVEROR. Id est quia doleo seditionibus esse proposita præmia.

TURBARVM. *τὴν τὴν*, græce tumultum significat: Lucianus. *ὁρῶ ποικίλην τὴν τὴν τὴν, καὶ μετὰ ταραχὴν τὸν βίον*: est autem y in. u. uersum, ut Sylla Sulla.

ET BELLVM CVPIENS: Altera, *ὑποπορὰ*.

BELLVM CVPIENS. *φιλοπόλεμος*. est autem grauius bellum; quam seditio, hæc enim cum inimicis, illud cum hostibus, hæc cum suis, illud cum externis, sed tamen hoc etiam ad suos transtulit augendi causa. De tumultus, belliq; differentia, atque significatione pulcherrimus locus est: apud Ciceronem octaua Philippica.

QVIA IVRA PACIS. Alterius obiectionis: *ἀνθυποπορὰ*. Sunt autem iura pacis; ut æque quisque suis fortunis fruatur, & quiete uiuat. est autem hæc oratio morata, qua sibi beneuolentiam conciliat; odium aduersario parit.

SICILICET. Alius locus refellendi crimina, de quo Aristoteles libro tertio Rhetoricorum; *criminantem recriminari*; Obiicit enim ei possessiones bono

10074

Cc rum

rum satellitibus datas, cædes, cruciatus uirorum, exilia; præclare, *nam, ut ait Aristoteles ibidem, absurdum est eius uerbis fidem habere, qui indignus sit, cui credatur.*

SCILICET. Addita est Ironia, sunt autem ironiæ exprimendæ aptæ particulæ, *scilicet, credo, enim, ut apud Demosthenem in Dia.*

NON ALITER SALVI. In contrariam sententiam accippiendum est. Rempublicam nimirum perditam esse, quia Vettius, & Cornelius aliena bene parta prodigunt, & quia plebs approbat proscriptiones, & cædes, & exilia Syllæ. Odium autem parit Syllæ, qui sceleratos præmiis afficit. Neminem, quia indignos decorari ait.

VETTIVS PISCENS. Hi sunt satellites Syllæ turpiore. de Vettio hoc nihil memini me legisse. Odium ei parit, quod e Piceno esset, non ex urbe. *Regum cohortem ex ciuibus esse, tyrannorum ex externis, docet Aristoteles libro quinto de Republica.*

CORNELIVS SCRIBA. neque in hunc adhuc incidi, erat autem satelles Syllæ, forte etiam liberus, quia nomen eius sequebatur; ut Sex. Clodius fuit scriba P. Clodij Tribuni plebis, qui egit Ciceronem in exilium. M. Claudius Glicia scriba fuit P. Clodii, qui rem male gessit primo bello Punico, Fasti cōsulum. Aemilius præco satelles fuit Scipionis Aemiliani, Plutarchus in Aemilio. M. Tullius scriba Ciceronis. Parit autem odium à ministerio.

PRODE-

PRODEGERINT. Prodigere est effundere, & consumere, unde prodigus; hoc autem dicit sapienter, nam, ut ait Aristoteles libro secundo Rhetorico tum, qui nouis fruuntur diuitijs incurias inferunt non malitia, sed partim contumelia, partim incontinentia plenas, ut in uerberationem, & adulterium. Opponuntur autem hæc bene parere, & prodigere, quod est male effundere. Idem Aristoteles libro quinto Politicorum ait, tyrannos malos amicos parere.

NISI APPROBARITIS OMNES PROSCRIPTIONES INNOXIORVM. Plutarchus in Sylla. Sylla primo die octoginta proscripsit, altero ducentos, ac uiginti, tertio non pauciores adiunxit, de quibus cum concionem haberet, dixit se quoscunque recordaretur proscribere, quos uero memoria non teneret, se mox proscripturum. Primus Sylla proscriptionem inuenit, quæ deinde usurpata est a triumuiris Reip. constituendæ, Velleius libro secundo.

INNOXIORVM. Misericordiam, Nemesimque mouet.

OB DIVITIAS. Ita Plutarchus in Sylla. Proscriptorum magna pars pecuniarum suarum causa neci tradita est, ita ut intersectoribus saepe dicendum esset, hunc domus sua, hunc hortus interemit. C. Aurelius cum ad tabulam accessisset, in eaque nomen suum legisset, dixit Albana uilla me prodidit, & paullo post à sicariis interfectus est. lege in concione Cæsaris in Catilinario. Nam uti quisque aut domum, aut uillam postremo eius,

aut uestimentum alicuius concupierat, dabat operam, ut is in proscriptorum numero esset. Aristoteles in Politicorum libro quinto. Tyranni, inquit, pecunias congerere, & augere student. Reges, eas potius res, quæ ad honorem, & gloriam ualent. Habet autem odium sceleratum quicquam moliri diuitiarum causa.

CRUCIATVS. Vt de M. Mario. M. Pletorio, narrat Plutarchus & Valerius de crudelitate. Res miserabiles, ait Aristoteles, esse eas, quæ interitum afferant, uel dolorem, inter eas autem numerat uerberationes, & cruciatus corporum.

VIRORVM ILLVS TRIUM. Habet Nemesium, & odium.

VRBEM VASTATAM FUGA, ET CAEDIBVS. His enim duobus modis urbs uexatur a Tyrannis, alios interimendo, alios in exilium pellendo, ut docet Aristoteles. Tyranni multitudinem ex urbe eicere solent, idemque, primores interficere imperij cõseruandi causa in Politicis.

FUGA. Sertorium intelligit, & reliquos, qui ad eum confugerant, & bellum parabant in Hispania, cum ante proscripti essent a Sylla.

CAEDIBVS. Quam multos interfecerit Sylla docet Plutarchus, Appianus, Valerius.

BONA CIVIVM MISERORVM. Misericordiam affert, quia indigni eo casu fuerint. superius, innoxiorum. Ad hoc pertinet, quod est apud Cicero- nem secundo de Officiis cum de Sylla sic loquitur. Est ausus dicere, hasta posita, cum bona in foro uende-

vet, & bonorum virorum, & locupletum & certe civium, prædam suam se vendere.

QVASI CIMBRICAM PRÆDAM. Odium movet Syllæ, qui bona civium vendiderit, aut donaverit, quasi Cimbricam prædam. Cum Cimbris enim, inquit, Cicero de officiis libro primo, bellatum est de capite. ergo merito præda Cimbrorum, ut capitalium hostium vel uenum, vel dono data est, De Cimbris Marius, & Catulus triumpharunt. Par etiam proverbum est apud Græcos, *μισθὸν λεία*. *Misthōn lêia*. *foris præda*. de quo Harpocration in Lexicon. Demosthenes in oratione pro Ctesiphonte, Aristoteles libro primo Rhetoricorum, & illud apud Latinos.

Sardi uenales.

AT OBIECTAT. Tertium crimen, quod sibi à Syllâ obijciebatur, diluit. Obijciebat autem, quod bona proscriptionum empta teneret. Diluit autem duobus modis, quorum unus hic, de quo Aristoteles libro tertio Rhetoricorum. *Si calumniator unus ex ijs sit; qui illam culpam, quam criminatur, admiserit*. ostendit enim Syllam proscriptionis auctorem eius fuisse. Alter vero est, quod criminatē reccriminatur, se enim ait poenitere, & restituere, quæ emit, Syllam vero minime poenitere. Argumentatio, qua primus locus tractatus est, dicitur à Græcis *Βλαπὴν*; retorquet enim argumentum Syllæ in eum, & ait non se accusandum esse, qui emerit, sed Syllam, qui proscripserit. Hac argumentatione usus est etiam in epistola

epistola Mithridatis. at qui ea, quæ te posse morari uidentur, si uera existimare uoles, maxime hortabuntur. eadem etiam usus est Cicero pro Lege Manilia, cum argumenta Catulli refelleret. Alter locus tractatus est comparatione suæ uoluntatis, & Syllæ.

OBIECTAT. id enim uituperabile etiam Syllæ aliquando uisum est, præcipue uero in Lepido, qui eius acta reprehenderet. Cornelius Nepos, cum de Attico scriberet, laudi id tribuit ei, quòd ad hastam nunquam accesserit.

QVOD QUIDEM SCELERVM ILLIVS. Prima criminis dilutio.

ATQVE ILLA. Altera ratio, quæ à se repellit Syllæ criminationem, quæ se poenitere ait, & bona dominis restituere, nec bellum cupere, contra uero Syllam contraria agere. Hoc modo se bonum uirum ostendit, Syllam improbum. Sibi beneuolentiam, illi odium comparat. Historia autem hæc confirmatur cum ex oratione Philippi, qui inquit. *An Lepidi mandata animos mouent, qui placere ait, sua cuique reddi, & aliena tenet, belli iura rescindi, cum ipse armis cogat.* Tum ex Floro, ubi agit de bello Lepidi, qui ait, *Lepidum acta Syllæ rescindere uoluisse, & proscriptis bona restituere.* idemq; confirmat etiam Appianus libro primo.

QVÆ TVM FORMIDINE. Aduuat causam suam, quantum potest, & Syllæ causam opprimit. Est enim illud *formidine* in sui excusationem dictum Syllæ autem accusationem.

NEQVE

NEQUE PATI CONSILIVM EST. Hæc, quæ sequuntur, dicta sunt ad ornandam voluntatem suam, itaque commoratio est, explicandæ magis, & augendæ voluntatis suæ causâ, quo maiorem sibi beneuolentiam pariat hac eximiæ probitatis specie.

PRAEDAM EX CIVIBVS. Præclare, nam præda proprie est ex hostibus.

SATIS ILLA. Commoratio. Bellorum civilium, & incommodorum eiusmodi finem hunc esse cupere se ait.

RABIE Rabiem per translationem iram uocat, est enim rabies. Huius ex tribus morbis, quibus canes laborare tradit Aristoteles de Historia animalium, estque ea furor, quo incitati huc, & illuc aguntur, sic etiam Sylla ira exagitatus fuerat, nempe ut inimicos ulcisceretur.

MANVS CONSERENTES. Interpretatio. Exponit enim, quæ sint ea, quæ rabie contracta tolerauerint. Appianus scribit ante bellum Marianum seditiones, ac tumultus tantum in urbe excitatos fuisse, non exercitu, nec imperatore rem esse actam: bello autem Mariano primum ciues signis, & exercitu manus contulisse. primum cum Sylla reuersus eiecit Marium ad Portam Collinam, & Exquilinam pugnatum est. Deinde in foro cum Cinna ab Octauio eiectus est ex urbe. tum ad urbem, cum Cinna & Marius reuersi ingressi sunt in urbem. de
mum

mum sapius & ad urbem, & in Italia, & in Sicilia,
& in Africa reuertente Sylla ex Asia.

AB EXTERNIS. A Cimbris, Teutonis, Numi-
dis, Mithridate, hi enim paullo ante uicti erant a
populo Romano, cum a Mario, tum a Sylla; quare
ijs exercitibus, quos ad ea bella conficienda a po-
pulo acceperant, inter se pugnarunt. eademque
illa arma, quæ contra exteros parata fuerint, inter
ipsos uersa sunt.

SCELERVM, ET CONTVMELIARVM OM-
NIVM FINIS SIT. Eadem, quæ supra commora-
tio est, quæ omnia superiora comprehendit, à par-
te enim ad totum peruenit. *scelera*, & *contumelias*,
Græci *κακουργήματα*, καὶ ὕβρις. *scelera*, afferunt dam-
num, ut cædes, rapinas, exilia. *contumeliæ* dede-
tus, ut stupra. item *scelera* odium faciunt, *contu-*
meliæ iram.

QVORVM ADEO SYLLA. Nunc cōparat Syl-
læ uoluntatem cum sua, & contendit eum non pœ-
nitere scelerum, & contumeliarum. Huius uolun-
tatis duo affert signa. unum est quod facta in glo-
riæ loco ponat. alterum quod si liceat, auidius fa-
ceret. sic in concione Macri. *Neque eos, qui ea se-*
ceret; pudet; aut, panitet; sed incedunt, per ora uestra ma-
gnifice, sacerdotia; & consulatus; pars triumphos suos o-
stentantes. Neque
Neque

NEque iam, quid existimetis de illo, sed
quantū uos audeatis uereor: ne alius aliū
principem expectantes ante capiamini,
non opibus eius, quasutiles, & corruptæ
sunt, sed uestra socordia, quam raptum
irilicet, & quam audeat, tam uideri fe-
licem: nam præter satellites commacula-
tos, quis eadem uult? aut quis non omnia
mutata præter uictoriam? scilicet mili-
tes, quorū sanguine Tarulæ, Scyrrhoq; pes-
simis seruorum diuitia parte sunt. an-
quibus prælatus in magistratibus capien-
dis Fusidius ancilla turpis, honorum om-
nium dehonestamentum? itaque maxi-
mam mihi fiduciam parit uictor exerci-
tus, cui per tot uulnera, & labores nihil
præter tyrannum, quesitum est. nisi forte
tribunitiam potestatem euersum profe-
cti sunt, per arma conditam a maioribus
suis: utiq; iura, & iudicia sibimet extor-
querent: egregia scilicet mercede, cum

Dd

relegati

liis affectū habebit aduersos. incidit autē locus opportunus ad ignauā plebis increpandā, quam si abiecerint, ostendit, spem esse melioris futuræ reipublicæ. Mouet autem & hic eundem, quem etiam Pericles, fiduciæ affectum, quibus autem modis hoc faciat sigillatim docebitur. conciliat sibi auditores cum se uereri ait, ne socordia parum audeat. Tractatio huius loci est κατὰ ἀντίρριον ἀγώνισμα. occurri enim poterat, non esse mouenda arma Syllæ, quia potentissimus sit, refellit eorum obiectio nem, ostendens infirmissimum esse eum, itaque est ἀντίρριον ἀγώνισμα.

NEQVE IAM. Transiit a ratione ad rationem. iamque se scire ait eos satis esse superioribus rationibus ad bellum Syllæ inferendū inflāmatos, sed sibi dubitationis aliquid afferre, nō opes eius, sed eorū socordiā. ostendit autem opes esse corruptas, socordiam esse abijciendam. estque hæc quasi cum superioribus rationibus, a quibus aliquanto sui excusationis causa digressus erat, copulatio.

QVĪD EXISTIMETIS. Hoc ad superiora argumenta pertinet, idest non uereor, quin putetis eum dignum esse, cui bellum inferatur.

SED QVANTVM. Hoc pertinet ad sequentia, quibus metum eorum est adempturus, & fiduciam allaturus, quam ipse audaciam appellat.

NE ALIJS ALIVM PRINCIPEM EXPETANTES. Secordiam eorum damnat, eaque

ἐπιτιμῆς, & παρηγοῖα, quod sapissime etiā facit Demosthenes in Philippicis. ut in altero commentario, dum similem Periclis sententiam explicarem, significavi.

NON OPIBVS, EIVS QVÆ FVTILES. Significat plebi non opes eius reformidandas, quas prius maxime reformidabat. Atq; in hoc id, quod ex Aristotele & in Periclis concione animaduertimus, obseruat, Syllæ enim vires ut hostis spectat, id quod ad belli cōsiderationē maxime accommodatū est. Id quod etiam adeum, qui fiduciam afferre uult plurimum interest, ut aut nullos, aut imbecillos esse aduersarios ostendatur.

QVÆ FVTILES. Sic etiam Demosthenes prima Olynthiaca, *neque enim, ut uidentur, res Philippi optime se habent.*

CORRVPTÆ. Trāslatio a fructibus sumpta. SED VESTRA SOCORDIA. Socordiam uocat Demosthenes τὴν ἀθυρίαν, καὶ τὴν ἀμέλειαν.

QVAM RAPTVM. Hic locus corruptus est, & mendosus, & uidentur pauca quædam deesse, quæ restitui sine antiquo fide digno codice nequeunt. Quantum autem coniectura colligi potest, uidetur esse locus ab Aristotele tractatus libro secundo de fiducia, ubi numerans res, quæ fiduciam afferant, inquit, *si malum sanari, & corrigi possit.* omne autem hoc incommodum cum ab ignauia eorum proficeretur, abiecta ignauia desinebat. Quod in pri-

ma etiam Philippica Demosthenes Atheniensibus pollicetur, si fecerint, euenturum.

NAM PRÆTER SATELLITES. Infirmas opes Syllæ esse probat ex eo, quia nullos habeat fidos præter sceleratos satellites. Eodem loco usus est etiam Demosthenes in oratione ad epistolam Philippi, item in prima olynthiaca. *Deinde & motus Theſſalorum illum turbant, hi enim natura, & reliquis omnibus infidi fuerunt, & id ipsum nunc experitur etiam Philippus. Et in prima Philippica. Neque enim putetis, tanquam Deo, res illi præſentes fixas eſſe, & immortales, ſed & odit eum aliquis, & metuit, Athenienſes, & inuidet, eorum etiam, qui ei uidentur eſſe coniunctiſſimi, & uniuerſa, quæ in alijs quibuſdam hominibus inſunt, & non eius quoque familiaribus exiſtimandum eſt in eſſe.* Habet autem maiorem uim oratio Demosthenis, qui Philippum ne amicos quidem fides habere ait. Interrogatione autem locus tractatur.

COMMACVLATOS. Odium mouet Syllæ a scelere, & turpitudine satellitum.

EADEM VULT. Eadem uelle est amicum eſſe. nam Catilina ſupra ait. *idem uelle, & idem nolle, ea de eadem ſirma amicitia eſt.* Ariſtoteles etiam libro ſecundo Rhetoricorum de amore. *amicos eos eſſe, ait, quibus eadem bona, & eadem mala ſunt, ut qui eoſdem habent amicos, & eoſdem inimicos. eadem enim ut ij uelint, neceſſe eſt.* Satellites autem Syllæ eoſdem habebant inimicos, quos Sylla, plebem ſcilicet. Atque etiam Ariſtoteles libro

bro quinto Politicorum inquit. *Et Regia quidem potestas amicorum fide, & presidio maxime conseruatur. Tyranni autem est amicos potissimum habere suspectos, insidosque, quasi uero omnes uelint, hi autem maxime eum possint de medio tollere.*

AVT QVIS NON OMNIA MVTATA PRAETER VICTORIAM. A nemine ipsum amari, ne a ab ijs quidem, qui eius partes sequuti sunt, adhuc, apertiusq; demonstrat. non solū enim ei nulli sunt fidi, sed odio etiam illum habent, uictoriam enim amant, odere uictorem.

QVIS NON OMNIA MVTATA. Hoc est nouarum rerum cupidos esse.

SCILICET MILITES. *Λόγος ἀντιπρόστος.* resistere enim quis poterat, asserens, amicos multos Syllam habere, nam milites ueteranos omnes ei esse amicos. hanc eorum objectionem dissoluit, & ostendit eos ei esse inimicissimos, & iratos. ira autem ex contemptu nata est, contempti autem sunt, cum præmia sint data turpibus satellitibus, & iidem sibi in capiendis magistratibus sint prælati. Oratio tractatur ironia. Argumentatio est inductio. paucos enim satellites quosdam nominat, quos ipse prætulerat militibus, ex quibus omnes intelligit.

SCILICET. Cum interrogatione, & ironia, ut etiam superius. ut, *scilicet is superis labor est.*

MILITES. Hi erant milites ueterani, quibus Asiam Sylla à Mithridate receperat, & Rempublicam

blicam recuperat.

SANGVINE. Grauius uerbum, quàm labore; uere autem ait sanguine, cum plerunque etiam anima profundatur. tanto igitur iustior ipsorum ira.

TARVLÆ SCYROQVE. Hi sunt ex Syllæ satellitibus, in quos nunquam incidi. ab uno omnes intelligit.

PESSIMVS SERVORVM. Odium creat illis, quòd sint scelerati. Nemefim, quia serui, indignamur autem indignis bona adesse. Est hoc autem græce dictum τοῖς κακίστοις τῶν δούλων. Cum autem milites à Sylla prætermissi sint, ergo contempti, si contempti irati sunt, si irati ultionem appetunt, hæc autem fiduciam affert, ut docet Aristoteles.

AN QVIBVS. Hoc etiam eodem modo contemptum continet, turpem ministrum præferri militi.

FVFSIDIVS. Hic dicitur a Floro de bello Mariano Fursidius. est autem ille, qui Syllam admonuit, ut sineret aliquos uiuere, ut essent, quibus ipse imperaret. Orosius Fursidium primi pilarem nominat. Horatius etiam mentionem facit cuiusdam Fufidii diuitis, & auari Satyra secunda.

Fufidius Vappæ famam timet ac nebulonis.

Diues agris, diues pœstis in fœnore numis.

ANCILLA TVRPIS. Adducit in odium a scelerate. Nemefim à ministerio. ancillam cum uocat, significat Syllam abatum esse ætate illius, nam fere cum

cum uirum mulieris nomine appellamus, eiusmodi aliquid significamus, ut Cicero ad Atticum Antonium uocat filiulam Curionis, erat enim Curio in amoribus Antonij ex Philippica secunda. Item de Oratore. C. Opimius, qui adolescentulus male audierat festiuo homini Egilio, qui uideretur mollior, nec esset, dixit, Quid tu mea Egilia, quando ad me uenis cum tua colu, & lana.

HONORVM DEHONESTAMENTVM *M. παρανομασία*, qui honores omnes deturparet. Sallustius in libris Historiarum de Sertorio loquens, *quo ille dehonestamento corporis maxime letabatur.*

ITAQUE MIHI. Conclusio est per repetitionem eiusdem rationis, qua confirmare uult animos populi ad bellum, quia qui milites Syllam defensuri esse uideri possent iidem maxime populi partes sint amplexuri. Causæ præter eas quæ dictæ sunt, sunt etiam hæ, quod tyrannidem ipsis imposuit, quod Tribunitiam potestatem euertit, quod syluas, & paludes eis donauit, præmiaque ampliora satellitibus, quàm ipsis distribuit. quibus modis, & incommodasse & despexisse, atque contumelia illos affecisse Syllam apparet. hæc autem sunt ea, propter quæ alicui irasci solemus.

MAXIMAM MIHI FIDUCIAM. Aristoteles de fiducia ait, fidentes reddi posse, quoties plures sint, quibus eadem conducant. itemque, si subsidia aut multa, aut magna adsint.

CVI PER TOT VVLNERAM. Repetitio eius, quod & superius; dixit autem superius, *sanguine*, quemadmodum etiam, quod prius, *Milites*, hic, *exercitum* appellat: mouet autem & pathos, quia tot malis affecti sint, & Nemese, quia inde non praemiis, quibus digni erant, ornati, sed tyrannide oppressi sunt. quare & odiū incitat in Syllam. Illud autem exprimit græca particula *κατά*, per tot uulnera pro tot uulneribus, ut, per arma, pro armis.

NIHIL PRAETER TYRANNVM QVAESITVM EST. Idest seruitutem in Tyrannide; hæc autem maxima est incommodatio ipsi allata, ob quā merito irasci debeant.

NI SI FORTE. Ironia tractat sequentes duas incommodationes:

TRIBVNITIAM POTESTATEM PER ARMA CONDITAM. Exemplo maiorum mouet eos, qui maiores tribunitiam potestatem armis pararunt, hi armis euerterunt. Parata est Sp. Cassio, C. Postumio Consulibus, plebs enim armata in montem sacrum secessit, nec nisi concesso plebeio magistratu inde reduci potuit. Sylla uero Tribunitiam potestatem euerit, iniuriæ enim potestatem eripuit, auxilii reliquit, & ne Tribunus plebis alios capere magistratus posset; interdixit, Cicero de Legibus, *Pedanius*.

IVRA ET IVDICIA. Leges & iudicia à populo ad Syllam translata sunt, nam Dionysius ait libro

Ec quarto.

quarto, trium rerum fuisse populum dominum, magistratum mandandorum, legum ferendarum, & belli indicendi. Valerius Poplicola legem de pro-uocatione ad populum tulit, ut superius diximus.

EGREGIA SCILICET MERCEDE. Attingit hic *καταρρόνησις*, quia ipsi præteriti sunt a Sylla, aliis præmia tributa sunt. Ironia tractatur oratio.

RELEGATI IN PALYDES. Hæc est *ὑλεις*. Syl-uas enim, & paludes militibus dedisse Syllam signi-ficat, non autem pecunias, aut prædam, quo modo ditauit milites suos Scipio Aemilianus.

RELEGATI. Verbum iræ plenum, & contem-ptus.

CONTVMELIAM ATQVE INVIDIAM SVAM, PRAEMIA PENES PAUCOS. Non so-lum hæc *καταρρόνησις* est, sed etiam *ὑλεις*. itaque om-nes hic iræ partes tanguntur. Sic Demosthenes Philippi duces infidos esse ait, *quia cum præsclarissime se gesserunt, maximis conuicijs, & contumelijs præter meritum incessuntur*.

INVIDIAM. Inuidia actiue capienda est, effecit enim, ut multis inuiderent, nempe satellitibus. in-uidia autem non in eo qui inuidet solum, sed in eo etiam, cui inuidetur, dicitur, Cicero in Tusculanis. Vel inuidia pro odio. incurrebant enim in multo-rum odium, quod ipsi c. rannum sibi, & cæteris in-stituissent.

PENES PAUCOS. Satellites, quos & superius diuitiis,

diuitiis, honoribusque affectos dixit.

QVARE IGITUR TANTO. Λύσει ἀντιπλήροτος. OC-
curri enim potest, immo uero ille potens est, cum
tanto agmine incédât: est enim hoc potentiae si-
gnum. Respondet, causam esse prosperitatem,
quæ uitiis tenebras offundit, quòd si ille paulum
labefactabitur, quàm ante foimidatus est, tam con-
temptum iri in posterum, nisi specie pacis, & con-
cordiæ eos decipiat. tractatio est per subiectionem,
petit enim a semetipso causam, deinde ea subiicit,
quæ sibi opportuna uideantur. sententiam hanc
mutuatus est à Demosthene prima Olynthiaca.

*Nimirum enim hæc nunc eius successibus obscurantur, quando-
quidem res secunda magnam uim habent ad occultanda, & ob-
umbranda talia probra; at si paulum impegerit, tum in om-
nem eius uitam, & fortunas inquiretur. Itemque ex re-
sponsione ad epistolam Philippi. Qui fit igitur,
si ista uera sunt, ut iam longum tempus in fide maneat,
nec eum deserant? quia successus, Athenienses, hæc omnia
caligine inuoluunt, nam secunda res magnam uim habent
ad peccata hominum contegenda, & obumbranda. at si quam
cladem acceperit, tum in apertum hæc omnia palam profe-
rentur.*

QVARE TANTO AGMINE. ὁ ποσὸν. Comites
significat, quos plurimos secum habebat.

TANT ANIMIS. Idest spiritibus, fastu, su-
perbia.

INCEDIT. Incedere est ingredi, sed cum quo-

Ec 2 dam

NISI FORTE. *Λύσις ἀντιπρόσθετος*. Quia dixit con-
temptum iri. occurrit, nisi forte ille uos decipiet
specie pacis & concordiae.

SPECIE CONCORDIAE ET PACIS. Deest a-
liquid huic sententiae, forte subaudiendum est, de-
cipiet. ille enim profitebatur se recuperasse Rem-
publicam.

SCELERI, Genus est *κακία*.

PARRICIDIO. Species parricidium etiam de
patria dicitur.

NEQVE ALITER. Adiungit uerba, quibus so-
litus erat uti Sylla, ut ab oratione ei odium pariat.
Sic Cicero recitat aliquando dicta superba Anto-
nii. ut, *se uenturum ad urbem quotiescunque uelit*, &, *nisi*
uictorem uicturum neminem. & illud ad septem uirum,
quod concupisces habebis.

MANEAT EXPVLSA. Odium affert. historia
exposita est.

PRAEDA CIVILIS ACERBISSIMA. Miseri-
cordia.

IUS IUDICIUMQVE OMNIUM RERVM PE-
NES SE, Inuidia.

QVOD POPVLI ROMANI FVIT. Miseri-
cordia.

QVAE

PERORATIO.

Quæ si uobis pax, & concordia intelligantur: maxima turbamenta Reipublicæ, atque exitia, probate, annuite legibus impositis, accipite otium cum seruitio, & tradite exemplum posteris ad populum Romanum suimet sanguinis mercede circumueniendum. mihi quamquam per hoc summum imperium satis quesitum erat, nomini, maiorum dignitati, atque etiam præsidio, tamen non fuit consilium priuatas opes facere, potiorq; uisa est periculosa libertas quieto seruitio. Quæ si probatis, adeste. Quirites, & bene iuuantibus Dijs, M. Aemilium Consulem ducem, & auctorem sequimini ad recipiendam libertatem.

Docet Aristoteles perorationes ornari hoc modo solere. si repetamus, moueamus conciliemus. Repetit argumenta fere superiora, quæ sunt ducta
a locis

a locis his, a turpi. & ab inutili: est enim in utile probare pacem, quæ sit turbamentum reipublicæ, & otium accipere, quod afferat seruitutem. & legibus parere quæ per uim sint impositæ. turpe etiam est, tradere exemplum seruitutis posteris. a suo cōsilio suadet, qui periculosam libertatem anteponat quieto seruitio. Mouet, odium creans Syllæ, fiduciam afferens plebi a Deorum ope, conciliat cū uoluntatem suam egregiam ostendit, qui priuatis commodis, & honoribus non inseruiat, sed publicis, & qui periculosam libertatē malit, quàm quietam seruitutem, & qui se ducem eorum profitetur fore ad recipiendam libertatem. Amplificatio est in epithetis, & uerbis idem ualentibus. Tractatio est figura permissionis cum ironia.

QVÆ. SI VOBIS. Pax & concordia non sunt ea, sed turbamenta Reipublicæ. ergo non probanda, nec annuendum legibus impositis. Figura, quæ a Græcis dicitur ἐπιτροπή, id est permissio, est autem quoties alicui rei confidimus, & nostro iure audito ribus largimur, ut quemadmodum uidetur illis cōstituant. adiuncta est autem Ironia, ut contrariam exprimat sententiam. sic Demosthenes quarta Philippica. *Verum si quis alius id dicit, uobisq̃ue persuadet, esto: ne defendite uos, amittite omnia. Sin hoc nemini uidetur, sed contrarium præsциmus omnes, quid tergiuersamur, quid moramur?* Sc Liuius in concione legatorum Macedonum libro trigesimo primo. *Assuescite his terris legio-*

nes externas, & iugū accipite, sero ac nequicquā cum dominum Romanū habebitis, socium Philippum quaeritis. Sic Cato apud Sallustium. Misereamini censeo, deliquere homines adolescentuli per ambitionem, atque etiam armatos dimittatis. ne ista uobis misericordia, si illi arma ceperint, in perniciem conuerteretur. & Virgilius libro quarto Aeneidos.

I, sequere Italiam uentis, pēte regna per undas.

Spero equidem medijs, si quid mea numina possunt,

Supplicia hausurum scopulis.

LEGIBVS IMPOSITIS. Iniustas leges fuisse indicat, nam tanquam onus sunt impositae. sic Cicero ad Atticum *Consul est impositus nobis.* superius autem leges penēs Syllam fuisse iam dixit.

ACCIPITE OTIVM CVM SERVITIO. *παύσησθε* Otium autem, idest pacem & concordiam, sic enim ille appellabat. Cum seruitio uero, quia leges imposuit grauissimas, quibus libertas crepta est. haec omnia afferunt damnum. Superius etiam dixit. *Otium cum libertate sublatum e Republica Romana esse, uerum aut imperitandum, aut seruiendum,* ijs uidelicet, qui in otio esse uelint.

TRADITE EXEMPLVM. Hoc est infamiae, neque enim ipsi à maioribus ea exempla habebant.

MIHI QV ANQVAM. Nunc & iudicio suo bellum suadere uult, & sibi conciliat auditorem à uoluntate sua erga populum. remouet autē eas causas, quibus obijci possit, eum hanc partem esse aggressum, praesidii, & honoris gratia, & ait se hac de
caussa

caussa non permoueri, nam se cum consulatu adeptum satis, satis enim firmum esse aduersus Syllam, & satis etiam honoris esse consecutum & addidisse familiæ, & dignitati maiorum.

PER HOC SYMMVM IMPERIVM. Idest consulatum, quæ etiam summa potestas dicitur, idest quia ei prouincia decreta erat, & imperium.

NOMINI. Famæ, immortalitati, quippe cum anni Consulum nominibus appellaretur in Fastis.

MAIORVM DIGNITATI. Quorum plurimi hoc honore usu sunt.

PRAESIDIO. Propter lictores, & quia magistratum uiolare nefas.

TAMEN NON FVIT CONSILIVM. Sic Demosthenes in oratione pro Deiope te rationem uitæ suæ in fine orationis commodat Atheniensibus.

PERICVLOSA LIBERTAS QUIETO SERVITIO. Contraria hæc omnia.

QVAE SI PROBATIS. Hortatio extrema.

BENE IUVANTIBVS DIIS. Hic locus traditus est ab Aristotele libro secundo Rhetoricorum de fiducia, & a Demosthene ad epistolam Philippi, & a Liuius in oratione Sulpitii de bello in Macedoniam transferendo, ut Deos sibi facere dicant.

M. AEMI IVM. Non dixit me, sed M. Aemilium modestiæ causa.

CONSVLEM. Imperium affert fiduciam.

DVCEM Ad agendum.

Ff AVCTO-

AVCTOREM. Ad consultandum.

AD RECIPIENDAM LIBERTATEM. Vfus
est uerbo Democratix gratisimo, non enim dixit
ad bellum inferendum, ne uideretur seditiosus, nec ad
imperium comparandum, ne tyrannidis auidus, sed ad li-
bertatem, quæ semper honesta est nec dixit compa-
randam, sed recipiendam, est enim multo honestius
recuperare, ea, quæ amicimus, quàm
comparare, quæ non habemus. in
quo uerbo locus laret ἀπὸ τοῦ
καλῶς, atque etiam τοῦ
ἀγαθῶς.

F I N I S.



AVCTO.

AVCTORIS CITATI

IN HIS COMMENTARIIS

*In quo illud notandum. In singulis paginis plures eiusdem au-
toris locos posse reperiri. Itemque libros auctorum,
qui cum citarentur breuitatis causa aliquando
nominati non sunt, hic eos indicari.*

Aristoteles	In Politicis lib. primo	86
In Rhet. Lib. primo 15, 34,	Lib. sec. 19, 28, 66, 84, 96,	
37, 52, 55, 57, 58, 59, 62,	100	
93, 101, 103, 122, 159, 151,	Lib. Quinto 153, 159, 163,	
155, 157, 159, 162, 169,	171, 202, 203, 204, 214,	
177, 179, 196, 197	220	
Lib. sec. 25, 37, 38, 42, 43,	Lib. sexto	171
50, 55, 57, 60, 69, 70, 73,	In Physicis	53
80, 83, 85, 90, 91, 94, 103,	De Historia animalium	207
111, 112, 113, 117, 120, 121,	Appianus	144, 167, 206, 207
130, 134, 139, 154, 157, 158,	Apollodorus de origine Deo-	
159, 174, 180, 189, 213, 216,	rum	124
220	Aristophanes	198
Lib. ter. 13, 34, 36, 38, 55,	Augustinus de ciuitate Dei,	
70, 86, 95, 110, 154, 166,	142, 152, 153	
168, 169, 200, 201, 202,	Aulus Gellius	141, 142
203, 205, 222, 225	Auctor Rhet. ad Alex.	59, 80
In Prioribus Analyticis	Auctor de Viris Illustribus	
Libro primo	144, 163	
Libro secundo	Auctor Scholiorum in Thuc.	
52, 117	96, 142	
In Topicis	57, 60, 113	
In Ethicis Libro primo	52	
Libro secundo	42	
Libro septimo	38, 39, 88	
Lib. decimo	66	
	Boethius in Topica Cice.	61
	Carolus Sigonius De Reput	
	ff	
	Athenien	

Atheniensium	28	Philipp. tertia	181
Cæsaris Comm. de bello Gall.		Philipp. quarta	146, 181
168		Philipp. quinta	190
Cicero de inuentione	36, 78	Philipp. sex.	106
In Partitionibus	38, 60, 77,	Philipp. septima	138
78, 91, 92, 110, 170, 171,		Philipp. octaua	201
196		Philipp. undecima	174
In Topicis	26, 27, 60, 113	Cornelius Nepos in uita Att.	
De Orat. 11, 26, 37, 55, 57,		186, 206	
59, 60, 77, 81, 86, 87, 91,		Dionysius Halicarnassicus	
95, 111, 112, 113, 137, 138,		De iudicio Thucydidis histo-	
139, 147, 216		riae ad Tiberonem 9, 11,	
De claris Orat.	17, 166	15, 137	
In Orat. Perfecto, 12, 13, 38,		De propriis Thucydidiae elo-	
167		cutionis formis ad Am-	
In Epist. ad Q. Fratrem	20	maum	10, 11
In Epist. Fam.	47	In Epist. ad Cn. Pomp.	111
In Epist. ad Att.	216, 224	In Historiis	217
In Epist. ad Octauium	168	Demetrius Phalereus de elo-	
De Off.	70, 140, 169, 204	cutione	10
In Tusculanis Quæst.	176,	Dionysius Longinus de subli-	
118		mi genere dicendi,	11
De Rep.	152	Diodorus Siculus,	64
De legibus	152, 217	Dio,	167
In Paradoxis	176	Demosthenes	
In Orationibus		Olynthiaca prima	45, 138,
Pro Sex. Roscio	188	151, 113, 212, 219	
Pro lege Manilia	80, 170,	Olynthiaca secunda	110, 161
206		Olynthiaca tertia,	20, 45,
Pro Cornelio	191	140	
Pro Milone	47, 18	De Halonesso	165
Philipp. prima	157	De Cheronesso,	45, 135,
Philipp. secunda	216	162	
		Ad	

Ad epistolam Philippi, 51,	Lib. quarto, 30, 40
121, 146, 113, 219, 225	Lib. quinto, 69, 81, 136
Pro Deiotete, 183, 225	Lib. sexto, 197
De Rhodiorum libertate, 80	Lib. nono, 81
De pace, 105	Lib. trigesimo primo, 223
Ἐπιστολὴς, 105, 129,	Lib. trigesimo secundo, 135
133, 136	Lib. trigesimo quarto, 66, 72
Philipp. prima, 105, 106	Lib. trigesimo quinto, 30,
159, 172, 213	40
Philipp. secunda, 153, 155	Lib. trigesimo sexto, 183
Philipp. quarta, 164, 223	Lib. quadagesimo primo,
Pro Ctesiponte, 105	82
Epitome Liuii, 173, 175, 190	Lucianus, 101
Epicharmus, 139, 151	Marcellinus in uita Thucy, 18
Falti Consulares, 143, 167, 202	Macrobius, 142
Gaspar Contarenus Cardina-	Nonius Marcellus, 141, 142,
lis de Rep. Ven. 28, 116, 152	158
Hermogenes, 27	Plutarchus, 11
De statibus, 27	De Institutis Lacedæmonio-
De inuentione, 76, 111	rum, 98, 134
De Ideis, 38	De Præceptis Politicis, 29,
Horatius, 47, 115	139
Homerus, 66, 198	De uirtute, 42
Herodotus, 118	In epistola consolatoria ad
Hesiodus, 139	Apollonium, 150
Isocrates, 119, 130	In Pericle, 17, 18, 20, 40, 78,
De pace, 36	119, 130
In Panegyrico, 69, 70	In Solone, 28, 118
Institutiones Iustiniani, 194	In Lycurgo, 67, 96, 97, 134
L. Florus, 169, 175, 206	In Pomp., 143, 167
Liuius, 194	In Sylla, 175, 192, 193, 196,
Lib. primo, 194	203, 203
Lib. secundo, 194	In Lucullo, 186
	Plato

Plato		Stobæus,	131, 164, 184, 192
In Alcibiade primo,	16, 19	Suetonius,	167, 172
In Phædro	16	Theognis,	51
In Gorgia	18, 19	Thucydides	
In Theage	19	Lib. primo	3, 40, 46, 51,
In Lachete	67		53, 58, 61, 65, 66, 69, 73, 93,
Pindarus	46		96, 97, 100, 104, 105, 106,
Ponius	14		115, 117, 123, 130, 132, 133,
Polybius,	152, 170, 194, 195		170
Paullus Orosius,	144, 115	Lib. secundo	19, 20, 40, 49,
Quintilianus,	17, 23, 34, 59, 77,		72, 85, 100, 103, 115, 124,
	139, 187		129, 130, 132, 140, 184
Salustius		Lib. tertio	191, 174
Libri Historiarum,	66, 129,	Lib. sexto	84, 93, 133
	138, 156, 158, 166, 167, 183,	Lib. octavo	114, 119
	189, 193, 206, 208, 216	Vulpianus,	19, 78, 136
In coniuratione Catilinæ	80,	Virgilius	31, 220, 224
	129, 164, 182, 193, 203, 113,	Valerius Maximus,	173, 175,
	294		195, 204
In bello Iugurthino	164, 220	Xenophon	
In epistola ad Cæsare Vulgo		De repub. Atheniensium	28,
eidem scripta	52, 157, 220		96, 97, 125, 130
In oratione in Cic. eidē ascri		De rep. Lacedæmonios	135
pta	172	De rebus Græcis,	114
In epistola Mithridatis	206		

F I N I S.



E R R A T A.

Delenda.

Reponenda.

Fol. 10. uer. 5.	illas	illam
31. 8.	πολιτεῖν	πολεμῶν
33. 11.	oratore	auditorem
60. 14.	aut uiruperandum ualere	aut uiruperandum, ac accusandum aut defendendum ualere.
61. 18.	repellarunt	rebellarunt
72. 3.	aque	arque
87. 14.	in oratore	In de Oratore,
95. 8.	in oratore	in de Orat.
96. 8.	Peloponnesi	Peloponnesi,
106. 24.	"	"
107. 21.	I.orum aliquid	locum aliquem.
118. 10.	Herodotus è memoriæ	Herodorus memoriæ.
122. 1.	Habeamus	Habent
24. 5.	pararam	pacaram
129. 11.	iudicabuntur	indicabuntur
133. 18.	iudicabuntur	indicabuntur
145. 7.	explanationem	explanationem
136. 14.	ἐχθρὸς	ἐχθρὸς
138. 16.	in Orat.	In de Orat.
148. 9.	Consulis	Consulum
155. 18.	Demosthenes in Philip pieis. nam. &c.	Demosthenes. nam. &c.
159. 3.	intercre	Interficere.
167. 16.	Origenibus	originibus
176. 6.	agendi	augendi
176. 11.	proficitur	profiscitur.
177. 16.	omniæ	omnia.
203. 4.	incurias	iniurias
213. 17.	fidos	fidos
215. 1.	recuperat	recuperaras
15. 16.	abutum	abusum



